

कर्मजुन

संस्कृत-संस्कृत-संस्कृत

কণাড্‌জুন

অপারেশচন্দ্র মুখোপাধ্যায়

আর্ট থিয়েটার কর্তৃক ষ্টার রঙ্গমঞ্চে অভিনীত
প্রথম অভিনয় রজনী—শনিবার ১৫ই আষাঢ়, ১৩৩০

গুরুদাসচট্টোপাধ্যায় এণ্ড সন্স,
২০৩।১।১, কর্ণওয়ালিস স্ট্রিট, কলিকাতা

ছই টাকা চার আনা

সর্বস্বত্ব সংরক্ষিত

বিংশ সংস্করণ

উৎসর্গ

নাট্যবিদ্যাভারতী

শ্রীযুক্ত নির্মলশিব বন্দ্যোপাধ্যায় কবিভূষণ

মহাশয়ের

করকমলে

নাট্যোল্লিখিত ব্যক্তিগণ

পুরুষগণ

শ্রীকৃষ্ণ, বলরাম, মহাদেব, ইন্দ্র, সূর্য্য, জামদগ্ন্য, ভীষ্ম, দ্রোণ, কৃপ, ধৃতরাষ্ট্র, দুর্যোধন, দুঃশাসন, বিকর্ণ, যুধিষ্ঠির, ভীম, অর্জুন, নকুল, সহদেব, অধিরথ, কর্ণ, বৃষকেতু, বিহর, শকুনি, সঞ্জয়, বিচিত্রসেন, ধৃষ্টদ্যুম্ন, শল্য, জরাসন্ধ, অগ্নিহোত্র, ঋষি, ব্রাহ্মণগণ, মন্ত্রী, প্রতিহারী, দূত, বালকগণ, দৌবারিকগণ, বন্দিগণ ইত্যাদি

স্ত্রীগণ

পার্বতী, কুন্তী, দ্রোণদী, অকেতু, পদ্মাবতী, নিয়তি, ভৈরবী, বন্দিনীগণ ইত্যাদি

কর্ণাজ্জুন

প্রথম অঙ্ক

প্রথম দৃশ্য

নদীতীর

কাল—প্রভাত

কর্ণ

বন্দি-বন্দিনীগণের গীত

নমো নম রবি ছবি গগন-বিহারী ।

উজ্জ্বল তপন, ভুবন-নয়ন

সকল তিমির অপহারী ॥

জয় গ্রহেশ্বর, চির-রুচির দিব্য কলেবর,

ক্ষুরিত ব্রহ্মজ্যোতিঃ—পাপ তাপ হর,

জবা-কুম্ভ-বরণ, অমল অরুণ,

বিমল কনক কিরীটধারী ।

প্রস্থান

কর্ণ ।

অপূর্ব আলোকছটা উদয় অচলে,

অপূর্ব পুলক জাঁগে হৃদয়-কমলে ।

বুঝিতে না পারি

কি অজ্ঞাত আকর্ষণে

উদ্বেলিত হৃদয় আমার !

কহ বিভাবসু,

কি সম্বন্ধ তোমায় আমার ?

কেন এই উচ্চ উদ্দীপনা ?
 নীচ-কুলোদ্ভব রাধার নন্দন আমি
 স্নত-পুত্র অধিরথ-স্নত ;
 কিন্তু যবে প্রণমি তোমায় দেব,
 আনন্দে অধীর—
 শুনি যেন অশরীরী বাণী
 ধীরে পশে কর্ণে মোর—
 দিবাকর আকর আমার,
 স্বর্ণ-স্নত্রে সম্বন্ধ স্থাপিত
 অভিমানে স্নুরে এ অন্তর !
 দিন দিন দিনকর সনে
 কত আশা—কত সাধ
 কত বিচিত্র কল্পনা
 রেখায় রেখায় ফোটে অন্তরে আমার ।
 বুঝিতে না পারি
 কিবা মোহিনী-মায়ায়
 সমাচ্ছন্ন প্রাণ !

অগ্নিহোত্র ও জনৈক শূত্রের প্রবেশ

অগ্নি । অপবিত্র স্নতপূরীতে বেটা চণ্ডালের স্পর্শ দেখ ! গুরুদেবের জন্ত
 যজ্ঞের হবি সংগ্রহ ক'রে নিয়ে যাচ্ছিলেম, বেটা সংস্পর্শ-দোষে সব
 মাটি কয়লে ! এ হবিতে কি আর হোম হবে ? চল্ বেটা রাজার
 কাছে, আজ তোর শূলের ব্যবস্থা ক'রে তবে পূজা অর্চনা ।
 শূত্র । রক্ষে কর বাবা, রক্ষে কর, আমি ইচ্ছে ক'রে তোমায় ছুঁই নি !
 (কর্ণকে দেখিয়া) রক্ষে কর বাবা, নইলে রাজার কাছে নিয়ে গেলে
 আমার আর প্রাণ থাকবে না ।

কর্ণ। কেন ব্রাহ্মণ, আপনি এ নিরীহকে পীড়ন করছেন ? এ আপনার কি ক'রেছে ?

অগ্নি। কি ক'রেছে ! সকাল বেলা গঙ্গানান ক'রে শুদ্ধদেহে যজ্ঞের হবি নিয়ে যাচ্ছিলেম, বেটা চণ্ডাল ছুঁয়ে দিয়ে আমার এক কলসী ঘৃত ভস্মসাৎ ক'রলে ! এতে কি আর হোম হবে, না পূজা হবে ?

শূদ্র। দেখুন তো কর্তা, আপনিই বিচার করুন। ওঁরাও যেমন আমাদের ছোঁই না, আমরাও তেমনি ইচ্ছে ক'রে ওঁদের ছুঁই না। হঠাৎ আমার ছায়া মাড়িয়েছেন ব'লে আমায় রাজার কাছে নিয়ে যাচ্ছেন দণ্ড দিতে ; সেখানে গেলে কি আমি বাঁচব ? দোহাই কর্তা, আপনি আমায় বাঁচান। আপনাকে ছুঁতে আছে কি না জানি না, নইলে আপনার পা দু'টো জড়িয়ে ধরতুম।

কর্ণ। ভয় নেই, তুমি আশ্বস্ত হও। ব্রাহ্মণ, দ্বীনের প্রণাম গ্রহণ করুন। প্রভু, আপনার যা ক্ষতি হ'য়েছে, তার দশগুণ হবি আমি দেব, এ হতভাগ্যকে কিছু বলবেন না।

অগ্নি। যি তো তুমি দেবে, কিন্তু এ যে পাপ ক'লে, এর শাস্তি বিধান না করলে, দেশ যে ক্রমশঃ অরাজক হ'য়ে উঠবে ; অস্পৃশ্য জাতি কি আর ব্রাহ্মণকে মানবে ?

কর্ণ। দেব ! এ ব্যক্তি তো ইচ্ছাপূর্বক আপনাকে স্পর্শ করে নি ; আর যদি ইচ্ছা ক'রে স্পর্শ ক'রত তা হ'লে এমন কি মহাপাপ হ'ত ? এও
মাহুষ—আপনিও মাহুষ। *মহাভারত (১ম অঙ্ক) ১৩৩*

অগ্নি। বটে ? আমি দ্বিজ, বর্ণশ্রেষ্ঠ, আর এ ব্যক্তি অস্পৃশ্য চণ্ডাল—
এতে আমাতে সম-পর্যায় ? তুমি কে বট হে, এমন অজ্ঞানের মত কথা বলছ ! শাস্ত্রাচার জান না ? কোন্ কুলোদ্ভব তুমি ?

কর্ণ। অধীন সূত-পুত্র।

অগ্নি। ও ! ক্ষত্রিয়ের ওরসে বৈশ্যানীর গর্ভে যে সংস্কার-বর্জিত

সঙ্করজাতি সূত, সেই কুলকোজ্জল তুমি ? তুমি আর শাস্ত্রাচার জান্বে কি ক'রে ? বেদিক। (শূদ্রের প্রতি) চল, চল বেটা চল—আজ তোর মুণ্ডপাত ক'রে তবে আমার কাজ !

শূদ্র। তবে কি আমায় সত্যি সত্যি শূলে যেতে হবে ?

কর্ণ। কিছুতেই না। আমি তোমায় আশ্রয় দিয়েছি, যদি প্রয়োজন হয় আমি তোমার জন্ত দণ্ডভোগ করব। তুমি সর্বজাতির অম্পৃশ্য হ'লেও আমার অম্পৃশ্য নও। তুমি আমার শরণাগত, আমার ভাই। এই দেখ—মাংসপেশী শোণিত, আর এর অন্তরালে যে প্রাণ—তা ব্রাহ্মণ শূদ্রের ভেদশূন্য। তুমি চণ্ডাল হ'লেও—তোমাতে আর পৃথিবীর সর্ব-মানবে কোন পার্থক্য নেই। ব্রাহ্মণ ! আপনার চরণে বারবার প্রণাম ক'রে ভিক্ষা চাচ্ছি, একে পরিত্যাগ করুন, আপনার ক্ষতি আমি পূরণ ক'রব ! অগ্নি। (স্বগত) বেটা বলবান, অধিক বিতণ্ডার প্রয়োজন নাই। (প্রকাশ্যে) যা যা বেটা চণ্ডাল, বেঁচে গেলি। অনন্তোপায় হ'য়ে তোকে ক্ষমা কল্লেম, যা ! সূত-প্রদত্ত হবিতে হোম হবে কি না, কে জানে ? পুনরায় গঙ্গান্নান ক'রে যাই, দেখি গুরুদেব কি বলেন।

প্রস্থান

শূদ্র। ওঃ ! বাঘের মুখ থেকে তুমি আমায় রক্ষা ক'রেছ ! তুমি যেই হও, আমার কাছে তুমি দেবতা—তোমার জয় জয়কার হ'ক।

প্রস্থান

কর্ণ। এ শাস্ত্রের বিধান, না দুর্ব্বলের প্রতি প্রবলের অত্যাচার ? কেন এ পার্থক্য ? আমি সংস্কার বর্জিত সূত-পুত্র, হীন কুলে জন্ম ব'লে কি উচ্চ অধিকার আমার নেই। আমি চিরদিনই কি হীন হ'য়ে থাকব ?

অধিরথের প্রবেশ

অধি। পুত্র, তুমি কিশোর বয়স অতিক্রম ক'রে যৌবনে পদার্পণ করেছ ; কিন্তু তোমাকে আমি দিন দিন চিন্তিত দেখি কেন ? আমি তোমার

পিতা, আমার কাছে মনোভাব গোপন ক'রো না। বল, তুমি কি
চাও ? কিসে তুমি সুখী হও ?

কর্ণ।

পিতা !

সূচীবিদ্ধ অন্তর আমার নিয়ত কাতর—

ভিল নহে স্থির কভু।

উচ্চ আশা

বহিঃশিখা সম

প্রজ্বলিত হৃদয়-কন্দরে।

সাধ—নিজ কৰ্ম্মবলে,

উচ্চগতি করিব অর্জুন।

শাস্ত্র যদি নিষিদ্ধ সূতের—

গুনিয়াছি

ক্ষত্রিয়ের সম

শাস্ত্রে আছে অধিকার মোর,

তাই নিবেদন চরণে তোমার

দেহ আজ্ঞা, যাব হস্তিনায়।

গুনিয়াছি দ্রোণাচার্য্য আচার্য্য-প্রধান

মতিমান্ কৌরবের গুরু—

শিষ্যত্ব তাঁহার করিয়া গ্রহণ

করিব হে সফল জীবন !

বাহুবলে সূতবংশ-খ্যাতি

চিরদিন .

ভারতের ইতিহাসে রহিবে অঙ্কিত।

অধি। বৎস ! এই তোমার মনোবেদনার কারণ ? এ কথা আমায়
এত দিন বল নি কেন ! কৌরবংশের ধৃতরাষ্ট্র আমার পরিচিত, আমি

তোমাকে পত্র দিচ্ছি, তুমি তাঁর নিকট গমন কর, তোমার বাহ্য সহজেই পূর্ণ হবে। তুমি সহজেই আচার্য্য জ্যোতির্ষ্যের আশীর্ব্বাদ লাভ ক'রবে।

কর্ণ। পিতা, সর্ব্বতীর্থের কল্যাণ তোমার চরণ-রেণুতে, তোমার পদে প্রণাম ক'রে আমি অভীষ্টলাভে যাত্রা করি! আশীর্ব্বাদ কর, বিভালাভ ক'রে যখন ফিরে আসব, তখন যেন অধিরথ-সুত কর্ণের যশঃ সৌরভে পৃথিবী আমোদিত হয়।

অধি। বৎস, সর্ব্বাস্তঃকরণে আশীর্ব্বাদ করি, তুমি সফলকাম হও।

কর্ণের প্রস্থান

অধি। সিংহশিশু শৃগালের গহবরে পালিত হ'লেও সে সিংহেরই শিশু—শৃগালের নয়। এই গঙ্গাগর্ভে তাত্রপাত্রে সযত্নে রক্ষিত দিব্যকাস্তি সহজাত কবচকুণ্ডলধারী তোমাকে যে দিন লাভ করি, সেই দিন দৈববাণী হয়েছিল, “অধিরথ! এই শিশুর নামকরণ কোরো ‘কর্ণ’ আর একে জগতে তোমার পুত্র ব'লেই প্রচার কোরো।” কে এ বালক, কোন্ মহাকূলে এর জন্ম, দেবতা কি গন্ধর্ব্ব কিছুই জানি না। পুত্রস্নেহে তোমায় লালনপালন করেছি—তুমি যেই হও—এখন আমারই পুত্র।

প্রস্থান

দ্বিতীয় দৃশ্য

হস্তিনা—প্রাসাদ

শকুনি

শকুনি। বীজ বপন করেছি—ক্ষেত্রও উর্বর—কত দিনে অঙ্কুর তরুতে
পরিণত হবে, তরু ফল প্রসব করবে—কে জানে! গান্ধারি! স্বামী-
পুত্রের মায়ায় তুমি ভুলেছ, কিন্তু আমি তো ভুলতে পারি নি।
কারাগারে পিতৃহত্যা ভ্রাতৃহত্যা—আমি শকুনি এখনও জীবিত—শুধু
প্রতিশোধ নেব ব'লে। বিপক্ষে অস্ত্র ধ'রে নয়—দুর্যোধন, তোমাকে
দিয়েই তোমার বংশ ধ্বংস ক'রব, তাই তোমার সংসারে অন্নদাস
হ'য়ে আত্ম-অভিলাষ গোপন ক'রে আছি।

দুর্যোধন দ্বঃশাসনের প্রবেশ

দুর্যো। ক্রমশঃ অসহ্য হ'য়ে উঠছে। অর্জুন—অর্জুন! আচার্যের
কেবল শয়নে স্বপনে অর্জুন! শ্রেষ্ঠ অস্ত্রবিজ্ঞা যা, তা অর্জুনকেই দান
করেন, আমাদের বলেন, 'তোমরা অধিকারী নও'। কেন?

শকুনি। একদর্শিতা—বুঝলে বাবাজী—একদর্শিতা!

দ্বঃশ। আমার প্রতিদ্বন্দী—ভীমসেন; কিন্তু মল্লযুদ্ধে আচার্য্য প্রশংসা
করেন তারই অধিক, আমাকে কাছেই বেঁসতে দেন না।

শকুনি। অকৃতজ্ঞতা—অকৃতজ্ঞতা! খেতে পেতেন না, দেশে দেশে
ভিক্ষে ক'রে কপ'ন জুটত না, ছেলে দুধ খাব বলে বায়না নিলে,
পিটুলি গুলে খাওয়াতেন, মহারাজ ধৃতরাষ্ট্র আশ্রয় দিলেন, আচার্য্য
ক'রে দিলেন—আর তাঁর ছেলেরাই হ'ল দ্রোণের চক্ষুশূল।

দুর্যো। আর পাণ্ডবেরাই হ'ল তাঁর প্রিয়! কি অবিচার!

শকুনি। যত অনিষ্টের মূল আমাদের মহারাজ ধৃতরাষ্ট্র। ছিল শতশৃঙ্গ
পর্বতে, পাণ্ডু আর মাদ্রীর যুতদেহ নিয়ে কতকগুলি ঋষি এক দিন

সকালবেলা উপস্থিত—সঙ্গে সঙ্গে পাণ্ডব আর কুন্তী, সেই সময় মহারাজ যদি অস্বীকার করতেন, তা'হলে কি আর ওরা এখানে স্থান পেত ? দুর্ঘ্যো । মহারাজ অস্বীকার করেন কি ক'রে ? দেখেছিলেন তো ? পিতামহ ভীষ্ম, পিতৃব্য বিহুর, এ'রাই তো সমাদর ক'রে নিয়ে এলেন । আর আচার্য্য দ্রোণ, কৃপ, এঁদেরই বা যত্ন কত ?

শকুনি । আনবেন না কেন ? ভীষ্ম রাজ্যের মমতা কি বুঝবে ? অপদার্থ ! পুরুষ হ'য়ে বিয়ে কল্লে না । দ্রোণ কৃপ ? জন্মরহস্ত অদ্ভুত, এক জন জন্মালেন কলসীর ভেতর, আর দু'জন নিরাশ্রয়—বনে পড়েছিল—রাজর্ষি শান্তনু মৃগয়া করতে গিয়ে কৃপা ক'রে আশ্রয় দিলেন—তাই এক জনের নাম হ'ল “কৃপ” আর বোনটার নাম হ'ল “কৃপী”—দ্রোণাচার্য্যের স্ত্রী । আর বিহুর ? ওটা তো বেদব্যাসের ফাউ, দাসীপুত্র, উপজীবিকা—ভিক্ষা ! এরা রাজ্যের মমতা কি বুঝবে বল ! জ্ঞাতি-শত্রুকে এনে স্থাপন ক'ল্লেন ; যত দিন না এদের উচ্ছেদ হয়, তত দিনই ভুগ'তে হবে ।

দুর্ঘ্যো । এই যে দুই আচার্য্যই আসছেন ।

দ্রোণাচার্য্য ও কৃপাচার্য্যের প্রবেশ

দ্রোণ । এ কি বৎস, তোমরা শিক্ষাগার থেকে চ'লে এলে কেন ?

দুর্ঘ্যো । দেখলেম, আপনি ভীমার্জুনের শিক্ষাদানেই ব্যস্ত, সেই জন্য আপনাকে বিরক্ত না ক'রে এইখানেই এসে বিশ্রাম করছি ।

দ্রোণ । বিশ্রাম সেইখানেই করা উচিত ছিল ; কেন না অর্জুনের ক্ষিপ্ৰকারিতা, বাণত্যাগের কৌশল মনঃসংযোগে দেখলেও উপকার হ'ত । যখন একজনকে শিক্ষা দিই, মনে ক'রো না, যে কেবল তাকেই শিক্ষা দিচ্ছি, একজনকে লক্ষ্য ক'রে সকলকে শিক্ষাদানই আমার উদ্দেশ্য ।

দুর্যো। কিন্তু গুরুদেব, মার্জ্জনা কল্পবেন, আপনি ত দেখি আমাদের সকলের অপেক্ষা অর্জুনকেই বিশেষ যত্নে শিক্ষা দিয়ে থাকেন।

দ্রোণ। (ঈষৎ হাসিয়া) না বৎস, এ তোমাদের ভ্রম। আমি সকলকেই সমানভাবেই শিক্ষা দান করি, তবে অর্জুনের প্রতিভা অধিক, সে যা গ্রহণ করতে সমর্থ হয়, তোমরা তা পার না।

বিজা—বিগল জাহ্নবী-বারি—

বেদ গিরিশৃঙ্গ হ'তে

দুকুল ভাসায়ে চলে ;

শিষ্যহৃদি উষর বা উর্বর কোথাও,

তাই কোথা নয়ন-আনন্দ

ফলেফুলে হয় স্নশোভিত ;

কোথা মরুভূমি সম

প'ড়ে রহে বিদগ্ধ প্রাস্তর !

ভাগ্য যার যেরূপ

ফললাভ সেই মত ;

ইথে বৎস ক্ষোভ নাহি কর !

আমি প্রাণপণে বিজা করি দান,

শিষ্য মোর পুত্রাধিক সকলে সমান,

ঈর্ষা পরিহরি' কর বিজামৃত পান,

তৃপ্ত হবে প্রাণ—

বিজাদান সফল হইবে মম।

শকুনি। সফল হবে বৈ কি। ব্রাহ্মণ আপনি—আপনি যখন অস্ত্র ধ'রেছেন—সফল হবে না ? তবে দুর্যোধনাদি বালক, বুঝতে পারে না, মনে করে আপনি অর্জুনকেই অধিক ভালবাসেন।

দ্রোণ। ওঃ, অর্জুনের শ্রেষ্ঠত্ব সন্মুখে তোমাদের কোন সন্দেহ আছে ?

শকুনি। তা সত্য কথা বলতে কি, ছেলেদের মধ্যে একটু আধটু আছে বৈ কি।

দ্রোণ। বেশ, সন্দেহে কোন প্রয়োজন নাই, সকলে সমানভাবে পরীক্ষা দাও। আমার শিষ্যগণের মধ্যে কে শ্রেষ্ঠ, তা নিরূপিত হ'ক। আমি সত্তরেই অস্ত্র-পরীক্ষার আয়োজন ক'রব। তা'হলে তো আর কোন আক্ষেপ থাকবে না।

শকুনি। না, নিরপেক্ষ বিচার।

দুর্য্যো। আমিও তো তাই চাই। আচার্য্যের কৃপায় আমিই শ্রেষ্ঠত্ব অর্জন ক'রব নিশ্চয়।

দ্রোণ। আশীর্বাদ করি তাই হ'ক।

দুর্য্যো। আচার্য্য কি এখন অস্ত্রাগারে যাবেন ?

দ্রোণ। তোমরা চল আমি যাচ্ছি।

দুর্য্যোধন প্রভৃতির প্রস্থান

কৃপ। পাণ্ডবদের প্রতি দুর্য্যোধনের ঈর্ষা দেখ্ হি ক্রমশঃ বাড়্ছে।

দ্রোণ। প্রকৃতি সহজাত, উপায় কি ? দুর্য্যোধন শুধু ঈর্ষাপরায়ণ নয়—মহাদান্তিক, নীচচেতা।

কৃপ। আর দুর্ভাগ্যক্রমে আমরাই এই কৌরবের আচার্য্য !

দ্রোণ। বেতনভোগী অন্নদাস ! তুমি তো জান একমুষ্টি অন্নের জন্য জ্যৈ পুত্র নিয়ে দ্বারে দ্বারে ভিক্ষা করেছি। এই ভারতের কত রাজা কত মহারাজা আমার দারিদ্র্যকে উপহাস ক'রেছে, কেউ আশ্রয় দেয় নি। সহপাঠী ক্রপদ—তার সিংহাসন মলিন হ'বার ভয়ে—প্রার্থী আমি—নিকটে যেতে দেয় নি। দ্বারপ্রান্তে দণ্ডায়মান আমাকে দেখে অবজ্ঞার হাসি হেসে ব'লেছে, “ভিখারী ব্রাহ্মণ কখনও রাজার সহপাঠী হ'তে পারে না।” সেই অপমানের শেল বুকে নিয়ে, যখন আমি অনাহারে মৃতপ্রায়, সেই সময়ে আমার জীবন রক্ষা ক'রেছেন

এই কোরবের রাজ্য ধ্বংসরাষ্ট্র। অম্লের জন্ত—মর্যাদার জন্ত—জীবন
বিক্রয় ক'রতে হ'য়েছে এই দুর্ঘোষনের কাছে।

কৃপ। এর কি কোন প্রায়শ্চিত্ত নাই ?

দ্রোণ। আছে।

কৃপ। কি ?

দ্রোণ। অবিচারিত-চিত্তে অন্নদাতা প্রভুর আজ্ঞাপালন।

কৃপ। এ যে তুবানল অপেক্ষাও ভয়ানক।

দ্রোণ। ভয়ানক হ'লেও দাসত্বের এই শাস্তি।

কৃপ। এই কি শাস্ত্রের বিধি ?

দ্রোণ। এই শাস্ত্রের বিধি। ব্রাহ্মণের দাসত্বেই কলির সূচনা—কে জানে
এর পরিণাম কোথায় !

উভয়ের প্রস্থান

শকুনির পুনঃ প্রবেশ

শকুনি। দুর্ঘোষন! তোমার এই ঈর্ষার অগ্নিতে ইন্দ্রন দেবার ভার
আমার।

প্রস্থান

তৃতীয় দৃশ্য

মহেন্দ্র-পর্বত

জামদগ্ন্য রামের আশ্রম

কর্ণের উৎসঙ্গ-প্রদেশে মন্তক রাখিয়া জামদগ্ন্য রাম নিদ্রিত

কর্ণ। দ্রোণাচার্য্য! বড় আশা ক'রে তোমার কাছে অন্ত্রশিক্ষা ক'রতে
গিয়েছিলেম, তুমি আমাকে সূত-পুত্র ব'লে অবজ্ঞায় প্রত্যাখ্যান
করেছিলে? শেলের মত সে প্রত্যাখ্যান-বিষের জ্বালা এখনও এ হৃদয়
ত্যাগ করে নি। তাই তোমার সন্মুখে প্রতিজ্ঞা ক'রে এসেছিলাম,
তোমার প্রিয়শিষ্য অর্জুনের অপেক্ষাও যদি শস্ত্রবিদ্যায় পারদর্শী না।

হই তো এ জীবন ত্যাগ ক'রুব। তুমি প্রত্যাখ্যান ক'রেছিলে, তাই
আজ জগতের মধ্যে শ্রেষ্ঠ, নরদেহে ভগবান্ জামদগ্ন্য আমার গুরু।

নিয়তির প্রবেশ ও গীত

আমি কখন ভাঙ্গি কখন গড়ি নাইক ঠিকানা।

ধাকি সাথে সাথে, পথে কি বিপথে চিরদিন অচেনা অজানা।

লগাট পটে কালের রেখা, অদেখা আখরে রহি গো লেখা

নাহি নাম ধাম, চলি অবিরাম, পড়ে রহে পাছে স্মৃতির নিশানা।

প্রস্থান

কর্ণ। এ কি! আমার উৎসঙ্গ-প্রদেশে কীট প্রবেশ কল্লে কি ক'রে? এ
যে চর্ম্ম, মাংস, অস্থি, মেদ ভেদ কচ্ছে! উঃ অসহ! যন্ত্রণা যে অসহ!
কিস্ত কি করি! যদি চঞ্চল হই, যদি নিবারণ কর্ত্তে যাই, গুরুদেবের
যে নিদ্রাভঙ্গ হবে। ব্রাহ্মণ উপবাসে পরিশ্রান্ত—অঘোরে নিদ্রা যাচ্ছেন।
না, না, ম'রে গেলেও ত এ'র নিদ্রাভঙ্গ কর্ত্তে পারুব না।

জান! (উঠিয়া) এ কি! আমার কর্ণমূল সিক্ত হ'ল কি ক'রে? বারি
এল কোথা হ'তে? না না, এ তো বারি নয়—এ যে শোণিত!
তোমার উরুদেশ ভেদ ক'রে উঠেছে! কি সর্ব্বনাশ! এ কি হ'ল!
বৎস, তুমি আমায় জাগরিত কর নি কেন? ওঠ, ওঠ, তোমায় কিসে
দংশন ক'ল্লে?

কর্ণ। প্রভু!

জাম।

এ কি। অষ্টপদ, তীক্ষ্ণদংষ্ট্রা,

স্থূলচর্ম্ম, সূচীসম লোম,

শুকর-আকার

কক্শ অলক্ এই

মাংস অস্থি ভক্ মেদ করিয়াছে ভেদ,

অকুণ্ঠিত তুমি নিম্পন্দ নির্বাক্

অকাতরে সহিয়াছ যন্ত্রণা ভীষণ—

তবু জাগরিত কর নি আমারে ?

কর্ণ। প্রভু! উপবাস-ক্লিষ্ট পরিশ্রান্ত আপনি, পাছে আপনার নিদ্রাভঙ্গ

হয়, এই ভয়ে আমি আপনাকে জাগরিত করতে সাহস করি নি।

জাম। অগ্নানবদনে এই কষ্ট সহ্য করেছ ?

কর্ণ। মৃত্যু পর্য্যন্ত এর অপেক্ষাও অধিক যন্ত্রণা সহ্য কর্তেম, তবু

আপনার বিশ্রামের ব্যাঘাত কর্তেম না।

জাম। এ কি অদ্ভুত সহিষ্ণুতা! এ কি অমাহুষী ধৈর্য্য। এ কি অলৌকিক

গুরুভক্তি।

ব্রাহ্মণ?—ব্রাহ্মণ

গুরুসত্ত্বগুণে দেহের গঠন যার,

বংশগত তপস্যার ফলে

সুকুমার কলেবর,

দিব্যকাস্তি,

হোম হবি সম কোমল-হৃদয়,

সেই দ্বিজ-কূলে জনম তোমার ?

এও কি সম্ভব ?

বুঝিতে না পারি,

কোন্ দৈবী মায়া-বলে

ব্রাহ্মণত্ব আজ

করিয়াছে তার সীমা অতিক্রম !

সত্য কহ,

সংশয়ে না রাখি আর,

কহ সত্য—

কোন্ শক্তি সহিয়াছে

দুৰ্ৱ্যায় যজ্ঞণা এই,
ইন্দ্র যাহা সহিতে অক্ষয় ?

কৰ্ণ ।

প্রভু !
জড়িত রসনা মোর, কি দিব উত্তর,
আমি নহি দ্বিজ !

জাম ।

নহ দ্বিজ !
কোন্ জাতি ?
কোন্ কুলে জন্ম তব ?
এ কি ! কল্পাশ্রিত কেন কলেশ্বর ?
যদি ভার্গবের রোষ-বহি হ'তে
বাঁচিবার থাকে সাধ—
বল্ দুরাচার,
কোন্ বংশে আকর রে তোর ?
নিঃসংশয়ে ব্রহ্ম-অস্ত্র করিয়াছি দান
ব্রাহ্মণ জানিয়া তোরে,
প্রয়োগ সংহার যার,
এক মাত্র জ্ঞাতব্য দ্বিজের ;
ব্রহ্মবিদ বেদ-পরায়ণ
বংশগত অধিকারী যার,
অকপটে সেই সিদ্ধ-মন্ত্র
করিয়াছি দান
ব্রাহ্মণ জানিয়া তোরে
যদি বাঁচিবার থাকে সাধ—
বল প্রতারক,
সত্য কেবা তুই

পরিচয়-রহস্য কি তোর ?
 নহে তোরে ভ্রম্মপিণ্ডে পরিণত করিব এখনি ।
 কর্ণ । দেব ! সম্বর এ ক্রোধ ।
 শিষ্য বলি'
 একবার পদাশ্রয় দিয়েছ দাসেরে,
 নিষ্ফল কোরো না প্রভু, করুণা তোমার ।
 অকপটে কহি সত্য ভাষ,
 আভাষে বুঝহ যদি মনোব্যথা মোর ।
 নহি দ্বিজ—নহি গো ক্ষত্রিয়,
 উচ্চ জাতি হ'তে
 নহেক উদ্ভব মোর ;
 নীচ আমি,
 জন্ম মম অতি হীনকূলে—
 দীন রাধার নন্দন
 অধিরথ-সুত,
 স্ততিপাঠ পিতৃবৃত্তি মোর,
 সংস্কার-বজ্জিত জাতি ।
 উচ্চ—অতি উচ্চ আশার তাড়নে
 হিতাহিত জ্ঞানশূন্য আমি,
 শুধু আত্মবলে প্রতিষ্ঠার আশে
 সাজিয়াছি প্রতারক ।
 সূত বলি' দ্রোণাচার্য্য ঠেলিল চরণে,
 অভিমানে-ঐত্মহারা,
 শুধু বিজ্ঞানভ-আশে,
 করিয়াছি মিথ্যা ব্যবহার ।

গুরু !

ধরি চরণে তোমার,
পুত্র বলি'—শিষ্য বলি' ক্ষমা কর মোরে

জাম ।

স্বতপুত্র তুই
লভি' জন্ম হীন স্ততকুলে
দেবতা-বাহিত উচ্চ আশা তোর ?
না—না,

তাও তো সম্ভব নয় !
তবে এ আশ্রমে প্রবেশের কালে
ভৃগু-বংশধর বলি'

কর্ণ ।

কেন দিলি পরিচয় ?
নিজ বিধি কেন বিধি হও বিস্মরণ ?
তুমি দ্বিজ করিয়াছ শাস্ত্রের বিধান,
বেদ বিজ্ঞাদাতা যেই গুরু

তঁার বংশে পরিচয় দিতে
আছে দেব শিষ্যের এ অধিকার ;
তেঁই, হে ভার্গব,

মনে মনে বরি' গুরুরূপে তোমা,
ভৃগু-বংশধর বলি'
পরিচিত করিয়াছি মোরে ।

জাম ।

বুঝিয়াছি সব ।

কিন্তু শোনু মূর্খ !

বিজ্ঞা বাহা, তাহা চির সত্য ;

সত্যের আকর দেব মহেশ্বর

পুরুষ সুন্দর,

শিব আখ্যা য়ার,
 বিছা—তঁার স্বরূপ প্রকাশ :
 সত্য ব্রহ্ম,
 বিছা জ্যোতি তঁার ;
 সেই বিছা কিনেছিস মিথ্যা-বিনিময়ে,
 শোন্ মূৰ্খ !
 মেঘাবৃত সূর্য্য সম
 আসন্ন সময়ে তোর
 সমকক্ষ যোদ্ধাসনে দৈরথ্য-সমরে,
 এই বিছা বিশ্বস্তির আবরণে রহিবে আচ্ছন্ন !
 কিন্তু তবু চমকিত হেরি' আমি গুরুভক্তি তোর !
 শাপ দিহু তোরে,
 তবু করি আশীর্বাদ
 এই অপকীৰ্ত্তি-সনে
 গুরুভক্তি তোর
 ধরা-মাঝে চিরদিন রহিবে প্রচার ।

কর্ণ ।

দেব !
 আশীর্বাদ তব
 শাপক্লিষ্ট জীবনের
 একমাত্র সাহসনা আমার ।

জাম ।

যাও অমৃতভাষিণ,
 ব্রহ্মবিদ্ তাপসের সত্যের আশ্রম
 নহে যোগ্যস্থান তব !
 ব্রহ্ম-অস্ত্র করিয়াছ লাভ,
 রামদত্ত ধনু আজি শোভে সূত-করে,

তবু মম বরে,
 বীৰ্য্যবান্ ক্ষত্রিয়-কুমার
 সমকক্ষ তব কেহ নাহি রবে ভবে ।
 মিথ্যাবাদী সহবাসে অপবিত্র দেহ,
 প্রয়োজন শুচির বিধান ।

উভয়ের প্রস্থান

চতুর্থ দৃশ্য

উত্থানমধ্যস্থ্ শিবমন্দির

পূজা নিরতা পদ্মাবতী

পদ্মা ।

হে মহেশ !
 নিত্য আসি নিত্য পূজি চরণ তোমার,
 নিত্য নিরন্তর তুমি ।
 বুঝিতে না পারি,
 কতদিনে হবে মোর সিদ্ধ মনস্কাম,
 তব বরে
 মনোমত পতিলাভ হইবে আমার !
 পিতার আদেশে
 স্বয়ম্বর আয়োজন পূরে ;
 অবলা কুমারী—
 বুঝিতে না পারি
 কার গলে বর-মালা করিব অর্পণ ?
 কেবা সেই জন,
 জীবন যৌবন, দিব্য ডালি চরণে ধাঁহার ?

কহ আশুতোষ,
ধরা-মাঝে কেবা মোর স্বামী ?

দৃশ্য পরিবর্তন

প্রস্তর-বিগ্রহ পরিবর্তিত হইয়া অষ্টনায়িকার প্রকাশ-
উর্দ্ধে হরগৌরী আসীনা

নায়িকগণ—

গীত

রজতগিঙ্গি অঙ্গে,
হেমহার গৌরী আমার সোহাগে চলিলে রঙ্গে ।
ত্বিনয়নে হাসে ভোলা,
উমা ত্বিনয়নে চায় ।
হাসির লহর, রসের সাগর, উজান ব'য়ে যায় ;
যে পূজে গৌরী হর
মনের মত পায় সে বর
পদতলে লুটায় রতি মদনমোহন ক্রভঙ্গে ।

মহা ।

তুষ্ট আমি পূজায় যে তোর,
মম বরে শ্রেষ্ঠ বর লভিবি ধরায় ।
সহস্রাত কবচকুণ্ডল অঙ্গে শোভে যার,
রবিকর ঠিকরে নয়নে,
স্বর্ণকর খেলে কলেবরে,
নর-মাঝে নর-শ্রেষ্ঠ পুরুষ-প্রবর—
জেনো সতি সেই পতি তোর ।
কর অঘেবণ,
হ'লে পূর্ণ কাল দেখা পাবি তোর ।

পদ্মা । জয় গিরীশবন্দিত সুরনর-নন্দিত
 মণ্ডিত গলে কত কণি-ফণা-মাল ।
 দেব দিগম্বর শঙ্কর অরহর
 গৌরীশ্বর লটপট জটা-জাল ।
 জাহ্নবী-বারি, শিরসি-বিহারী
 কলুষ হারী—
 শশলাঙ্ঘিত আধচন্দ্র ভাল ।
 রাধিত-ভূতদল, কণ্ঠে হলাহল
 নিবিড় নীল জিনি তমাল তাল ।
 বৃষবর-বাহন, গজ-চন্দ্রাসন,
 শমন-সুশাসন
 নাদিত বাদিত ডম্বর-গাল ।
 দেবেশ মহেশ, যোগেশ উমেশ,
 অশেষ বিশেষ
 নম নম দেব, হর মহাকাল ।

স্তবাস্তে পূর্বদৃশ্য

পদ্মা । এ কি ! এ কি দেব ! দেখা দিয়ে কোথায় লুকালে ?

হকেতুর প্রবেশ

হকেতু । এই যে মা পদ্মা ! তোর পূজা শেষ হ'ল ? মহারাজ যে
 তোকেই খুঁজছেন ?

পদ্মা । কেন মা ?

হকেতু । পুরোহিতের সঙ্গে পরামর্শ ক'রে তোর স্বয়ম্বরের দিন স্থির
 ক'রবেন !

পদ্মা । মা, আর স্বয়ম্বরের প্রয়োজন নাই ।

স্নকেতু। সে কি! এ তুই কি বলছিস?

পদ্মা। মা! সার্থক তোমার গর্ভে জন্মগ্রহণ ক'রেছিলেম। নিত্য শিবপূজা করি, আজ হর-গৌরী প্রত্যক্ষ হ'য়ে আদেশ ক'রেছেন কে আমার পতি। স্বয়ম্বরের প্রয়োজন নাই; দেবাদিদেবের নির্দেশে আমিই পতি অশ্বেষণে যাব।

স্নকেতু। পদ্মা, এ তুই কি বলছিস? তুই রাজার বিয়ারী; রাজকুলের প্রথমত তোর স্বয়ম্বর হবে, তুই পতি-অশ্বেষণে যাবি কি?

পদ্মা। কেন মা, এ বিধি তো নূতন নয়। সতীকুলরানী সাবিত্রীও তো ঋষির আদেশে স্বেচ্ছাকৃত স্বামীর গলে বরমালা দিয়েছিলেন। তিনিও তো মা রাজার বিয়ারী ছিলেন। তিনিও তো মা জগতের নারী-কুলের আদর্শ। আমি তাঁর চরণোদ্দেশে প্রণাম ক'রে দেবদেব মহাদেবের আদেশে পতি-অশ্বেষণে যাব, এতে বিস্মিত হ'চ্ছ কেন মা? তুমি মহারাজকে ব'লে সুব্যবস্থা ক'রে দাও। কুল পুরোহিত আমার সঙ্গে যাবেন, রাজরক্ষী, সহচরীগণ আমার রক্ষণাবেক্ষণ করবে, আমি পতি-অশ্বেষণে যাব।

স্নকেতু। সে কি? কোথায় যাবি? তুই সোমন্ত মেয়ে—তাকে ছেড়ে দিয়ে আমিই-বা নিশ্চিন্ত থাকব কি ক'রে? আর তুই সে কষ্ট সহ্য করতে পারবি কেন?

পদ্মা। সহ্যের কথা কি বলছ মা? পুরাণে কি পড় নি—হিমালয়-নন্দিনী জগজ্জননী উমা হরবর লাভের জন্ত কর্কশ পর্বতাবাসে নিরঙ্ঘু উপবাসে পঞ্চতপা করেছিলেন? শুষ্কপর্ণ পর্য্যন্ত আহার করেন নি ব'লে তাঁর আর এক নাম “অপর্ণা”! তিনি এই দুঃসহ কষ্ট সহ্য ক'রেছিলেন কি বৃথা? তাঁর শিক্ষা কি নিফল? তবে আমার জন্ত কাতর হ'চ্ছ কেন মা? স্নকেতু। হাঁরে!—উমা—তিনি হ'লেন মহাদেবী! তাঁর সঙ্গে আমাদের তুলনা? আর সাবিত্রী—তিনিও কি আমাদের মত মানবী ছিলেন?

দেবী-অংশে তাঁর জন্ম, নইলে বমের মুখ থেকে কেউ মৃত স্বামী ফিরিয়ে আনতে পারে ?

পদ্মা। সত্য মা ! একজন মহাদেবী আর একজন দেবী-অংশে মহাসতী । তাঁদের সঙ্গে কার তুলনা ? তবে মা, আমরাও তো তাঁদের দাসী ; তাঁদের আদর্শ যদি না গ্রহণ করি, তাঁদের জীবনই কি শুধু পুরাণে পাঠ করবার জ্ঞাত ! মা ! মহাদেবের আদেশ—তুমি অমত ক'রো না, তুমি মহারাজকে ব'লে তাঁর অনুমতি ক'রে দাও ।

বিচিত্রসেনের প্রবেশ

বিচিত্র। অনুমতি আমি দিচ্ছি মা । আমি তোমার কথা শুনেছি, শুনে বুঝেছি, তোমায় যে সুশিক্ষা দিয়েছিলেন তা বুঝা হয় নি । যে মহা আদর্শ লক্ষ্য রেখে তুমি স্বয়ং হ'তে যাচ্ছ, আশীর্বাদ করি—সেই আদর্শের অনুরূপ তুমিও জগতে আদর্শ-সতী ব'লে বরণীয়া হও । পুত্র কুলপাবন, কিন্তু স্বকল্যাণ কুলকে পুত্রের জায়গা উজ্জ্বল করে । আমি তোমার এই আকাঙ্ক্ষিত স্বয়ংস্বরের আয়োজন ক'রে দিচ্ছি ; এস মা, যেন তোমার জ্ঞাত আমার পিতৃ-গৌরব পূর্ণ হয় ।

স্নকেতু। বাঃ, যেমন বাপ তার তেমন মেয়ে ! আমি যেন কেউ নয় ।

সকলের প্রস্থান

শিবস্বপ্ন

বন

কর্ণ

কর্ণ। বিধি বিড়ম্বনা !
 শিখিলাম দিব্য অস্ত্র যত
 দেব নরে অসম্ভব ;
 কিস্ত গুরু অভিশাপে
 বিড়া মৃত্যুকালে নাহি হবে ফলবতী ।
 দৈবরথ সমরে
 কার করে মৃত্যুবাণ রহিবে আমার ।
 জানেন অন্তরধানী ।

নিয়তির প্রবেশ

নিয়তি। হাঁ গা, তুমি অমন বিষন্ন হ'য়ে আছ কেন ? কি ভাবছ ?
কর্ণ। কে তুমি ললনে ? গুরুদত্ত অভিশাপ লাভের পূর্বে মনে হ'চ্ছে
 তোমাকেই যেন একবার আশ্রমের নিকট দেখেছিলেম, কে তুমি ?
নিয়তি। কে আমি ? আগে আমার কথার উত্তর দাও, বলতে পার,
 হরিণ কখনও সোনার হয় ?
কর্ণ। অর্থশূণ্য। কৈ, কখনও দেখি নি ।
নিয়তি। অথচ পূর্ণব্রহ্ম রামচন্দ্র, ধীর অজানা এ সংসারে কিছুই নেই,
 তিনিই—জানকীর কথায় ধনুর্ধ্বাণ হাতে সোনার হরিণ মারতে
 ছুটলেন, মজা দেখেছ ?
কর্ণ। নিয়তি ।
নিয়তি। নিয়তি ! তারই ফলে—সীতাহরণ আর সবংশে বারণ বধ ।

কর্ণ। সে স্বর্ণ মৃগ তো মায়া।

নিয়তি। মায়া! তুমি মায়া, আমি মায়া, এ সংসার মায়ার তারে গাথা
বিচিত্র হার! গ্রস্থির পর গ্রস্থি...খোলবার যো নেই। এক চুল
এদিক ওদিক নড়াবার যো নেই। যেটির পর যেটি—থরে থরে
সাজানো ঘটনা, ভাবলে কি হবে! উপায় নেই, উপায় নেই!

এহান

কর্ণ। কে এ উন্মাদিনী? বোধ হয় কোন জ্ঞানহীনা তাপস-কন্যা!
এ কি! ঐ অদূরে একটা মৃগ বিচরণ করছে না? হাঁ, মৃগই তো।
তবে গুরুর নিকট হ'তে প্রাপ্ত আমার অব্যর্থ শর-সন্ধানের প্রথম
লক্ষ্য হ'ক ঐ মৃগ।

নেপথ্যাভিমুখে শরনিষ্ক্ষেপ

নেপথ্যে ঋষি। কে রে দুর্ভুক্ত, আমার হোমধেনু-বৎসের প্রতিশর-সন্ধান
কলি? কে রে হতভাগ্য গো-হত্যাকারী!

কর্ণ। এ কি, কি সর্বনাশ ক'ল্লেম! মৃগভ্রমে গো-হত্যা ক'ল্লেম।

নিয়তির পুনঃ প্রবেশ

নিয়তি। হাঃ! হাঃ! মজা দেখছ? মজা দেখ? রামচন্দ্রেরও ভুল
হয়েছিল—জগতের ঈশ্বর, সর্বনিয়ন্তা—তিনিও এড়িয়ে যান নি, তুমি
আমি কোন্ ছার!

এহান

জনৈক ঋষির প্রবেশ

ঋষি। এই যে কাশ্মুকধারী প্রমত্ত, নিজের বীৰ্য্যবত্তায় এতই উদ্ভ্রান্ত,
আমার হোমধেনু-বৎস বধ করলি! আরে ছুরাচার যজ্ঞ বিঘ্নকারী
নরপাণ্ডুল, আমি তোকে অভিশাপ প্রদান ক'মছি—তুই যাকে তোর
প্রতিদ্বন্দ্বী মনে ক'রে যুদ্ধে আহ্বান ক'রবি—সেই যোদ্ধার সহিত
প্রতিযুদ্ধে চরমকালে মেদিনী তোর রথচক্র গ্রাস ক'রবে।

কর্ণ। এ কি ব্রাহ্মণ, আমার এই অজ্ঞানকৃত অপরাধের
জন্ত আমাকে এ কি দারুণ অভিশাপ দিলেন? প্রভু! দয়া
করুন, ক্ষমা করুন—মৃগভ্রমে আপনার গো-হত্যা করেছি,
একটির পরিবর্তে আমি আপনাকে সহস্র সবৎসা গাভী দেব
প্রতিজ্ঞা করছি, অভিশাপ প্রত্যাহার করুন, আমার জীবন-ভিক্ষা
দিন্।

শ্বশি।

কে তুমি?

কর্ণ।

কেবা আমি?

পরিচয় কিবা দিব!

অতি হীন-কুলে জন্ম মম।

দীন সূতের নন্দন—

কিন্তু ততোধিক হীন অদৃষ্ট আমার!

মহামুনি ভৃগু,

ঠাঁর বংশধর

রাম অবতার জামদগ্ন্য রাম—

শিক্ষা ঠাঁর হয়েছে নিষ্ফল।

মন্দ ভাগ্য

ধরি কীটের আকার

ছিন্নদল করিয়াছে জীবন-কুসুম মোর,

হে ব্রাহ্মণ,

তুমি আর তাহে নাহি হান শেল।

বাক্য তব কর প্রত্যাহার,

কুবের জিনিয়া দিব রত্নের সম্ভার,

বাছবলে জিনি, সসাগরা ধরা,

উপহার দিব চরণে তোমার ;

মতিমান্ !

শাপগ্রস্ত আর কোরো না আমারে ।

ঋষি । বৎস, তোমার কাতরতা দেখে আমি মুগ্ধ হ'ছি । বুঝতে পাচ্ছি, অজ্ঞানবশতঃ যুগভ্রমে তুমি আমার হোমধেয়-বৎস বধ ক'রেছ । কিন্তু যখন তোমায় একবার অভিশাপ দিয়েছি, সে বাক্য তো আর কিছুতেই প্রত্যাহার করতে পারব না ।

কর্ণ । পৃথিবীর বিনিময়েও নয় ?

ঋষি । পৃথিবী কি বলছ ? ইন্দ্র বা বৈকুণ্ঠের বিনিময়েও নয় । তুমি ব্রাহ্মণকে চেন না, তাই তাকে পৃথিবীর প্রলোভন দেখাচ্ছ ! সত্যই ব্রাহ্মণের একমাত্র আশ্রয়, সত্যই তার জীবন, তার তপস্যা । সত্যভ্রষ্ট হ'লে প্রজাপক্ষর হয়, প্রজাপক্ষরে পৃথিবীর ধ্বংস । তাই, যে সত্যশ্রয়ী নয় যে মিথ্যাবাদী—সে ব্রাহ্মণকুলে জন্মগ্রহণ ক'লেও চণ্ডালের ত্রায় হয়, অস্পৃশ্য, অধম ! আমি কি ক'রে এমন বাক্য প্রত্যাহার করি ?

কর্ণ । আর যদি কেহ হীন-কুলে জন্মগ্রহণ ক'রে এই ব্রাহ্মণের মত সত্যশ্রয়ী হয়, তা হ'লে সে কি তখনও হীন ব'লে পরিগণিত হবে ?

ঋষি । কখনই না । সত্যশ্রয়ী যে, যে কুলেই তার জন্ম হ'ক, সে ব্রাহ্মণেরই মত সর্বপূজ্য সর্বমান্ত ।

কর্ণ । বেশ ! বাক্য যদি প্রত্যাহার না করেন, তা হলে প্রভু বলুন, আমার এই গো-বধের প্রায়শ্চিত্ত কি ?

ঋষি । প্রায়শ্চিত্ত—দান । তুমি যে আমায় গো-দান, পৃথিবী-দান করিতে চেয়েছ, এতেই তোমার গো-বধ জনিত মহাপাপের প্রায়শ্চিত্ত হ'য়েছে ।

কর্ণ । দানের এত মাহাত্ম্য ? এ ব্রত পালনে কি জাতি ভেদ আছে ?

ঋষি । না । পৃথিবীর মধ্যে শ্রেষ্ঠ ব্রত—দান, আর শ্রেষ্ঠ ধর্ম—সত্য-পালন । এ ধর্ম পালনে, এ ব্রত আচরণে সকলের সমান অধিকার ।

কর্ণ ।

বুঝিলাম—কেন দ্বিজ শ্রেষ্ঠ সকলের,
 কেন গুরু দিল অভিশাপ ।
 সত্য যদি উচ্চতা জ্ঞাপক,
 সত্য যদি একমাত্র জগৎ-কারণ,
 আয়ুঃ সত্য—প্রজাক্ষয় মিথ্যা ব্যবহারে,
 তবে হে ব্রাহ্মণ,
 করি পণ তোমার সাক্ষাতে—
 আজি হ’তে এই সত্য
 হ’ক একমাত্র আশ্রয় আমার ।
 জন্ম যদি হীন কুলে,
 অতি উচ্চ ব্রত-দান
 আজি হ’তে হ’ক মম সম্বল জীবনে ।
 আজি হ’তে প্রতিজ্ঞা আমার—
 প্রার্থী যাহা করিবে প্রার্থনা,
 সাধ্যায়ত্ত যদি,
 বিমুখ না করিব তাহারে ।
 কর্মফলে উচ্চতা অর্জন,
 জীবনের পণ মম !
 হে ব্রাহ্মণ,
 দেহ পদধূলি, কর আশীর্বাদ,
 যেন ব্রতভঙ্গ নাহি হয় কভু
 বৎস, করি আশীর্বাদ,
 মনোসাধ-পূর্ণ হ’ক তব ।

ঋষি ।

মস্ত দৃশ্য

মল্লভূমি

ভীষ্ম, দ্রোণ প্রভৃতি সকলে সমাসীন
পঞ্চপাণ্ডব ও দুর্যোধন প্রভৃতি কৌরবগণ দণ্ডায়মান
দূরে বৃক্ষশাখার একটি পক্ষীর চক্ষু শরবিদ্ধ

ভীষ্ম। সাধু! সাধু! আচার্য্য! আপনার শিক্ষাদান সফল। অর্জুন,
অপূর্ব তোমার সন্ধান!

অর্জুন। (দ্রোণাচার্য্য ও ভীষ্মকে প্রণাম করিয়া) দেব, এ আপনাদেরই
আশীর্ব্বাদ।

দ্রোণ। দুর্যোধন, দুঃশাসন, তোমরা দেখলে, আমি বৃথা কখনো অর্জুনের
প্রশংসা করি নি। আমার শিষ্যদের মধ্যে আর কেউ এ লক্ষ্যবেধে
সমর্থ হ'লো না, কিন্তু অর্জুন অবলীলাক্রমে বক্ষ্যবেধ কল্পে। এখন
বুঝতে পারছ কেন অর্জুন তোমাদের মধ্যে ধনুর্বেদে শ্রেষ্ঠ?

যুধি। আচার্য্য! এ তো আমাদেরই গৌরব।

দুর্যোধ। (স্বগত) এ অপমান অসহ্য।

ভীষ্ম। ধনু অর্জুন, ধনু।

শকুনি। হাঁ হাঁ ধনু!—বলতেই হবে ধনু! অর্জুনের মত বীর্য্যবান
ছেলের মধ্যে আর কে আছে? সত্যই তো, এরূপ শরসন্ধান
করতে কে পারে?

ধনুর্কাণ হস্তে কর্ণের প্রবেশ

কর্ণ। আমি পারি।

শকুনি। (স্বগত) কে এ? বীরের মত আকৃতি বটে। (প্রকাশ্যে)
কে তুমি? তোমায় ত কখনো দেখি নি!

ভীষ্ম। তেজঃপূজ কায়,

রবিদ্যাতি খেলে কলেবরে,
ভার্গব কাস্মুকধারী—
কে প্রবেশে রঙ্গস্থলে !
কি নাম তোমার ?
কহ, কার শিষ্য ?
রামধনু করায়ত্ত কেমনে রে তোর ?

কর্ণ।

কর্ণ নাম,
অঙ্গদেশে বাস,
পরিচয়—
ভুবন-বিখ্যাত বীর !
হে আচার্য্য ! প্রণাম চরণে ;
তুমি হেতু—
যাহে রাম-শিষ্য আজি আমি !
গর্ব্ব তব—তুমি গুরু অর্জুনের ;
অস্ত্র পরীক্ষায়
শ্রেষ্ঠত্ব তাহার হইয়াছে পরীক্ষিত
কিন্তু লক্ষ্যবেধ কালে
কর্ণ রঙ্গভূমে করে নি প্রবেশ
দেহ আচ্ছা—
এক চক্ষু বিধিয়াছে পাণ্ডব ফাস্তনী,
এই স্তূতীক্স সাগকে
ঐ পক্ষীর দ্বিতীয় নয়ন করি উৎপাটিত ।

শকুনি। সাধু ! সাধু ! এই যুবকের সংসাহসের প্রশংসা করিতেই
হবে। কি বলেন আচার্য্যমশায়, এর আর না করবার উপায় নেই।
এ পান্থলেও পান্থতে পারে।

দুর্যোধন । (স্বগত) বীর্য়বান হয় অনুমান ।

তুপ্ত হয় প্রাণ

যদি সমকক্ষ হয় অর্জুনের !

কর্ণ । হে আচার্য্য ! নীরব কেন ? অনুমতি করুন ।

কুপ । নীরবতার কোন কারণ নাই ; তবে তোমার পরীক্ষা-গ্রহণের পূর্বে
একটি কথা আমাদের জিজ্ঞাস্য আছে ।

কর্ণ । কি বলুন ?

কুপ । রাজা বা রাজপুত্র ভিন্ন রাজকুমারদের সঙ্গে প্রতিদ্বন্দ্বিতায় পরীক্ষা
দানে আর কারও অধিকার নাই । তুমি কোন্ কুলোদ্ভব, তোমার
পিতা কোন্ দেশের রাজা, এ পরিচয় না জানলে তোমায় তো এ
পরীক্ষায় অনুমতি দিতে পারি না ।

কর্ণ । (স্বগত) হে তপন !

মেঘাবৃত হ'ক কিরণ তোমার ,

ঘোর তমঃ ঘেরুক মেদিনী,

প্রলয় ঝঞ্ঝায় রেণু রেণু করি মোরে,

লুপ্ত কর অস্তিত্ব আমার ।

জন্মগত অপমান বংশ-পরিচয়

যদি চির দিন দীন করি' রাখে,

কিবা প্রয়োজন এ জীবনের তবে !

কুপ । বুঝক, এবার তুমি নীরব কেন ? আত্মপরিচয় দিয়ে পরীক্ষায়
অগ্রসর হও । বল, তুমি কে ? কোন ভাগ্যবান ক্ষত্রিয় রাজা
তোমার পিতা ?

কর্ণ । নহি ক্ষত্রিয় আমি,

নহি রাজপুত্র ।

কুপ । তবে কি ব্রাহ্মণ ?

কর্ণ । না,
সে ভাগ্যেও নহি ভাগ্যবান্ ।

কৃপ । তবে তুমি কে ?

কর্ণ । বৈশ্য আমি সূতবংশধর ।

কৃপ । তুমি সামান্য সূতবংশে জন্মগ্রহণ করে, ভরতবংশধর এই অর্জুনের
সঙ্গে প্রতিদ্বন্দ্বিতায় অগ্রসর হ'য়েছ ? হীন-কুলোদ্ভব, তোমার এ
অসম-সাহস অমার্জনীয় ।

কর্ণ । অমার্জনীয় ! কেন ব্রাহ্মণ ?

জন্ম...?

সে তো চির দৈবের অধীন,

নহে তাহা ইচ্ছালব্ধ মানবের ।

সূত কিংবা সূত-পুত্র যে হই সে হই,

দৈবায়ত্ত কূলে জন্ম,

কিন্তু পুরুষত্ব করায়ত্ত মোর ।

আমি কর্ণ, রামদত্ত ধনু অধিকারী

বীর্যবলে অর্জুন কি ছার ;

দেব নাগ নর অস্তুর রাক্ষস ।

অবহেলে পারি জিনিবারে ।

বীরত্ব আমার শ্রেষ্ঠ পরিচয়,

সেই পরিচয়ে আমি

পরীক্ষার যোগ্য অধিকারী !

শকুনি । এ কথাটা বড় মিথ্যা নয় ; যুক্তি আছে বটে । নিজেদের
ইচ্ছেয় কেউ তো আর জন্মায় না ; ওটা নিতান্তই দৈব ।

ভীম । বীর্যবান্ হ'লেও যে আত্মপ্রাণাকারী, সে হীনচেতা ।

কৃপ । (কর্ণের প্রতি) সূত্রপুত্র হ'লেও ক্ষতি ছিল না, রাজা হ'লেও তুমি

প্রতিদ্বন্দ্বিতায় অগ্রসর হ'তে পারতে—এই যুদ্ধশাস্ত্রের বিধি। এ বিধি লঙ্ঘন ক'রবার সামর্থ্য কারও নাই।

কর্ণ। বেশ, তা হলে কোন্ রাজত্ব জয় ক'রে এসে আপনার সঙ্গে সাক্ষাৎ করব বলুন ?

দুর্যো। তার প্রয়োজন নাই। সকলে তো শুনলেন অঙ্গদেশে এর বাস। অঙ্গদেশ আমার অধিকারে; এই মুহূর্তে আমি অঙ্গদেশের সিংহাসন এঁকে অর্পণ ক'রুলেম। ইনি আজ হ'তে অঙ্গাধিপতি কর্ব—আমার সখা...মিত্র। এই রাজযুকুট ধারণই এঁর অভিষেকের কার্য সম্পন্ন করুক।

শকুনি। সাধু, দুর্যোধন, সাধু! সাধু!

কর্ণ। দুর্যোধন! কুরুশ্রেষ্ঠ! তুমি এত মহৎ? অপরিচিত আমি, আমাকে তুমি সিংহাসন দান করুলে? মিত্র ব'লে সম্বোধন করুলে? আজ হ'তে আমারও প্রতিজ্ঞা—আমি রণক্ষেত্রে তোমার শত্রু সংহার করব, উৎসবে ব্যাসনে বিচার পরিশূত্র হ'য়ে তোমার আজ্ঞা পালন করব। জীবনের অপেক্ষাও শ্রেষ্ঠ—মর্যাদা; এই সভা-স্থলে সেই মর্যাদা দান ক'রে তুমি আমার জীবনকে ধন্য ক'রেছ; আমিও আজ হ'তে এ জীবন তোমাকে উৎসর্গ ক'রলাম।

অর্জুন। (স্বগত) হ'ল ভাল,

এত দিনে সমকক্ষ বীর মিলিল আমার।

দুর্যো। আচার্য্য! কর্ণের পরীক্ষা-দানে আর তো কোন প্রতিবন্ধক নেই? কৃপ। না। কর্ণ, এবার তুমি পরীক্ষা-দানে অগ্রসর হ'তে পার।

ধনুর্ধারহস্তে কর্ণের অগ্রসর

প্রতিহারীর প্রবেশ

প্রতি। দেব! কুন্তী দেবী অসুস্থ হ'য়েছেন।

ভীষ্ম। বটে? এ অবস্থায় তা হলে আর পরীক্ষা গ্রহণ হ'তে পারে না।

মাতা অমুখ, আজ এইখানেই সভা ভঙ্গ হ'ক । (স্বগত) দুর্ঘ্যোধনের
সহিত আমার গুরু জামদগ্ন্যের শিষ্য এই কর্ণের মিলন—এ অগ্নির
সঙ্গে বায়ুসংযোগের ত্রায় ভীষণ হ'ল !

কর্ণ । (স্বগত) এখানেও ব্যর্থতা । এ জীবনেই ধিক্ !

দুর্ঘ্যো । (কর্ণের প্রতি) চল সখা, সখার আতিথ্য গ্রহণ ক'রবে চল ।

সকলের প্রস্থান

অলিঙ্গের উপরে কুস্তীর প্রবেশ

কুস্তী । ঐ চ'লে গেল—
তরুণ-ভাস্কর সম কান্তি মনোহর,
অক্ষয়কবচ ধারী,
মণিময় কুণ্ডল শোভিত গণ্ড,
সেই সত্যঃপ্রসূ সন্তান আমার,
চাঁদমুখে সেই মুহূ হাসি—
লোকলজ্জা-ভয়ে যারে,
তাত্রটাটে সলিলে ভাসায়ে দিছি—
জ্ঞানহীনা পাষণী জননী !
আজি, কত বর্ষ পরে—
অনন্তের সুপ্ত স্মৃতি নিমেষে জাগায়ে,
ঐ চ'লে যায়—মাতৃসঙ্গে মাতৃহারা—
সুত-আখ্যা-ধারী
অভাগা নন্দন মোর,
অপমান শেল ল'য়ে বুকে !
জানে না অজ্ঞান,
কি বজ্র হানিয়া গেল অন্তরে আমার ।

পঞ্চ কেশরীর মাতা আমি,
 ষষ্ঠ চলে যুথশ্রেষ্ঠ জ্যেষ্ঠ সবাকার—
 পরিচয়হীন, অভাগিনী কুন্তীর নন্দন !
 নারায়ণ !
 সংজ্ঞাহীন ক'রে
 কেন পুনঃ জ্ঞান ফিরে দিলে ?
 কিবা ক্ষতি হ'ত
 কুন্তী যদি না জাগিত আর !

দ্বিতীয় অঙ্ক

প্রথম দৃশ্য

হস্তিনা—প্রাসাদ

বিদুর

গীত

কে-আর আছে তোমা বিনে

দীনের ব্যথা তুমিই বোঝ, তাই ডাক্‌চি সদা নিশিদিনে

ভাঙ্গা আমার জীর্ণ তরী আশা তোমার চরণ হরি,

ভবের খেয়াল ঘোর তুফানে ভুল না এ হীনের হীনে

আমায় যত পার কর দীন, (শুধু) মনে রেখ চরম দিন,

আমি চাই না খ্যাতি চাই না মান, (কেবল) কালজাল ব'লে রেখ চিনে !

ভীষ্মের প্রবেশ

ভীষ্ম । দুর্ঘ্যোধনের আনন্দ দেখেছ বিদুর ? হতভাগ্য বুঝ্‌লে না, এই

ঈর্ষাই তার মৃত্যুর কারণ হবে । কিন্তু সত্য সংবাদ পেয়েছ তো ?

পাণ্ডবেরা সত্যই জতুগৃহ হ'তে পলায়ন ক'রতে সমর্থ হয়েছে ?

বিদুর । হাঁ দেব, সংবাদ সত্য ! আমি পূর্বে হ'তেই দুর্ঘ্যোধনের দুর্ভতিসন্ধি

জানতে পেরে, যুধিষ্ঠিরের নিকট গোপনে লোক পাঠিয়েছিলাম ।

গোপনে হুড়ঙ্গ-পথ নির্মিত হয় । ভগবানের কৃপায়, সেই হুড়ঙ্গ-

পথ দিয়ে পঞ্চপাণ্ডব, মাতা কুন্তীর সহিত সকলের অলক্ষ্যে পলায়ন

করেছে ।

ভীষ্ম । তবে যে শুন্লেম ছয়টি মৃতদেহ পাওয়া গিয়েছে ।

বিদুর । আমিও প্রথমে তাই শুনেছিলাম ; পরে অহুস্কানে জেনেছি

পাঁচটি চণ্ডাল তাদের বুদ্ধাজননীর সঙ্গে জতুগৃহে পাণ্ডবদের আশ্রয় নিয়েছিল। জতুগৃহ-দাহে এই ছ'জনেই প্রাণ দিয়েছে।

ভীষ্ম। বল কি বিদুর? আমি যে আর চক্ষের জল রোধ করতে পারছি নি! পাণ্ডবদের কল্যাণের জন্ত দুর্ঘ্যোধনের ঈর্ষানলে জীবন আহুতি দিলে ছয়টি চণ্ডাল? বিদুর, আমি যদি কখনো কোন সং কার্যে পুণ্য সঞ্চয় ক'রে থাকি—এই নিরীহ চণ্ডাল কয়টির আত্মার উদ্দেশে আমি তা উৎসর্গ করলেম—তাদের অক্ষয় স্বর্গ হ'ক। পাণ্ডবদের জন্তে আর আমার চিন্তা নাই! পাণ্ডব যে শ্রীকৃষ্ণ-রক্ষিত, এই জতুগৃহই তার প্রমাণ।

বিদুর। দেব, আশীর্বাদ করুন, যেন পাণ্ডবদের মত আমিও শ্রীকৃষ্ণের কুপালাভে সমর্থ হই।

উভয়ের প্রস্থান

শকুনির প্রবেশ

শকুনি। এও কি সম্ভব? জতুগৃহে পাণ্ডবেরা পুড়ে মরেছে। শ্রীকৃষ্ণ-রক্ষিত পাণ্ডব, তাদের অপঘাত—এও কি সম্ভব—দুর্ঘ্যোধন, তুমি এত ভাগ্যবান? আর আমি—আমার ব্রত কি তবে নিষ্ফল হবে? একটা নয়, দু'টি নয়—পঞ্চ দীপ-শিখা, পঞ্চ বাড়ব-অনল পঞ্চ-ভাই পাণ্ডুর তনয়; সে আশুনে পুড়ে কুরুবংশ ভস্মীভূত হবে, আমি আনন্দে করতালি দিয়ে নাচব—আমার সে আশা পূর্ণ হ'বে না? এও কি সম্ভব? হৃদয়! স্থির হও। পাণ্ডবেরা মরেছে, এ কথা পৃথিবীর সকলে বিশ্বাস করুক, তুমি কোরো না।

দুর্ঘ্যোধনের প্রবেশ

দুর্ঘ্যো। মাতুল! এতদিনে আমি নিশ্চিন্ত।

শকুনি। কিন্তু আমি তো এখনো নিশ্চিন্ত হ'তে পারছি নি দুর্ঘ্যোধন!

দুর্যো। কেন ?

শকুনি। কেন ? কেন ? দুর্যোধন, সত্যই কি পাণ্ডবেরা মরেছে ?

দুর্যো। তোমার এখনো সন্দেহ ? বারণাবত থেকে দূত সংবাদ দিয়ে
গেল, সেখানকার নগরবাসীরা হায় হায় ক'রছে, তারা সকলে স্বচক্ষে
দেখেছে পাঁচটি দণ্ডাবশিষ্ট নরদেহ একসঙ্গে পাশাপাশি শুয়ে আছে,
শিয়রে অর্দ্ধদণ্ডা কুন্তী—তবু সন্দেহ ?

শকুনি। স্বার্থ এমনি বিশ্বাসী—হাঁ, তবু সন্দেহ !

দুর্যো। তবে তোমার সন্দেহ নিয়ে তুমি থাক ! ওঃ কি কৌশলই
ক'রেছিলেন ! কেউ জান্ত না, জ্ঞাতিবিরোধ নিবারণের জন্য পিতা
পাণ্ডবদের বারণাবতে পাঠালেন, আমিই গোপনে ঘন মন্ত্রী
পুরোচনের সঙ্গে পরামর্শ করে জতুগৃহের ব্যবস্থা করলেম। অস্ত্র-
পরীক্ষায় অপমান, শিবপূজা নিয়ে অপমান—এত দিনে তার শোধ।
আর আক্ষেপ নেই।

শকুনি। দুর্যোধন ! দুর্যোধন !

দুর্যো। কেন মাতুল ?

শকুনি। বাতাসে কি আশান-ধূমের গন্ধ পাচ্ছ ? অগ্নিশিখা কি আকাশ
স্পর্শ করেছে ? মৃতের আর্ন্তস্বরে কি ধরণীর বক্ষ কেঁপে উঠেছে ?

দুর্যো। কতবার বল্বে ? নেই—নেই। পিতা কাঁদছেন, মা হাহাকার
করছেন ; কিন্তু মাতুল, কি আশ্চর্য্য দেখ—যে বিদুর আর ভীষ্ম
পাণ্ডবগত-প্রাণ ছিলেন, এ সংবাদে তাদের চোখে জল নেই।
পিতামহ ভীষ্ম বরং কিঞ্চিৎ স্মিয়মাণ, কিন্তু বিদুর—শোক ত দূরের
কথা—এ সংবাদে মুখ যেন তাঁর প্রফুল্ল ! মহুস্ত-চরিত্র যে একেবারেই
দুর্যোধ্য, তা ঠিক।

শকুনি। বটে ? বটে ? দুর্যোধন ! দুর্যোধন ! এ আনন্দ যে আর
আমি চেপে রাখতে পাচ্ছি না। হাঃ হাঃ ! মহুস্ত চরিত্র দুর্যোধ্যই

বটে! তুমি দেখতে পাচ্ছ না, আমি দেখতে পাচ্ছি—ঐ আগুনের
 শিখা লক্ লক্ ক'রে আকাশ ছেয়ে ফেলে। ঐ আর্তনাদ—ঐ
 হাহাকার! হাঃ হাঃ—শকুনি! আনন্দ কর—আনন্দ কর!
 গান্ধারী কঁাদছে, তোমার মুখের হাসি যেন কখনো না ফুরায়!
 দুর্ঘো! এ কি! অতি আনন্দে মাতুল জ্ঞান হারালেন না কি?
 মাতুল! মাতুল!

উভয়ের প্রস্থান

দ্বিতীয় দৃশ্য

উপবন

পদ্মাবতীর সখীগণের গীত

সই লো কি জানি কেমন!
 পেতে বাতাসে ফাঁদ, চাঁদ ধরা সাধ দেখি নি এমন
 বুঝি ঘুমের ঘোরে কারে দেখেছে
 স্বপনে বুকে এঁকেছে,
 টেনেছে প্রাণের টান, বাঁধন নয় তো যেমন তেমন ॥
 পেয়ে ফুলের সত কোমল প্রাণ,
 ধনুকে দিয়েছে টান,
 থাকে না নারীর মান, বাণ হেনেছে মকর-কেতন ॥

নিয়তির প্রবেশ

নিয়তি। হাঁগা, হাঁগা! তোমরা এখানে কি করছ?
 ১ম সখী। আমরা তীর্থ করতে বেরিয়েছি, আজ এই আশ্রমে আছি।
 ২য়। না গো না, আমরা বর খুঁজতে বেরিয়েছি।
 নিয়তি। ঠাট্টা করছ? বর বুঝি বনে থাকে?

১ম সখী। আমাদের কি যেমন তেমন বর? মনগড়া বর—হাওয়ায়

থাকে, হাওয়ায় ফেরে। তাই দেখছি বনের ফাঁকা হাওয়ায় যদি পাই।

নিয়তি। এই বনেই থাকবে, না আর কোথাও যাবে?

২য় সখী। সেটা আমরা জানি নি, আমরা ঝাঁর সহচরী তিনি জানেন।

নিয়তি। তোমরা বুঝি সঙ্গে ঘোর? ঠিক আমার মত, না?

১ম সখী। তুমি কে তা তো জানি নি!

নিয়তি। আমারও ঐ ঘোরা-রোগ; সঙ্গেই থাকি সঙ্গেই ফিরি।

১ম সখী। কার?

নিয়তি। কার নয় বল? সৃষ্টির লোকের সব্বারই।

১ম সখী। কেন?

নিয়তি। তা জানি নি!

১ম সখী। তোমার বাড়ী কোথায়?

নিয়তি। জগৎ জুড়ে আমার ঘর।

২য় সখী। (তৃতীয়ের প্রতি) বোধ হয় পাগল।

নিয়তি। কি বলছ? বলছ, আমি পাগল? ঠিক পাগল নই, তবে
পাগলের মত। কখনও হাসি, কখনও কাঁদি। বহুক্লম্পী—তাই
কেউ চিন্তে পারে না! জন্মবার আগে আমি, জন্মদিন থেকে
আমি, মরবার সময়ও আমি; এক তিল ছাড়া-ছাড়ি নেই—এক
স্বতোয় বাঁধা! চ'লেছ—চ'লেছি। বাড়ী থেকে বেরুলে—আমি
সঙ্গে। মনের মত বর হবে—আমিই ঘটকী। কিসে নেই? কখন
নেই? কেউ গাল দেয়—বলে, 'রাক্ষুসী'। কেউ পূজা করে—
বলে, 'লক্ষ্মী'। কেউ দূর দূর করে, কেউ শাঁখ বাজিয়ে ঘরে তোলে।
আমার সব তাতেই সমান।

প্রাণ-হীনা পুতলী সমান

সুখ দুঃখ সমস্তান,

উন্মাদিনী ভৈরবী কখনো !
 আদেশে আমার বহে কাল-শ্রোত,
 হয় নৃপতি ভিখারী,
 রাজ্যেশ্বর দীন,
 ফুৎকারে সাগরে অনল জ্বলে,
 মরু-বক্ষে স্খার নিব্বার,
 হয় নগরী শ্মশান—প্রান্তরে উত্তান—
 অন্তর পাষণ—
 স্থিরচক্ষে সবভাবে নেহারি সকল ;
 যুগ-যুগান্তের স্মৃতি
 ছায়া সম ফেরে সাথে সাথে—
 নাহি মৃত্যু নাহি ক্ষয়,
 আছি—রব চিরদিন—
 অন্তহীন রহস্ত অপার !

১ম সখী । ঐ আমাদের সখী আসছে, তোমার যা বলবার ওকে বল, ও অনেক জানে ।

পদ্মাবতার প্রবেশ

পদ্মা । হাঁ লা, কার সঙ্গে কথা কচ্ছি ?

২য় সখী । একটি নতুন মেয়ে । এই শোন না কি বলে, আমরা তো বাপু কিছুই বুঝতে পারি নি ।

পদ্মা । তুমি কে গা ?

নিয়তি । তোমার জন্ম-সঙ্গিনী ; তোমার সঙ্গে আমার খুব ভাব, কেমন ?

পদ্মা । হাঁ, খুব !

নিয়তি । আবার যখন আড়ি দেব তখন ভাব রাখবে ?

পদ্মা। কেন, আড়ি দেবে কেন ?

নিয়তি। আমি কি দিই ? আমায় দেওয়ায়। তুমি তো মনের মত বর
খুঁজছ ? তোমায়ই ত সঙ্গে করে নিয়ে যেতে এসেছি।

পদ্মা। কোথায় ?

নিয়তি। যেখানে তোমার স্বামী।

পদ্মা। সে কোথায় ?

নিয়তি। আমি যেখানে নিয়ে যাব।

পদ্মা। তুমি নিয়ে যাবে কেন ?

নিয়তি। নইলে আর কে নিয়ে যাবে ? এই তো আমার কাজ। সবাই
আমার অধীন। কিন্তু যে একমনে ভগবানকে ডাকে, আমি কেবল
তার দাসী। তুমি একমনে ভগবানকে ডাকছ, তাই তোমায় নিতে
এসেছি, বুঝলে ?

পদ্মা। তুমি কোথায় যাবে ?

নিয়তি। অনেক দেশ তো বেড়ালে ; চল না, পঞ্চালে যাই, আমি পথ
দেখিয়ে নিয়ে যাব। যাবে ?

পদ্মা। (স্বগত) বোধ হয় কোন গরীব অনাথিনী—মাথার ঠিক নেই,
পথে পথে ঘুরে বেড়ায়। অনেক দেশ তো বেড়ালেম, পঞ্চাল তো
দেখা হয় নি। এ সেখানে যেতে বলছে কেন ?

নিয়তি। ভাবছ কেন ? পঞ্চালে গেলেই তোমার স্বামীর দেখা পাবে।
সহজাত কবচকুণ্ডল অঙ্গের ভূষণ যার, সেই তো তোমার স্বামী ?

পদ্মা। তুমি জানলে কেমন ক'রে—তুমি জানলে কেমন ক'রে ?

নিয়তি। আমি জানি নি। আমি ছায়ায় মত তার সঙ্গে সঙ্গে ফিরি।

আমি তোমার সঙ্গে কথা কছি, আমার প্রাণ প'ড়ে আছে সেখানে।

পদ্মা। তা হ'লে তুমি তাকে দেখেছ ? তুমি তাকে চেন ?

নিয়তি। কাকে না জানি বল, কাকে না চিনি বল ? কিন্তু আমাকে

কেউ চেনে না, বল্লেও বোঝে না—তাই অন্ধকারে থাকি ! ঐ আঁধার
—ঐ আমার ঘর !

গীত

আমি আঁধারে বেঁধেছি ঘর আলোর দেশের পারে ।

ছায়া দিয়ে ঘেরা সে যে মরণ নদীর ধারে ॥

নাই ঠিকানা কূল-কিনারা

খুঁজতে গিয়ে দিশেহারা

আঁধার রাতে আনাগোনা পথ কি দেখাই যারে তারে ॥

প্রস্থান

পদ্মা । (স্বগত) যদি উন্মাদিনী হয়, মনের কথা জান্লে কেমন
ক'রে ! কে এ ? ব'ল্লে পঞ্চালে যেতে ; ক্ষতি কি ? মহাদেবের
আদেশে যখন বেরিয়েছি, তখন ব্রত কখন নিষ্ফল হবে না । এ বালিকা
কি মহামায়ার সঙ্গিনী ? হ'তেও পারে ।

১ম সখী । হাঁ লা, এ কে বুঝতে পারিলি ?

পদ্মা । না । কিন্তু যেই হ'ক, এ আমার মনের কথা জান্লে কি ক'রে ?
সখি, চল, এখানকার বাসা তুলে আমরা পঞ্চালের দিকে যাই ।

সকলের প্রস্থান

তৃতীয় দৃশ্য

পঞ্চাল—স্বয়ম্বর-সভা

রাজশ্রবণ, ব্রাহ্মণমণ্ডলী, ধৃষ্টদ্যুম্ন

ধৃষ্ট ।

হের ভগ্নি, স্বয়ম্বর সভা

ইন্দ্র-সভা জিনি মনোরম ;

ক্ষুদ্র এই পাঞ্চাল-নগরী

ধন্য আজি মহাজন-সমাগম হেতু,

হের, ভারত-বিখ্যাত-কীর্তি রাজন্ত সকল ;

সহ সর্বপূজ্য শ্রেষ্ঠ বলরাম
 যাদব-ঈশ্বর শ্রীকৃষ্ণ মথুরাপতি ;
 দ্রোণ, কৃপ, মহারথগণ,
 কৌরব-গৌরব মহামানী রাজা দুর্যোধন,
 সমবীৰ্য্য দুঃশাসন পাণ্ডে ;
 জরাসন্ধ, শল্য, অঙ্গ-অধিপতি, নৃপতি-ভূষণ সবে,
 জনে জনে পুরন্দর সম, স্বয়ম্বরে সমাগত হেথা ।
 হের—ঋষিসঙ্ঘ, ব্রাহ্মণমণ্ডলী,
 কুতূহলী হেরিবারে মৎস্তচক্র বেধ,
 আয়োজন যার
 নহিল, নহিবে কভু ধরণী-মাঝারে !

দ্রোপদী । (স্বগত) নাহি জানি কে করিবে লক্ষ্যবেধ এই,
 কার গলে বরমাল্য করিব অর্পণ,
 ব্রাতৃপণে আজীবন দাসী হ'তে হবে কার !

শকুনি । বিচিত্র সভা—এ সভা স্বর্গেই সম্ভব । তবে আর বিলম্ব কেন ?
 শুভকার্য্য আরম্ভ হ'ক । ত্রেতার হরধনু ভঙ্গ হ'য়েছিল, ধনুক
 ভেঙ্গেছিলেন রামচন্দ্র । দ্বাপরের শেষে দ্রোপদীর স্বয়ম্বর । যত্নপতিই
 কি আগে ধনুক ধরবেন ?

শ্রীকৃষ্ণ । রাজা, বিস্থত হচ্ছেন কেন ? আমি যে কৃতদার । আমরা এ
 সভায় দর্শকমাত্র ।

শকুনি । তা বোঝার উপর শাকের আটি । বৃন্দাবনে বোলশ' গোপী,
 মথুরায় রুক্মিণী সত্যভামা প্রভৃতি । সমুদ্রের বারি, এক কলসী গেলেই
 বা কি, বাড়লেই বা কি !

ধৃষ্ট । শুন শুন নৃপতিমণ্ডল,
 শুন সভাজন,

শূন্যপথে অবস্থিত মীন
 নিম্নে ঘোরে চক্র অনিবার—
 স্বচ্ছ নীরে স্ফটিক-আধারে
 হের প্রতিবিম্ব তার ।
 করিয়াছি পণ,
 মম দত্ত এই ধনু ধরি'
 চক্র-ছিদ্র-পথে করিয়া সন্ধান
 বাণবিদ্ধ করিবে যে তাহে
 তার করে করিব অর্পণ
 সর্বস্বলক্ষণ ভগ্নী মম
 এই ষাজসেনী—
 ষজ্জ হ'তে উদ্ভব বাহার ।
 হও আশুয়ান
 বীর-গর্বে গব্বী মহাশূর,
 করি' লক্ষ্যবেধ
 বরমাল্য সনে
 জয়লক্ষ্মী করহ গ্রহণ ।

শ্রীকৃষ্ণ । রাজন্তবর্গ, আপনারা নিজ নিজ সামর্থ্য দেখিয়ে, যদি কেহ
 পারেন এই শূন্যতাকে লাভ করবার চেষ্টা করুন । হুর্যোধন ! অগ্রে
 তুমিই অগ্রসর হও ।

হুর্যোধ । (স্বগত) নাহি জানি লক্ষ্যবেধে
 অলক্ষ্যে কি লেখা আছে অদৃষ্টে আমার !
 সুহাসিনী জ্যোপদীর কর
 কিম্বা উপহাস !

ধৃষ্ট । ভগ্নি, ইনি কোরব-ঈশ্বর রাজা হুর্যোধন ।

দ্রৌপদী । (স্বগত) শুনিয়াছি অতি ক্রুর রাজা দুর্যোধন,
কি জানি যতপি করে এই লক্ষ্যবেধ !

দুর্যোধন অগ্রসর হইলেন এবং অকৃতকার্য হইয়া, নিজ আসনে বসিলেন

ধৃষ্ট । হের—দেখ,
চক্রাহত বাণ ঠিকরি' পড়িল দূরে ।

শকুনি । বাণও পড়িল, সঙ্গে সঙ্গে মানও গড়াল । দুর্যোধনের অবস্থা
দেখে মনে হ'চ্ছে সহসা কেউ ধনুকে হাত দিচ্ছেন না ।

শ্রীকৃষ্ণ । এবার কে অগ্রসর হবেন ?

শল্য । আমি একবার চেষ্টা ক'রে দেখি ।

ধৃষ্ট । ভগ্নি, ইনি মদ্র অধিপতি শল্য ।

দ্রৌপদী । (স্বগত) হীন মদ্রদেশ,
তার অধিপতি !

শল্য অকৃতকার্য হইয়া কিরিয়া আসিলেন

জর্জনৈক ব্রাহ্মণ । মহারাজ দুর্যোধনের পর উঠাই উচিত হয় নি ।

শল্য । হয় অনুমান—

চক্র ছিদ্ৰশূত্র ।

শকুনি । হাঁ, আপনার চরিত্রেরই মত !

ধৃষ্ট । আর কেউ সাহস ক'রেন না কেন ? মহারাজ শল্য যে ব'ল্লেন, চক্র
ছিদ্ৰশূত্র, তা নয় । বীরত্ব পরীক্ষার জন্ত এই লক্ষ্যবেধের আয়োজন,
এতে প্রতারণা নাই । যদি কেহ আত্মবিশ্বাসী বীর্যবান্ এই সভামধ্যে
থাকেন, তিনি আহ্নন, আমি পুনঃ পুনঃ সকলকে আহ্বান করছি ।
কৈ, কেউ ত অগ্রসর হ'চ্ছেন না ? তা হ'লে কি বুঝব ধরণী বীরশূত্রা ?

ভীম । (বৃধিষ্ঠিরের প্রতি জনান্তিকে) ঋপদ-পুত্রের এ উক্তি অসহ্য ।

কর্ণ । (সহাস্তে) ধরণী বীরশূত্রা কি না এইবার তার পরীক্ষা হবে ।

ধৃষ্ট । ভগ্নি, ইনি অঙ্গ-অধিপতি কর্ণ, মহামুনি জামদগ্ন্যের শিষ্য ।

দ্রৌপদী । (প্রকাশে) আমি সূত-পুত্রকে কখনও বরণ ক'রব না ।

শল্য । ঠিক হ'য়েছে । বড় আশ্চর্য ক'রে ধনুক ধ'রেছিলেন, ঠিক হ'য়েছে ।

দ্রুপ্যো । তা কখনই হ'তে পারে না । ধৃষ্টদ্যুম্ন ! তুমি জাতি-নির্ব্বিচারে সকল

বীরকেই লক্ষ্যবেধে আহ্বান ক'রেছ ; মহাবীর কর্ণ যদি লক্ষ্যবেধ

ক'রতে পারেন, তোমার প্রতিজ্ঞা অনুসারে দ্রৌপদী এঁর হবেন ।

ধৃষ্ট । ভগ্নি !

দ্রৌপদী । কখন না—আমি প্রাণ থাকতে হীন সূতকুলের বধু হ'ব না ।

দ্রুপ্যো । তা হ'লে ধৃষ্টদ্যুম্ন মিথ্যাবাদী !

দ্রৌপদী । আমি ক্ষত্রিয়কুমারী—ক্ষত্রিয় কিংবা ব্রাহ্মণের গলে বরমালা

অর্পণই আমাদের কুলপ্রথা । সকলে শুনুন—ব্রাতৃপ্রতিজ্ঞা-বশে সূতকে

বরণ করবার পূর্বে আমি অনলে জীবন বিসর্জন দেব ।

কর্ণ । (ক্ষণেক নিশ্চল থাকিয়া পরে ধনুর্ধারণ দূরে নিক্ষেপ করিয়া, সামর্থ্য

হাস্তে) সুন্দরি, তোমার অগ্নিতে জীবন বিসর্জন দেবার প্রয়োজন হবে

না । তোমার কুলগর্ব্ব অক্ষুণ্ণ থাকুক, এই আমি ধনুর্ধারণ ত্যাগের

সঙ্গে এই সভা পরিত্যাগ করলেম ।

দ্রুপ্যো । কর্ণর এ অপমান আমি কখনও নীরবে সহ্য ক'রব না । দেখি

এই সভাস্থলে কে ক্ষত্রিয় কে ব্রাহ্মণ আছেন, যিনি লক্ষ্যবেধ করতে

পারেন ; তারপর উদ্ধতা দ্রৌপদীর শাস্তি আমিই দিয়ে যাব !

শ্রীকৃষ্ণ । সে পরের কথা পরে ; উপস্থিত ক্ষত্রিয়-সমাজতো দেখছি নিম্পন্দ ।

যাজ্ঞসেনী বলছেন—শাস্ত্রের বিধান—যদি কেউ শক্তিধর ব্রাহ্মণ থাকেন,

এইবার তিনি লক্ষ্যবেধ ক'রে দ্রৌপদীর পাণিগ্রহণ করুন ।

শকুনি । তা হ'লে তো সর্ব্বাঙ্গে দ্রোণাচার্য্যকেই উঠতে হয় ।

দ্রোণ । নারায়ণ ! নারায়ণ ! মহারাজ দ্রুপদ আমার সহপাঠী বালাসখা ;

তাঁর কত্তা আমারও কত্তা-স্থানীয়া । আমি দ্রুপ্যোধনের সঙ্গে এই

স্বয়ম্বর-সভায় এসেছি বিশ্বয়াবিষ্ট হ'য়ে দেখতে, কোন্ বীরশ্রেষ্ঠ এই লক্ষ্যবেধে সমর্থ হন।

শকুনি। বটে বটে, আপনি তবু এসেছেন, ভীষ্মদেব এসেও সভায় বসলেন না, অন্ত্র অপেক্ষা করছেন। কাশীরাজ-কন্তার স্বয়ম্বরের পর প্রতিজ্ঞা ক'রেছেন, নারী নিয়ে বিবাদ যেখানে সেখানে আর তিনি থাকবেন না।

অর্জুন। (জনান্তিকে যুধিষ্ঠিরের প্রতি) হে জ্যেষ্ঠ! যদি অনুমতি করেন, মনে মনে শ্রীকৃষ্ণ ও আচার্য্যকে প্রণাম ক'রে আমি লক্ষ্যবেধে অগ্রসর হই।

যুধি। (জনান্তিকে) ভোন, কি বল ?

ভীম। (জনান্তিকে) এখনি।

যুধি। (জনান্তিকে) কিন্তু যদি আত্মপ্রকাশ হয় ?

ভীম। (জনান্তিকে) তা হ'লে এই স্বয়ম্বর-সভায় কোরব-বংশ নির্বংশ হবে।

নকুল। (জনান্তিকে) আমরা মৃত ব'লে প্রচারিত, আত্মপ্রকাশের কোন সম্ভাবনা নাই।

যুধি। জনান্তিকে) যা করেন শ্রীকৃষ্ণ! ভাই, আমি অনুমতি দিচ্ছি, তুমি বিজয়ী হও!

ধৃষ্ট। আসুন—কে সাহস করেন, আসুন।

অর্জুন। আমি প্রস্তুত। (উঠিলেন)

শ্রীকৃষ্ণ। (স্বগত) আমি এরই জন্ত ব্যাকুল হ'য়ে অপেক্ষা ক'চ্ছিলেম।

ভ্রাম্মহাদিত বহি! সকলকে প্রতারণিত করতে পেরেছ, আমার পার নি! (প্রকাশ্যে) তা হ'লে ব্রাহ্মণ আসুন—আসুন—দ্বিধার কোন কারণ নেই; যাজ্ঞসেনী তো ব্রাহ্মণকেও বরণ কর্তে ইচ্ছুক, পাঞ্চালীর বাহ্যাই পূর্ণ হ'ক—আসুন।

অর্জুন অগ্রসর হইলেন

জনৈক ব্রাহ্মণ । হাঁ হাঁ, কর কি ? কর কি ? এ বাতুল কোথা যায় ?

ধ'রে বসাও হে, ধ'রে বসাও ! ওহে, এখনও তো ব্রাহ্মণ ভোজনের

ডাক পড়ে নি, এর মধ্যে উঠে যাচ্ছ কোথায় ?

অর্জুন । কেন ? ব্রাহ্মণও তো আহুত হ'য়েছে ।

ব্রাহ্মণ । টুকটুকে মেয়েটি দেখেছ, আর বুঝি লোভ সম্বরণ করতে পার নি ?

ওহে, এ শ্রীকবাসরে বিদায়ের ঘড়া নয়—স্বয়ম্বরে লক্ষ্যবেধ ! বুঝেছ ?

অর্জুন । বহু পূর্বেই বুঝেছি এবং সেই জন্যই অগ্রসর হ'চ্ছি ।

ব্রাহ্মণ । এই সায়লে রে ! কি বিভ্রাট বাধায় দেখ !

অর্জুন । আপনি আশ্বস্ত হ'ন চিন্তার কোন কারণ নাই, আমি মুহূর্ত্তেকে

এই লক্ষ্যবেধ ক'রব ।

ব্রাহ্মণ । তোমার মুণ্ড করবে, উন্মাদ কোথাকার ।

দ্রোণ । কেবা এ ব্রাহ্মণ ?

দিব্যমূর্ত্তি,

শাল তরু জিনি' দীর্ঘভুজধর

আয়ত-লোচন

পার্থসম বীৰ্য্যবান্ হয়অনুমান !

অর্জুন । (ধুষ্টদ্রুমের নিকট আসিয়া)

বীর, দেহ অনুমতি—

লক্ষ্য-বেধ করি আমি ।

ধুষ্ট । আহুন ব্রাহ্মণ—এই ধনু গ্রহণ করুন, যদি লক্ষ্য-বেধ করতে পারেন,

পাঞ্চালী আপনার পত্নী ।

দ্রোপদী । (স্বগত) অগ্নি-সম তেজো-দীপ্ত দ্বিজ

অগ্রসর লক্ষ্য-বেধে ?

কেন যদি হইল চঞ্চল ?

অর্জুন । নারায়ণ, গুরু, ব্রাহ্মণ ও অগ্রজের চরণে প্রণাম ক'রে এই আমি

কাম্যুক গ্রহণ ক'লেম। সকলে আশীর্বাদ করুন, যেন আমি লক্ষ্য-
বেধে কৃতকার্য হই।

দ্রোপদী। (স্বগত) আমারও মন অমুরূপ প্রার্থনাই করছে।

অর্জুন কর্তৃক লক্ষ্যবেধ—মৎস্ত পড়িয়া গেল

হের, শরবিদ্ধ মৎস্ত এই পতিত হেথায় !

দ্রোণ।

সাধু, সাধু ব্রাহ্মণ !

ধৃষ্ট।

হে বীর-কেশরী, দেহ কোল,

পরাজিত ক্ষত্রিয়-সমাজ,

দ্বিজ হ'য়ে তুমি মান রক্ষিলে আমার !

যাজ্ঞসেনি,

দেহ মালা এই ভাগ্যধরে, বিজয়ীর রাখহ সন্মান—

পণে মুক্ত কর মোরে।

দ্রোপদী।

সাক্ষী করি' অন্তরীক্ষী প্রভু ভগবান,

সাক্ষী করি' অন্তরীক্ষে দেবতামণ্ডলী,

সাক্ষী করি' সমাগত ব্রাহ্মণ-সমাজ,

তব গলে জয়মালা করিছ অর্পণ ;

আজি হ'তে চির আশ্রয়ধীন তব আমি।

অন্তরীক্ষ হইতে পুষ্পবৃষ্টি

হুর্ঘ্যো। এইবার কর্ণের অপমানের প্রতিশোধ ! ব্রাহ্মণ, দৈবক্রমে লক্ষ্য-
বেধ ক'রে দ্রোপদীকে তুমি লাভ ক'রেছ—এইবার তোমাকে বধ ক'রে
এই গর্হিতা দ্রোপদীর উপযুক্ত শাস্তিবিধান ক'রুব।

অর্জুন। যদি পার ক'রো—কোন আপত্তি নাই।—ক্ষত্রিয়ের বীর্যবল
তো দেখ্ লেম।

১ম ব্রাহ্মণ। আবার যে ঠেকলো হে ? এইবার দিলে কাঁচা মাথাটা উড়িয়ে। বাবা, বাবুনের কপালে সহবে কেন ?

শল্য। স্পর্ধা এই ব্রাহ্মণের, ক্ষত্রিয়-সমাজকে অপমান করে ? আমরা এই ব্রাহ্মণকে পরাজিত ক'রে দ্রৌপদীকে গ্রহণ ক'রব।

ভীম। ব্রাহ্মণের সহায় আমরা ; দেখি কে বীর্যবান ক্ষত্রিয় আছে যে এই ব্রাহ্মণকে পরাস্ত করে।

নকুল। বীর্যবান ব্রাহ্মণ কে আছেন, যুদ্ধার্থে প্রস্তুত হ'ন।

দুঃশা। যুদ্ধ—যুদ্ধ,
নাহি ক্ষমা ব্রাহ্মণ বলিয়া।
সাজ সাজ নৃপতিমণ্ডল,
আজি বীর্য শুদ্ধে লভিব পাঞ্চালী।

দুৰ্য্যো। আজ দেখছি ব্রাহ্মণেরা কুশাগ্র পরিত্যাগ ক'রে অস্ত্র ধারণে উদ্ভত। সকলে দুর্বৃত্ত ব্রাহ্মণের বধ করুন—বধ করুন।

শ্রীকৃষ্ণ। বিরোচিত বটে ! তোমরা ক্ষত্রিয় ব'লে পরিচয় দাও, বাহুবলের আশ্বালন কর—লজ্জা করে না ? এই সামান্ত লক্ষ্য-বেধে কেউ সমর্থ হ'লে না—আর এই ব্রাহ্মণ নিজ নৈপুণ্যে বীরত্বের সম্মান রক্ষা ক'রেছে ব'লে, বিনা কারণে সকলে একে শাস্তি দিতে উদ্ভত ?

শল্য। কথার সময় নাই, যুদ্ধ—যুদ্ধ !

যুধিষ্ঠির। ক্ষুদ্র পাঞ্চাল নগরী বুঝি ক্ষত্রিয়-কোপানলে ভস্ম হয়।

অৰ্জুন। নাহি চিন্তা মতিমান,
ক্ষুদ্র নহে পাঞ্চাল নগরী
অঞ্চল-ভূষণ পাঞ্চালী বাহ্যর !
দেহ মোরে অস্ত্রপূর্ণ রথ একখান,
দেখি এই ক্ষত্রমাঝে বীর আছে কেবা,
রহে স্থির সম্মুখে আমার।

ভীম । রথে কিবা প্রয়োজন ?
 ভূজধর কান্দুক আমার,
 শাল বৃক্ষ যোগ্য বাণ তাহে ।

দ্রুপো । সকলে আসুন ! অগ্রসর হ'ন, যুদ্ধার্থী ব্রাহ্মণ-বধে কোন
 পাপ নাই ।

ক্রীকৃষ্ণ । নির্গজ ক্ষত্রিয়ের এই হীন আচরণ আমি কখন সহ্য করব না,
 এস দ্বিজ, আমার রথ, আমার অস্ত্র তোমায় দান করছি, তুমি
 পূর্ণায়ুধ হয়ে এই গর্বিত রাজাদের শাস্তি দাও । এস পাঞ্চালী,
 জয়লক্ষ্মী স্বরূপ তোমার স্বামীর অনুবর্তিনী হও ।

শকুনি ব্যতীত সকলের এহান

শকুনি । এ ছদ্মবেশধারী নিশ্চয় অজ্জুন !
 হাঃ—হাঃ—হাঃ !

চতুর্থ দৃশ্য

প্রাস্তর—রণস্থলের অপরাংশ

দ্রোণের প্রবেশ

দ্রোণ । দুর্বীর সংগ্রাম দেখিয়াছি বহু;
 কিন্তু দেখি নাই কতু হেন অদ্ভুত সময় !
 বিকল অন্তর—
 বুঝিতে না পারি দ্রুপোধনে কেমনে সন্ধিব ?
 পঞ্চ দ্বিজ করে মহামার
 হাহাকার চারিভিতে !
 ঐ শল্য ধূলায় লুটায়,
 জরাসন্ধ পলায় সভয়ে !

কোথা অশ্বখমা ?

রক্ষা কর দুৰ্য্যোধনে ।

দ্রুপদাচার্যের প্রবেশ

দ্রুপদা । দেব ! শরজালে আচ্ছন্ন গগন,
ছোট্টে বাণ নয়ন ধাঁধিয়া
নৃপকুল আকুল সকলে !
বুঝিতে না পারি কোন্ মায়াধারী
যুদ্ধ করে দ্বিজ-বেশে !

দ্রোণ । দ্রুপদাসন, চাল' সৈন্ত দক্ষিণে রাখিয়া,
কহ দুৰ্য্যোধনে বাহু-মুখ রক্ষিতে যতনে ।
নহে দ্বিজ ।

দেখি, কিরে যম ব্রাহ্মণের বেশে ।

দ্রুপদা । না পালাও ভীকু সেনাদল,
রাখিও অরণ কোরব-রক্ষিত তোমরা সকলে ।

প্রস্থান

দুইটি শর দ্রোণাচার্যের চরণ স্পর্শ করিল

ভীষ্মের প্রবেশ

ভীষ্ম । হে আচার্য্য,
অদ্ভুত সময় হেন দেখি নাই কভু !
একা দ্বিজ যুঝে লক্ষ রাজা-সনে ।
কিসা নহে অসম্ভব ;
দ্বিজ-শিষ্য আমি ভীষ্ম !
গুরু মম জামদগ্ন্য রাম,
পুনঃ কি হে নব কলেবরে

হইল উদয়,
 নিঃস্কত্র করিতে ধরা ?
 দ্রোণ । শরমুখে পরিচয় করিয়াছি লাভ,
 হে গান্ধেয়,
 শুন শুন আনন্দ সংবাদ !
 নহে দ্বিজ,
 বেষধারী প্রিয় শিষ্য অর্জুন আমার !
 পাশে ঐ ভীমসেন
 অরাতি সংহার করে—
 নলবন দলে যুধপতি যথা ।
 ভীষ্ম । শুনেছিহু বিহুরের মুখে,
 পেয়ে মুক্তি জতুগৃহ হ'তে
 পঞ্চ ভাই বঞ্চে ছদ্মবেশে ।
 আজি যুচিল সংশয়
 প্রত্যক্ষ হেরিয়া সবে ।
 ওই যুধিষ্ঠির সহস্রবে নকুল স্মৃতি
 দ্বিজবেশে করে মহারণ,
 রাজগণ প্রাণভয়ে পলায় সকলে ।
 হে আচার্য্য, শিক্ষাদান সার্থক তোমার,
 সার্থক জীবন মম,
 স্বচক্ষে নেহারি' আজি
 ভরত-বংশের ওই পঞ্চ হোমশিখা
 মুখোজ্জ্বল করিয়াছে মোর !
 আমি বটে পিতামহ পঞ্চ পাণ্ডবের—
 গৌরবের অভিধান এই !

চল—দেখি কোথা দুৰ্য্যোধন,
নিবৃত্ত করিয়া রণে গৃহে ফিরি যাই।
যদুপতি দিয়াছেন রথ,
পাণ্ডবের হেতু চিন্তার কারণ নাই !

দ্রোণ । দ্বিজগণ করে আশ্ফালন,
ক্ষত্রিয় পলায় ডরে—
এই দেখিছ প্রথম !

ভীষ্ম । ইথে গৌরব তোমার,
তুমি অৰ্জুনের গুরু
শিষ্য হ'তে গুরুর প্রতিষ্ঠা ।

ভীষ্মের প্রহান

কতিপয় সৈন্তের প্রবেশ

১ম । নহে দ্বিজ, রাক্ষস নিশ্চয়—
ওই আসে ধৈর্যে—পলাও পলাও ।

প্রহান

ভীষ্মের প্রবেশ

ভীষ্ম । আরে আরে ভীৰু ক্ষত্রিয়
যুদ্ধ-মৃত্যু ভুলিয়াছ সবে ?
ছি ছি প্রাণভয়ে কর পলায়ন ?
কোথা দুৰ্য্যোধন,
অকলঙ্ক কুলে দিলি কালি,
ডুবাইলি ভরত-বংশের মান ?
কিবা ফল, হীনপ্রাণ রাখি ?

যুধিষ্ঠিরের প্রবেশ

যুধি । শুন বৃকোদর,
অনর্থক প্রাণনাশে নাহি প্রয়োজন ;

ভীম।

যুধি।

দেখ কোথায় অর্জুন।

চল ফিরে যাই কুস্তকার বাসে,
একাকিনী জননী ভাবেন কত।

দুর্যোধন এখনো জীবিত,
জতুগৃহ ঋণ হয় নাই পরিশোধ!

আজি শুভ দিনে বিবাদ না আন।
লক্ষ্যবেধে লক্ষ্মীলাভ ক'রেছে অর্জুন,
লক্ষ রাজা পরাজিত বাহুবলে তব;
হুঁট মনে ক্ষমা করি' সবে, চল গৃহ-মুখে-
ফিরাও অর্জুনে!

উভয়ের প্রস্থান।

পঞ্চম দৃশ্য

নদীতীর

কর্ণ

কর্ণ।

ধিক্ ধিক্ শত ধিক্ জীবনে আমার!
সভামাঝে উচ্চকণ্ঠে কহিল রমণী—
স্বতপুত্রে না বরিব কভু,
বিষ-শল্য সম বাণী পশিল অন্তরে,
দুর্নিবার আলা তার সহিতে না পারি—
মৃত্যু শ্রেয়ঃ—শতগুণে মৃত্যু শ্রেয়ঃ
লাঞ্ছিত জীবন হ'তে।
নারী—সেও ঘৃণা করে মোরে।
জন্ম যদি দুয়ারোগ্য ব্যাধির সমান—

জীবনের চির সঙ্গী মোর,
 শুধু জ্বালায় কারণ—
 কিবা প্রয়োজন দুর্ভর এ ভার করিয়া বহন ?
 মৃত্যু—সমদর্শী বন্ধু জগতের
 উচ্চ নীচ ভেদাভেদ বর্জিত সুহৃদ
 কোল দেহ মোরে—
 মুছে যাক, ধুয়ে যাক
 দেহ সনে বংশ-গত অপমান এই,
 কলঙ্কের দীপ্ত রেখা—
 সার্থময় সমাজের দৈর্ঘ্যের সৃজন !

বাগবশে নিয়তির প্রবেশ

নিয়তি। হাঁ গা, তুমি ত একজন মন্ত বীর ?

কর্ণ। বীর ? কে ব'লে ?

নিয়তি। তুমিই বলছ, আর কে বলবে ? কাঁধে ধনুক, পিঠে তুল,
 কোমরে তলোয়ার আবার কি ক'রে বলতে হয় ? তা তুমি এখানে
 একলাটি কি ভাবছ ? ও দিকে খুব যুদ্ধ হচ্ছে, আর তুমি বীর
 হ'য়ে এখানে বুঝি কেবল ভাবছ ?

কর্ণ। যুদ্ধ হচ্ছে ! কেন ?

নিয়তি। গায়েয় জ্বালায়।

কর্ণ। সে কি !

নিয়তি। আবার কি ? ঐ জ্বালাতেই ত সবাই অস্থির ! আচ্ছা তুমিই
 বল না। হাঁ গা সবাই কি সমান ? রাজার মেয়ের স্বয়ম্বর, কত
 দেশের সব বড় বড় রাজা এল, ক্ষত্রিয়—বীর—কিন্তু লক্ষ্যবেধ কর্তে
 কেউ পায়গলে না ! এক জন গরীব—বলে বামুন, লক্ষ্য বিধলে ;

রাজ-কন্তাও তার গলায় মালা দিলে, এই সব রাগ ! নিজেরা পায়্বে না, দোষ হ'ল সেই বামুনের ; অমনি সব কোমর বাঁধ্লে বামুনকে মায়তে—দেখ দেখি অন্তায় !

কর্ণ। কোন ক্ষত্রিয় লক্ষ্যবেধ কর্তে পায়্বে না ?

নিয়তি। না গো, কে পায়্বে বল ? সে যে দুর্জয় লক্ষ্য, কেউ পায়্বে না। সকলে বল্লে কি জান ? অর্জুন হ'লে পায়্বে, তার মত বীর না কি কেউ নয় ? আর বল্লে—পায়্বে কেবল কর্ণ।

কর্ণ। সকলে বল্লে কর্ণ লক্ষ্যবেধে সমর্থ হ'ত ?

নিয়তি। বল্বে না ? তার মত কে বল ? কিন্তু কি মজা দেখছ, কর্ণ লক্ষ্য বিঁধতে উঠলো অমনি রাজকুমারী বল্লে আমি স্ততপুত্রকে বিয়ে করবো না—আর কর্ণের লক্ষ্য বেঁধা হ'ল না, সকলে হো-হো ক'রে হেসে উঠলো ! হাজার হ'ক ক্ষত্রিয়ের মেয়ে কি না, তার ঝাঁজ যাবে কোথা ?

কর্ণ। তার পর কি কর্ণে ?

নিয়তি। পালাল, আর কি কর্ণে ? একটা অপমান তো ! তুমিই বল না !

কর্ণ। আমি কে জান ?

নিয়তি। তুমি না বল্লে জানব কি ক'রে ?

কর্ণ। আমিই সেই স্তত-পুত্র কর্ণ।

নিয়তি। তুমিই কর্ণ ? আহা ! তুমি যদি ব্রাহ্মণ কি ক্ষত্রিয় হ'তে, তা হ'লে দ্রৌপদী তোমারই হ'ত, না ? তবে কি জান, যার ভাগ্যে যা। নইলে আর কেউ পায়্বে না, সেই বামুনই বা পায়্বে কেন ? এখনো দেখি কি হয়, দ্রৌপদীর অদৃষ্টে আবার কি আছে কে জানে ? কি বল্ ? সবই তো ঐ পোড়া ভাগ্যের খেলা। ভাগ্য মান তো ?

কর্ণ। ভাগ্য—ভাগ্য !

নাহি জানি ছায়া কিংবা কায়া ।
 কোন্ মায়ার সৃজন ;
 নারী কিংবা নর—কি আকার তার,
 গীড়নে যাহার ত্রুস্ত ত্রিসংসার ;
 স্বেচ্ছাচার—শাসন দুর্ব্বার—
 অবহেলে করে পদানত দেবতা মানব !
 নিয়তি—নিয়তি—
 কোথা তার স্থান
 বিশ্ব হ'তে কত—কত দূরে,
 কোন্ স্বর্গে ভীষণ নরকে,
 কিংবা অন্ধতম রসাতলে ?
 যদি পাই বারেক সন্ধান তার,
 যদি পাই সম্মুখে আমার,
 গুরুদত্ত অসির গ্রহারে থণ্ড থণ্ড করি, তারে
 করি দূর জগতের জলন্ত জঞ্জাল ।

নিয়তি! ও : ! তুমি দেখে'ছ বড় রেগেছ ! কি জানি যদি আমার ঝাড়েই
 তরুণাল বসিয়ে দাও ! কাজ নেই, আমি গরিব বেচারা—আমার সরে
 পড়াই ভাল ! জীলোক অপমান করে, তার আবার আশ্ফালন দেখ !
 গ্রহান

কর্ণ । রে হৃদয়,
 সহজাত অভেদ্য কবচ
 অঙ্গ আভরণ,
 কোন্ অভেদ্য পাষাণে গঠন তোমার ?
 কতদূর সহ-শুণ তব ?
 হে তপন,

হৃদয়-আনন্দ-নিধি, আরাধ্য আমার,
 পাংশু আবরণে কেন্ন ঢেকেছ বদন ?
 দাঁড়াও দাঁড়াও দেব,
 তুমি ইষ্ট—তুমি সাক্ষী—
 তুমি ক্ষণ রহ স্থির,
 হে অন্তর্গামী অন্তর্যামী জগৎ-নয়ন,
 এ জীবন ডালি দিই সম্মুখে তোমার—
 স্মৃত-পুত্র কর্ণ নাম
 থাক মুছে—
 থাক মিশে অনন্ত আধারে—
 মৃত্যু হ'ক একমাত্র আশ্রয় আমার ।

পদ্মাবতীর প্রবেশ

পদ্মা । আর তুমি হও একমাত্র আশ্রয় পদ্মার । (মাল্যদান)
 কর্ণ । কে ! কে তুমি ? এ কি ক'লে ? কার গলায় মালা দিলে ?
 পদ্মা । আমার স্বামী ।
 কর্ণ । কে তুমি ?
 পদ্মা । তোমার দাসী ।
 কর্ণ । কি সর্বনাশ করলে ! উন্মাদিনী ? কে তুমি ? তুমি কি জান
 আমি কে ?
 পদ্মা । জানি ; তুমি আমার স্বামী ?
 কর্ণ । না—না,
 স্মৃত-পুত্র আমি—
 সর্ব স্বপ্ন, সর্ব হেয়,
 নীচ—অতি নীচ

পরিচয়হীন—

অধিরথ-স্বত, দীন রাধার নন্দন ।

পদ্মা । হ'ক, তবু তুমি মোর স্বামী ।

কর্ণ । শোন উন্মাদিনী,
জীবনের তট-প্রান্তে
করিয়াছি চরণ স্থাপন—
শোন—মৃত্যুকামী আমি ।

পদ্মা । তবু—তুমি মোর স্বামী ।

কর্ণ । কি করিলে বালা ?
কার গলে দিলে কুসুমের মালা ?
ফেলিয়া এসেছি আমি জীবন পশ্চাতে,
হের অন্তগামী রবি ছবি সন্মুখে আমার,
অনন্ত আঁধার আসিছে গ্রাসিতে মোরে—
তুমি চাহ
ফুলদল দিয়া রোধিবারে গতি তার ?

পদ্মা । না, আমি কারও গতিরোধ করতে চাই না । যদি তুমি মৃত্যুকামী
হও, কোন ক্ষোভ নেই, কোন দুঃখ নেই । আমি দাঁসী, তোমার
নিকট শুধু এই অধিকার চাই—তোমার সঙ্গে আমাকেও মরণকে
বরণ করতে দাও ।

কর্ণ । এ কি আশ্চর্য্য ! স্বয়ম্বর সভামাঝে মুখ ফেরালে যে সেও
নারী—আর তুমিও নারী । আভিজাত্য-অভিমানহীন, কে তুমি
রহস্যের মত আমার সন্মুখে এসে দাঁড়ালে ? এখন আমি কি করি ?

পদ্মা । যা তোমার ইচ্ছা ! তুমি মরতে চাও, বঞ্জনো, আমিও তোমার
সঙ্গিনী ।

কর্ণ । কিন্তু জান কি সুন্দরি, কি সত্যে আমি আবদ্ধ ? এ পৃথিবীতে

নিজের ব'লে আমি কিছুই রাখি নি। গুরুদত্ত অভিষাপ মাথায় নিয়ে
সংসার-প্রবেশ মুখে প্রতিজ্ঞা করেছি, এ জীবনে প্রার্থীকে কখনও নিরাশ
ক'রব না। স্ত্রী, পুত্র, রাজ্য, সম্পদ, নিজের দেহ, প্রাণ—যে যা
চাইবে—অবিচারিত চিন্তে তখনই তা দান ক'রব, এ শুনেও কি তুমি
আমায় বরণ করতে ইচ্ছা কর ?

পদ্মা। আমার তো আর স্বতন্ত্র ইচ্ছা নেই। তুমি সর্বস্ব দানে প্রতিজ্ঞা
করেছ, কিন্তু প্রভু, আমি যে তোমায় আত্মদান করেছি। তোমারও
যে প্রতিজ্ঞা—শোন স্বামিন্—আজ হ'তে আমারও সেই প্রতিজ্ঞা।

কর্ণ।

সুদর্শনে !

দর্শনে তোমার

মৃত্যু আজ হ'ল পরাজিত ;

লাঞ্ছিত জীবন

ধন্য হ'ল পুণ্য পরশে তোমার ।

অভিষাপ—

মৃত্যুকালে রথচক্র গ্রাসিবে ধরণী,

আজি জীবন প্রভাতে

কালচক্র গ্রাসিলে রমণী !

এস এস মৃত্যুহরা সুধা জগতের,

আজি হ'তে তুমি ধর্মপত্নী মোর ।

তৃতীয় অঙ্ক

প্রথম দৃশ্য

ইন্দ্র-প্রস্থ—তোরণ-সম্মুখ

দুর্যোধন ও শকুনি

দুর্যোধন। বারবার এ অপমান সহ্য করে বেঁচে থাকার চেয়ে মৃত্যুই শ্রেয়ঃ ।

বাল্যকাল থেকে এই পাণ্ডবেরা প্রতি কার্যে আমার অপমান করছে,
—অন্ধ পিতা, বুদ্ধ পিতামহ ভীষ্ম—সর্বকার্যে তাদেরই প্রভাব
দিয়েছেন। অস্ত্র-পরীক্ষায় অপমান, জতুগৃহ ব্যর্থ, লক্ষ্যবেধে লক্ষ লক্ষ
রাজার সম্মুখে দীন ব্রাহ্মণ-বেশী পাণ্ডবের অভ্যুদয়—আর আমি
কৌরবেশ্বর দুর্যোধন—ভীষ্ম, দ্রোণ, কর্ণ—মহারথী সব সহায়
থাকতেও লাহিত, পরাজিত !

শকুনি। ছোট গাছ একটু বাতাসে ভেঙ্গে পড়ে, কে তা' লক্ষ্য করে ?

আকাশস্পর্শী বৃক্ষ যখন মাটিতে লোটার, লোকে তখনি করুণায় হায়
হায় করে ! মহামানী দুর্যোধনের অপমান সকলের দৃষ্টি আকর্ষণ
করেছে, বিশেষতঃ এই রাজহুয় যজ্ঞে ।

দুর্যোধন। এরও মূলে—আমার পিতা, ভীষ্ম আর বিহুর ।

শকুনি। রহস্য কিছুই বুঝতে পারেন না । পরম আত্মীয়ও শত্রু হয় !

পিতা—পুত্রের কল্যাণই যার একমাত্র কামনা—তিনিও সন্তানের
সর্বনাশ করেন ?

দুর্যোধন। কি ক্ষতি হ'ত যদি পাণ্ডবেরা বনে বনে বাস করত ?

শকুনি। মহারাজ যুতরাষ্ট্র, ভীষ্ম যেই গুনলেন—যে-ব্রাহ্মণ লক্ষ্যবেধ

ক'রেছে—সে অর্জুন, জতুগৃহে পাণ্ডবেরা মরে নি—গোপনে কুন্তকার-
গৃহে বাস ক'রেছে—অমনি বিদুরকে পাঠিয়ে সমালয়ে তাদের রাজ-
ধানীতে নিয়ে এলেন ।

দ্রুপ্যো । মার্কণ্ডেয়ের পরমায়ু নিয়ে জন্মেছিল এই পাণ্ডবেরা !—আমি
এখনো বুঝতে পারি না, জতুগৃহে তারা কিরূপে নিষ্কৃতি পেলে । আর
দ্রৌপদীর স্বয়ম্বরেই তো পাণ্ডবদের ধ্বংস হ'ত । কিন্তু কি আশ্চর্য্য,
পিতামহ ভীষ্ম অস্ত্রই ধরলেন না । শ্রীকৃষ্ণ নিজের রথ, নিজের অস্ত্র
অর্জুনকে দিয়ে মহত্ব দেখালেন ।

শকুনি । ঘটনা সবই বিচিত্র ! পুরুষের পাঁচটা কেন—অমন একশ'টা স্ত্রী
হয়, স্ত্রীলোকের কখনও পঞ্চস্বামী হয় শুনেছ ? আমি তো প্রথম শুনে
বিশ্বাসই করি নি । তার পর বিদুরের কাছে সব রহস্য শুনলেম ।
কুন্তী—কুন্তীর ছিলেন, পাঁচ ভাই ভিক্ষে ক'রতে বেরিয়ে স্বয়ম্বরে
একটা কাণ্ড ক'রে দ্রৌপদীকে লাভ ক'রলেন, ফিরে গিয়ে মাকে ব'লে,
“না, আমরা ভিক্ষে থেকে ফিরিছি ।” মা ব'ল্লেন, “বেশ ক'রেছ, বা
এনেছ পাঁচ জনে ভাগ ক'রে নাও !”—আহা ! মাতৃভক্ত সন্তান, কি
আর করে বল ? পাঁচজনেই দ্রৌপদীকে ভাগ ক'রেই ভোগ ক'রছেন ।
চমৎকার ব্যাপার !

দ্রুপ্যো । যার পাঁচ স্বামী, তার যষ্ঠেই বা ক্ষতি কি ? দ্রৌপদী ! দ্রৌপদী !
মাতুল, আমি এখনও স্বয়ম্বরের অপমান ভুলতে পারি নি ।

শকুনি । তার পর এই রাজহুয় । অপমানের যেটুকু বাকী ছিল, তা পূর্ণ
হ'ল এই যজ্ঞে ! লজ্জায়, অপমানে, ধিকারে—দ্রুপ্যোধন—কি আর
ব'ল'বে এ বুকের মধ্যে যে কি ঝড় তা তোমায় দেখাতে পারছি নি ।
প্রতি নিশ্বাসে অন্তরের উত্তাপ ছুটে বেরোচ্ছে ! মহামানী দ্রুপ্যোধন—
কানে এ ধ্বনি এখন ব্যঙ্গ ব'লেই মনে হয় ! তোমাদের এখানে না
এসে, আমার বনেই বাস করা উচিত ছিল ।

যুধিষ্ঠিরের প্রবেশ

যুধি। এই যে সুরোধন ! ভাই, বৃহৎ কার্য্যে অনেক ক্রটি বিচ্যুতি হ'য়েছে, কিছু মনে কোরো না, কিছু মনে রেখো না।

দুর্য্যো। না—না, মনে কি রাখ'ব ?

শকুনি। তবে ঐ কপালের ফুলোটা। যতক্ষণ ব্যাধা, ততক্ষণ মনে তো থাকবেই। আহা, কি সভাই ক'রেছিল ময়দানব ! দানবীর কাণ্ড কি না ? শুভ ক'রতে গিয়ে, হয়ে গেল অশুভ। ক্ষটিকের এমন কারিকুরি—তিন হাত চণ্ডা দেওয়াল—মনে হ'ল কি না প্রশস্ত পথ ! কি বল'ব, বাবাজীর মাথা—একেবারে নিরেট লৌহপিণ্ড—নইলে আর কারো হ'লে গুঁড়িয়ে চুরমার হ'য়ে যেত।

যুধি। দানবীর স্রষ্টি ! আমাদের সকলেরই ভ্রম হ'য়েছিল।

শকুনি। আর সত্যিকার জলটা ? দেখেছ তো বাবাজী, যেন ঘাস বিছান মাঠ ! যেমন দুর্য্যোধন পা বাড়িয়েছেন, একেবারে এক গলা জল ! চারিদিকে কি হাসির ধুম—বিশেষতঃ দ্রৌপদীর !

যুধি। সভার নির্মাণ-কৌশল দেখে সকলেই চমৎকৃত হ'য়েছিল ! এও আমার সুরোধনেরই গৌরব।

শ্রীকৃষ্ণ, দুর্য্যোধন ও কর্ণের প্রবেশ

শ্রীকৃষ্ণ। রাজত্ববর্গকে বিলাস দিয়ে এলেম, তাঁরা মহানন্দে স্ব স্ব দেশে প্রস্থান ক'রলেন। কুরুপতি দুর্য্যোধন ! তোমার অভ্যর্থনায় আমারে আপ্যায়নে সকলেই শ্রীত, শতমুখে তোমার প্রশংসাধ্বনি, তুমি সমাগত সকলেরই মর্যাদা অক্ষুণ্ণ রেখেছ।

শকুনি। হাঁ—হাঁ, মানী নইলে কি মানীর মান রাখতে জানে ? মহামানী দুর্য্যোধন—কথার কথা তো নয় ?

শ্রীকৃষ্ণ। মাতুল ঠিকই বল'লেছেন। দুর্য্যোধনকে আপনি যেমন চেনেন,

তেমন আর কে বলুন ? গুণমুগ্ধ বলেই তো ছাষার মত তার সঙ্গে
সঙ্গে আছেন।

শকুনি। (স্বগত) ঠাট্টা করলে না কি ?

শ্রীকৃষ্ণ। আর মহারথ কর্ণ, তোমার প্রশংসারও অন্ত নেই ; এই বিরাট
যজ্ঞ দানে তুমি সকলকে চমৎকৃত করেছ। তোমার দানে যাচক মুগ্ধ ;
ভীষ্ম প্রভৃতি সকলেই স্বীকার করেছেন। তোমার স্তায় মুক্তহস্ত দাতা
কেউ কখন দেখেন নি।

কর্ণ। যত্নপতি ! তুমি যে যজ্ঞের ঈশ্বর সে যজ্ঞে তো কোন ক্রটি
হবে না—এতে আর আমাদের গৌরব কি ? এ যজ্ঞের সকল গৌরবই
তো তোমার !

শকুনি। তবে কি না, দুষ্টলোকের জিহ্বা বায়ুর মতই মুক্ত, আটকাবার
যো নেই ! আমার সত্য কথা বলাই অভ্যাস ; যেমন শুনেছি, তাই
বলছি। লোকে বলছে, পরের ধন বিলিয়ে সকলেই অমন দাতা
হ'তে পারে।

কর্ণ। বলছে না কি ?

শকুনি। কা'র মুখ চাপা দেবে বল ? বলছে বৈ কি।

কর্ণ। কিন্তু আমি তো—

যুধি। না—না, কেন কুণ্ঠিত হচ্ছে ? আমি তো তোমার পর ভেবে
ভার দিই নি ; সহোদরের মত প্রিয়জ্ঞানেই, তোমার স্বভাব জেনেই
যত্নপতি শ্রীকৃষ্ণের উপদেশেই তোমাকে এই গুরুভার দিয়েছিলাম।
তোমার স্তায় দানবীর ভারতে আর কে আছে তাই ?

দুঃশা। তা আপনি যাই বলুন, মাতুল মিথ্যা বলেন নি। এ দানে কর্ণের
সুখাতি অপেক্ষা নিন্দাই হ'য়েছে অধিক।

শ্রীকৃষ্ণ। যদি নিন্দাই হ'য়ে থাকে, সে নিন্দা কর্ণের নয়—আমার ; কেন
না, আমি কর্ণকে এই ভার দিতে ব'লেছিলাম।

শকুনি। একেই বলে ভাগ্য, ভাল কাজ ক'রেও কর্ণের অদৃষ্টে যশ নেই।

কর্ণ। সত্য, হে মাতুল!

চিরদিন মল ভাগ্য আমি!

করিয়াছি শ্রীকৃষ্ণের আদেশ পালন;

ভৃত্য আমি,

নিন্দা-স্তুতি সমান আমার।

করি নমস্কার

রাজীব চরণে যদুপতি,

দেহ বিদায় আমারে।

হে পাণ্ডব!

পরিতৃপ্ত যত্নে তোমাদের;

কৃতজ্ঞতা কি ভাবে প্রকাশি বল?

বৃষি। ভাই, সত্য বল, লোকের কথায় তুমি ব্যথিত হও নি?

কর্ণ। (বিবাদ হস্তে) ব্যথা?

কোথা ব্যথা—

ব্যথাহারী সন্মুখে যাহার।

কর্ণের প্রস্থান

দুর্য্যো। ভাই তা হ'লে আমরা এইখান থেকেই বিদায় গ্রহণ কল্লেম,

আর তোমাদের কষ্ট ক'রে আসতে হ'বে না। বহু অতিথি পুরে, যাও,

সকলেই যোগ্য আদরের প্রার্থী।

শ্রীকৃষ্ণ। এস রাজা। দুর্য্যোধন বিদায়।

শ্রীকৃষ্ণ ও বৃষিভির প্রস্থান

শকুনি। বাবা, হাঁফ ছেড়ে বাঁচ'লেম। এক বিদায়ের খান্ধায় অস্থির;

চল, আমরাও ঘরে ফিরি।

দুর্য্যো। এখন বুঝতে পাচ্ছি, এ যজ্ঞে আমাদের না আসাই উচিত ছিল।

দ্রুপদ। আমার তো মুখ দেখাতে লজ্জা ক'রছে!

শকুনি । কিন্তু মুখ তো দেখাতেই হবে ।

দুর্য্যো । হাঁ, দেখাতেই হবে । দুঃশাসন, কাতর হ'য়ে না । কাপুরুষ
অপমানে মলিন হয় ; যে বীর, সে অপমানে জ্বলে উঠে । সে বেঁচে
থাকে অপমানের প্রতিশোধ নেবার জন্য ! শোন দুঃশাসন, শোন মাতুল
—আজ থেকে আমি পিতৃদ্রোহী, মাতৃদ্রোহী, আত্মীয়দ্রোহী ! আজ
থেকে আমার আহারে বিহারে, শয়নে স্বপনে, একমাত্র চিন্তা—পঞ্চ-
পাণ্ডবের মৃত্যু ! পঞ্চপাণ্ডবের উচ্ছেদই আজ থেকে আমার ব্রত !

শকুনি । ছলে হ'ক্, বলে হ'ক্, কৌশলে হ'ক্—জেনো দুর্য্যোধন, এই ধ্বংস
যজ্ঞে আমিই তোমার একমাত্র সহায় । ভীষ্ম নয়, দ্রোণ নয়, কর্ণ নয়
—আমি—শকুনি—এই ধ্বংসের বীজ—বহুদিন হ'তে সংগ্রহ ক'রে
রেখেছি ; কেবল সুযোগের অপেক্ষা করছিলাম । সে আশুন জলে
উঠেছে, তাকে নিবতে দিও না । অপমানের উচিত বিধান আমিই
ক'রব ।

দুর্য্যো । এস দুঃশাসন, এস মাতুল ।

দুর্য্যোধন ও দুঃশাসনের প্রস্থান

শকুনি । ধীরে—

ধীরে মিশে কাল অনন্তের কোলে !

কহ অন্তর্ধানী, কত দিন—কত দিন আর ?

অন্ধকার কারাগারে

বন্দী পিতা গান্ধার্য্য ঈশ্বর, সহ শত ভাই মোরা—

বৃদ্ধ শীর্ণ জরাভারে,

মুক্তি দিল মৃত্যু একে একে !

আমি শুধু রহিলাম প্রাণে

পিতৃ-সত্যে আবদ্ধ শকুনি

কুরু-কুল ধ্বংসব্রত উদ্‌যাপন হেতু ।

কহ পিতা, কহ, কত দিনে
 শত ভাই দুর্খোধন লুটাবে ধরায়,
 শত বিনিময়ে শত—
 কত দিনে ঋণমুক্ত হব আমি ।
 অস্থি তব পরিণত অক্ষের আকারে,
 অতি যত্নে রাখি বক্ষ মাঝে ;
 দধীচির অস্থি সম
 কত দিনে
 এই বজ্রে কুরুচূড়া পড়িবে খসিয়া—প্রতিহিংসা ত্বা
 কত দিনে মিটিবে আমার ?
 কহ—কত দিনে
 শত ক্ষুধিতের অন্ন ঋণ
 শুধিবে শকুনি একা ?

প্রহান

দ্বিতীয় দৃশ্য

প্রাস্তুর

নিয়তি

কালপ্রবাহ চলে ধীরে—ধীরে
 জীবন মরণ ছায়া ভাসে কারণ-নীরে ।
 কভু কুসুম বিতান,
 কহ কহ পাখী করে গান,
 রোদন ধনি কভু ছায় গগন ঘিরে ।
 হাসে—হাসে, কভু শিয়রে তরাসে,
 উন্মাদিনী করে ফিরে আকুল ভীরে ॥

তৃতীয়া দৃশ্য

হস্তিনা

প্রাসাদ-কক্ষ

শকুনি

শকুনি । যদি ধৃতরাষ্ট্র হয় অসম্মত ?
অসম্ভব !
ভিত্তিহীন আশঙ্কা আমার ।
স্নেহ—
দুর্বলতা অস্ত্র নাম যার—
অনায়াসে বিজ্ঞ জনে করে জ্ঞানহীন,
বিশেষতঃ—পুত্রস্নেহ !
স্বরে বাধা স্মর—
পিতা হেরে পুত্র-স্বদে প্রতিবিম্ব নিজ,
সমপ্রাণ হয় দৌহাকার—
পায় লোপ বিচার বিবেক ।
দুর্যোধন বুঝেছে যখন
এই অক্ষে পাণ্ডবের হবে সর্বনাশ,
অন্ধ রাজা বুঝিবে নিশ্চয় ;
ফল করে বুকের নির্দেশ ।

দুর্যোধনের প্রবেশ

দুর্যোধ । মাতুল, পিতা সম্মত হ'য়েছেন ।

শকুনি । হ'তেই হবে, হ'তেই হবে এ আমি জানুতেম ।

দুর্যোধ । তবে পিতা ব'লছিলেন, এ উপলক্ষে কোন বিরোধ না হয় ।

শকুনি। এখানে মন আর মুখ এক কথা বলে নি। খেলার কল্লনাই তো বিরোধ থেকে—আড়ি অর্থাৎ ভাবের অভাব।

দ্রুপ্যো। ভীষ্ম দ্রোণ ও বিদুর মহা আপত্তি তুলেছিলেন।

শকুনি। সব মুছে ফেলে দেব, কোন চিন্তা নেই, ভীষ্মও থাকবে না, দ্রোণও থাকবে না। অস্থিসিদ্ধ !

দ্রুপ্যো। রাজহুয় যজ্ঞে যে ঐশ্বর্য দেখিয়ে আমার অপমান ক'রেছে, এই পাশা খেলায় যুধিষ্ঠিরের সে ঐশ্বর্য সব জয় ক'রে নিতে পার, তা হ'লে বুঝি তোমার পাশার গুণ।

শকুনি। চিরদিন এই সাধনা ক'রে এসেছি। যদি ইচ্ছা কি কুবের আমার সঙ্গে পাশা খেলায় বসেন, তাঁদেরও সর্বস্ব খুইয়ে পথের ভিখারী হ'তে হবে—পঞ্চপাণ্ডব তো কোন্ ছার !

দ্রুপ্যো। আমি বিদুরকে পাঠিয়েছি, এই দূত-ক্রীড়ায় যুধিষ্ঠিরকে নিমন্ত্রণ ক'রতে।

শকুনি। বিদুর যে বড় সন্মত হ'ল ?

দ্রুপ্যো। পিতা ব'লেন—ধর্মভীরু—জ্যেষ্ঠের আজ্ঞা অমাত্ত ক'রতে পারলেন না।

শকুনি। বেশ, এখন সভার আয়োজন। পাশার নেশা—একবার ছক পাত্তে পারলে হয়। ঘুরিয়ে দেব, সব ঘুরিয়ে দেব ! যুধিষ্ঠির, ভীষ্ম, অর্জুন—সব ধেই ধেই নাচ'তে আরম্ভ ক'রবে ; আর তেমন তেমন হয় তো জৌপদীও বাদ যাবে না !

ভীষ্মের প্রবেশ

ভীষ্ম।

বৎস,

এখনো বুঝিয়া দেখ,

ব্রাহ্মদেব কত নাহি ফলে শুভফল।

অস্তুর বিকল—

বৃদ্ধ আমি,

ভবিষ্যৎ নেহারি শিহরি ।

পাণ্ডু আর ধৃতরাষ্ট্র,

দুই জাহ্নপরে দুই ভাই,

সংসার-বিরাগী ভীষ্মের দুইটা বন্ধন,

তাহাদের বংশধর তোরা,

স্নেহ-নীড়ে ক'রেছি বদ্ধিত—

নীচ ঈর্ষা করিয়া পোষণ

সেই বংশমূলে

নিজ করে না হান কুঠার !

অতি ধীর পঞ্চ ভাই পাণ্ডুর তনয়

সদা ধর্ম্মে মতি

অনর্থক তাহাদের কোরো না পীড়ন ।

দ্রুপদ্যো । পিতামহ কেবল পাণ্ডবদেরই ধার্ম্মিক দেখেন । আমরা কি অধার্ম্মিক ? ক্ষত্রিয়ের পক্ষে বৃদ্ধও যেমন শাস্ত্রবিধি, অক্ষ-ক্ৰীড়াও তেমনি নীতি-বিরুদ্ধ নয় । এতে পীড়নই বা কি, আর আশঙ্কাই বা কি ? শাস্ত্রকারেরাই এ কথা ব'লে গেছেন ।

ভীষ্ম । সকলের চেয়ে বড় শাস্ত্রকার বিবেক । কোথাও ধর্ম্ম, কোথায় অধর্ম্ম, শাস্ত্রের সূত্র দিয়ে সব সময় তা' বোঝা যায় না । হৃদয়ের অপেক্ষা মীমাংসাকার আর নাই । দ্রুপদ্যোদন, আমার ইচ্ছা ছিল, এই দ্যুত-ক্ৰীড়ায় তুমি না প্রবৃত্ত হও ।

দ্রুপদ্যো । আপনি, আচার্য্য দ্রোণ, পিতৃব্য বিহুর ঔদের পরামর্শ শুনে কাজ কর্তে গেলে আমার বানপ্রস্থে যেতে হয় । পাণ্ডবেরা আপনাদের প্রিয়, আমরা চক্ষুশূল !

শকুনি । না, না, ওঁরা বৃদ্ধ হ'য়েছেন, পরকালের চিন্তা অধিক, তাই
আশঙ্কা করেন !

দুর্য্যো । আমি সব বুঝি । রাজস্বয় যজ্ঞ উপলক্ষে আমাকে যখন অপমান
ক'রবার সঙ্কল্প ক'রেছিল—কৈ, তখন তো পাণ্ডবদের কেউ নিবারণ
করেন নি ? আমি ধর্ম্মও জানি, অধর্ম্মও জানি, কিন্তু তাতে আমার
প্রবৃত্তি নিবৃত্তি নাই, আমার হৃদয় যা বলবে আমি তাই ক'রব
শত ভীষ্ম, শত দ্রোণ, শত বিদুর আমার সঙ্কল্পচ্যুত করতে পারবেন
না । এস মাতুল, সভার আয়োজন করি ।

শকুনি । প্রণাম, ভীষ্মদেব প্রণাম । কুরুবৃদ্ধ আপনি, আশীর্বাদ করুন—
বেন আমার মনোবাঞ্ছা পূর্ণ হয় ।

শকুনি ও দুর্য্যোধনের প্রস্থান ।

ভীষ্ম ।

সত্য সত্য—

বৃথা চেষ্টা মানবের,

বৃথা আকুলতা !

বৃথা শাস্ত্রের শাসন !

ধর্ম্মাধর্ম্ম প্রবৃত্তি-নিবৃত্তি

অর্থহীন শব্দ আড়ম্বর !

সর্বজীবে সর্ববিশ্বে স্থাবর জঙ্গমে,

সর্বকার্য্যে সকল কারণে

বিজ্ঞমান তুমি হবীকেশ !

অহি-দন্তে তুমি বিষ,

তুমি স্নেহ জননীর হৃদয়-আধারে ;

হাসি অশ্রু—একাধারে মূরতি তোমার !

ভুলে যাই, তাই কাঁদে প্রাণ,

হই আতঙ্কে আকুল

অহঙ্কারে হই দিশে হারা !
 হৃদিস্থিত তুমি হৃষীকেশ,
 অখিলের বিকাশ বিনাশ,
 অথঃ উল্কে সম্মুখে পশ্চাতে
 লহ প্রণাম আমার !

এহান

চতুর্থ দৃশ্য

ইন্দ্রপ্রস্থ—উদ্যান

দ্রৌপদীর সখীগণের গীত

মাধব, রেখো চরণে
 যুবতী ধরম স'গেছি তোমারে
 চিরদিন থেকে স্মরণে ॥
 যেতে চাও যাও যতেক দূরে
 আসন তোমার যতনে পতিয়া রাখিব হৃদয় পুরে
 তুমি এস ওগো এস আপন ভাবিয়ে
 ভুলো না জীবনে মরণে ॥

এহান

শ্রীকৃষ্ণ ও দ্রৌপদীর প্রবেশ

শ্রীকৃষ্ণ । সখি, তা হ'লে আমার বিদায় নাও, বহুকাৰ্য্য ফেলে এসেছি ।
 রাজসুয়ে বহু আনন্দে দিন কেটেছে, আর তো বিলম্ব করতে পারি
 না ; আবার আসব, আবার দেখা হবে ।
 দ্রৌপদী । তোমার কাৰ্য্য তুমি জান যতুপতি, আমি তোমার বিদায় দিতে
 পারিব না ।

শ্রীকৃষ্ণ । যুধিষ্ঠির, ভীমার্জুন সকলের নিকটেই বিদায় নিয়ে এসেছি, তুমি
না ছেড়ে দিলে আমি তো যেতে পারি না ।

দ্রৌপদী । আঁখি-জল কণ্ট করে রোধ
কেমন বিদায় দিব ?
সখি বলি' সম্বোধন করিয়াছ মোরে,
হইয়াছে সার্থক জীবন ;
আর কিছু নাহি চাই চরণে তোমার
দেখো সখা, ভুলো না সখীরে কভু ।

শ্রীকৃষ্ণ । ভুলিব তোমারে ?
বৃথা এ আশঙ্কা সতী
অভিন্ন পাণ্ডব কৃষ্ণ ।
তবে কেন অভিমান ?
আছি—রব চিরদিন বাঁধা ।

দ্রৌপদী । কথায় কে আঁটিকে তোমারে ?
চিরদিন তুমি প্রতারক, মিথ্যা নহে এই বাণী ।

শ্রীকৃষ্ণ । যদি হই প্রতারক,
প্রতারণা শিখেছি নারীর কাছে ।
রেখো মনে—দাঁও গো বিদায় ।

দ্রৌপদী । লহ প্রণাম আমার ।
পুনঃ কবে দেখা হবে ?

শ্রীকৃষ্ণ । যখন ডাকিবে ;
আসি তবে ।

প্রস্থান

দ্রৌপদী । কি যে ব্যথা বিরহে তোমার,
সেই জানে,

যারে ভাল বাসিয়াছ তুমি !
 তুমি কাঁদাও সকলে,
 কিন্তু কারো তরে প্রাণ কাঁদে কি তোমার ?
 তুমি জান মহিমা আপন,
 অস্ত্র নারী
 আমি শুধু জানি চরণ তোমার ।

যুধিষ্ঠির, ভীম ও অর্জুনের প্রবেশ

যুধি। যত্নপতি চ'লে গেলেন, আর সুর্যোধনের নিমজ্জন নিয়ে পিতৃব্য
 বিদুর এসে উপস্থিত হ'লেন। মুহূর্ত্ত পূর্বে এলে কর্তব্য নির্দ্ধারণ
 শ্রীকৃষ্ণই ক'রতেন ! এখন কি করি ? দ্যুত-যুদ্ধে আহ্বান—এ তো
 প্রত্যাখ্যান ক'রতে পারি না ।

ভীম। এ অক্ষ-ক্ৰীড়ায় দুর্যোধনের কিছু দুর্ভাগ্যই আছে ?

অর্জুন। অনুমানের উপর ত সত্যাসত্য নির্দ্ধারণ করা যায় না ।

যুধি। তা হ'লে নিমজ্জন গ্রহণ করি, কি বল ?

অর্জুন। আপনি এ কথা আমাদের জিজ্ঞাসা ক'রছেন কেন ? আপনি
 রাজা, আমরা আপনার অনুগামী ভূত্য ।

ভীম। নিমজ্জন গ্রহণ না ক'রলে দুর্যোধন মনে ক'রবে আমরা ভয়ে তার
 নিমজ্জন গ্রহণ করি নি ।

যুধি। তোমাদের সকলেরই তা হ'লে এই মত ? পাঞ্চালি, তোমার কি
 অভিপ্রায় শুনি ?

দ্রৌপদী। যখন তোমার আদেশে অর্জুন লক্ষ্যবেধ ক'রেছিল, তখন কি
 আমার মতামত জিজ্ঞাসা ক'রেছিলে ? স্বয়ং সত্য যখন লক্ষ
 রাজাকে পরাস্ত ক'রেছিলে, তখন কি আমার মতামত জিজ্ঞাসা
 ক'রেছিলে ? তবে আজ এ রহস্য কেন ?

যুধি। ধর্মপত্নী যে মন্ত্রণায় সচিব।

দ্রৌপদী। দাসীও বটে।

যুধি। না না, নহ দাসী,

সর্ব অধিষ্ঠারী তুমি।

ভীম। তা হ'লে আমিই পিতৃব্য বিদুরকে ব'লে আসি যে, আমরা প্রস্তুত?

যুধি। না না, চল, সকলে এক সঙ্গেই যাই।

দ্রৌপদী ব্যতীত সকলের প্রস্থান

দ্রৌপদী। যুদ্ধ বা ক্রীড়ায় ক্ষত্রিয়ের সম উল্লাস, ক্ষত্রিয়ের চরিত্রই
বিচিত্র।

নিয়তির প্রবেশ

নিয়তি। তোমার পাঁচ স্বামী পাশা খেলতে চলল, তুমি বেশ আছ?

চোখে জল নেই, কাঁদছ না!

দ্রৌপদী। কেন, কাঁদব কেন?

নিয়তি। রাজসূয় যজ্ঞে বড় হেসেছ, একটু কাঁদবে না? কাঁদবে—কাঁদবে

—খুব কাঁদবে। তোমার—চোখের জলে আগুন জলবে! এক এক

ফোটা জল দাবানলের সৃষ্টি ক'রবে! তুমি আর কাঁদবে না?

দ্রৌপদী। কে তুমি এমন অমঙ্গলের কথা ব'লছ? তোমায় তো কখনো

দেখি নি, তোমার কথা শুনে আমার বুক কেঁপে উঠল কেন?

নিয়তি। ধরিজী কাঁপবে;

সরিৎ সাগর,

অভ্রভেদী সূর্যক-শিখর,

তারামালা চন্দ্রমা তপন,

বাতাহতপত্র সম সঘনে কাঁপিয়ে,

দিকে দিকে দিগঙ্গনা

হাহাকারে থরথরি উঠিবে কাঁপিয়া—

আজি সূচনা তাহার

অতীতের যবনিকা পারে,

মন্দাকিনী তরঙ্গ লহরে,

মায়াবিনী আঁধি-নীরে .

ভেসেছিল প্রস্ফুটিত কনক কমল,

অদূর ভবিষ্যে—

দর বিগলিত ওই তব নয়নের ধারে,

ফুটিবে অনল-পদ্ম—

ভৃঙ্গ সম দুর্ম্মদ ক্ষজিয়-দল

সে আশুনে হবে ছারখার—

আজি সূচনা তাহার—

কাঁদ—কাঁদ নারি !

কাঁদ উচ্চরোলে,

ধক্-ধক্ দাবানল জলুক ভীষণ !

ভস্ম হ'ক্ অত্যাচারী নর ।

প্রহান

| দ্রৌপদী । কে এ অপরিচিতা আমার আনন্দের স্বর এক নিশ্বাসে ভেঙ্গে
দিবে গেল ।

প্রহান

শঙ্কর দৃশ্য

হস্তিনা—কুরুসভা

ধৃতরাষ্ট্র, ভীষ্ম, দ্রোণ, কর্ণ, বিহর, দুৰ্য্যোধনাদি,

যুধিষ্ঠিরাদি ও শকুনি, প্রতিকারী ইত্যাদি ।

দুৰ্য্যোধন ।

হে মাতুল, অদ্ভুত নৈপুণ্য তব—

অক্ষ নহে,

জয়লক্ষ্মী পাশার আকারে—

নিমেষে জিনিলে সব !

কহ যুধিষ্ঠির,

রাজস্থয়ে ক্ষটিক তোরণ

হইয়াছে ধূলিসাৎ ?

রাজত্ব সম্পদ

হারাইলে সকলি অকালে ।

বিনা পঞ্চ ভাই,

আছে কিহে আর কিছু রাখিবারে পণ ?

ভীষ্ম ।

নিশ্চয় এ মায়া-অক্ষ নাহিক সন্দেহ,

মায়াধর শকুনি নিশ্চয়,

মায়াবলে দুরাচার জিনে বার বার—

অস্ত্র অক্ষ ল'য়ে কর খেলা ।

শকুনি । তা' তো নিয়ম নয় । যে পাশা নিয়ে আরম্ভ হয়েছে, সেই পাশাতেই শেষ ক'রতে হবে । ভীষ্মসেন ! দুরাচার ব'ল'ছ বটে, কিন্তু যুদ্ধনীতি তো কিছু কিছু জানি । ভাল, সভাস্থ সকলে বলুন, আমি যা বলছি তা যদি সত্য না হয়, এই পাশা ফেলে দিয়ে উঠে যাচ্ছি । যুদ্ধে বা কৌড়ায় যে ভয় পায়, তার সঙ্গে সন্ধি করারও একটা নিয়ম আছে ।

যুধি । মায়া যদি হয়,
 কিবা ক্ষতি তাহে ?
 এ সংসার মায়ার আগার—
 অলক্ষ্যে বসিয়া মায়া ফেলে অক্ষপাটী,
 মস্তমুগ্ধ খেলে নর মায়ার নির্দেশে !
 ভাল, সন্ধি করিব মাতুল,
 আগে সন্ধিক্ষণে
 বলি হ'ক পঞ্চ পাণ্ডুর তনয় !

শকুনি । হাঁ হাঁ, এই তো বীরের মত কথা ! এই তো চাই । তা'হলে
 কি পণ করবে, পণ কর ।

যুধি । এ বারের পণ—
 যদি হারি
 পঞ্চ ভাই
 কৌরবের দাসত্ব করিব অঙ্গীকার ।

শকুনি । কত দিনের জন্ত দাসত্ব অঙ্গীকার করবে ? আজীবন বোধ হয় ।
 ধৃত । থাক থাক, আর কাজ নেই, যথেষ্ট হয়েছে ; বৎস দুর্ঘ্যোধন এইবার
 কাস্ত দাও । আজীবন দাসত্ব—বড়ই গর্হিত, বড়ই গর্হিত !

শকুনি । রহস্ত—রহস্ত ! বুঝেছেন কৌরবেশ্বর, সব রহস্ত । দাস বলেই
 কি দাস ? আজীবন না হয়—যুধিষ্ঠির বারো বৎসরের জন্ত দাসত্ব
 অঙ্গীকার করুন । বারো বছর—এমন কি বেশী ।

ধৃত । বারো বৎসর রাজপুত্রেরা দাস হ'য়ে থাকবে ?

শকুনি । তার স্থিরতা কি ? আমিও তো হারতে পারি ?

ধৃত । বারো বৎসর ! বড় বেশী হ'ল—বড় বেশী হ'ল ।

দুর্ঘ্যোধ । পিতা স্থির হ'ন, দেখুন না পরিণাম কি হয় ।

বিদুর । পরিণাম দিব্য চক্ষে দেখতে পাচ্ছি, পরিণাম ধ্বংস !

দ্রুপদ্যো। এ সভাস্থলে ভিক্ষুকের কিবা প্রয়োজন ? যান পিতৃব্য, আপনার
কুটীরে বসে কৃষ্ণ নাম করুন ।

বিদুর । ভীষ্ম, দ্রোণ, নীরব সকলে ?
কেহ নাহি করে নিবারণ ?
মায়া-অঙ্কে খেলিছে শকুনি
অভিসন্ধি তার বুঝিবারে নারি ।
দ্রুপ্যোধন, শুনহ বচন,
বিষ সংহরিয়
পঞ্চ নাগ, পঞ্চ জ্ঞাতি তব,
পঞ্চ পাণ্ডুর কুমার
বসি আছে স্থির—
মুখে তার স্ব-ইচ্ছায় অঙ্গুলি প্রদান
কভু নাহি কর—
এখনও নিবৃত্ত হও ।
আমি দরিদ্র ভিক্ষুক,
সত্য বটে
রাজসভা নহে যোগ্য-স্থান মোর ।
দুর্নীতির সহবাস ত্যজিতে উচিত !

প্রহান

দ্রুপদ্যো। আমার আত্মীয় নন, বিদুর আমার চির-শত্রু । ভাল ষাদশ
বৎসরের জন্ত দাসত্ব স্বীকার, এইবার যুধিষ্ঠিরের পণ হ'ক ! মাভুল
আপনি ভাগ্য পরীক্ষা করুন ।

শকুনি । শুষ্ক অস্থি হও, সঞ্জীবিত !
বহুদিন শুষ্ক তুমি আকুল তৃষ্ণায়—
আজি প্রাণ পুরে মিটাও পিপাসা

হাঃ—হাঃ !

প্রত্যক্ষ আমার অক্ষ—

দেখ ভাগ্যপটে লিখিয়াছে শকুনির জয় ।

দুর্যো ।

সাবাসি মাতুল !

কহ যুধিষ্ঠির,

আর কিবা করিবে হে পণ ?

কর্ণ ।

আছে মাত্র দ্রৌপদী সম্বল !

ভীষ্ম ।

আরে হীন রাধার নন্দন,

এত স্পর্ধা তোর !

কুললক্ষ্মী মা আমার পাঞ্চাল-নন্দিনী—

নীচ তুই, মৃত-অগ্নে বর্জিত শরীর,

হীন রসনায় তোর

উচ্চারণ করিস্ পামর

ভরত বংশের কুলবধু নাম—

মর্যাদা যাহার

ঈর্ষা করে সুরনারী নন্দনে বসিয়ে ।

ধিক্ ধিক্, কি কব অধিক্ তোরে—

বংশোচিত বুদ্ধি তোর আরে রে অধম !

ধৃত । থাক্ থাক্ কাজ নেই, কুলবধু—কুলবধু ! দুর্যোধন, মা আমার কুলবধু !

দুর্যো ।

পিতামহ, রহ স্থির,

রাজাজ্ঞায় সভাসীন তোমরা সকলে ।

আমি কহি—

নহে কর্ণ,

আমি কহি,

শুন যুধিষ্ঠির,

জ্যোপদীয়ে রাখিবারে পণ,

সম্মত কি তুমি ?

ভীষ্ম ।

দুর্যোধন,

এইবার নিরুত্তর করিয়াছ মোরে ।

ভীষ্ম ।

রাজা !

বৃষি ।

নহি রাজা, দাস মোরা, প্রভু সুর্যোধন,

দাস মোরা পঞ্চ ভাই ।

ভাল, হে মাতুল,

করিলাম পাঞ্চালীয়ে পণ !

শকুনি ।

ভাল ভাল,

দেখ অন্ধ কিবা কহে ?

‘হের দেখ, সুর্যসেন ভাগ্য কোরবের,

পরাজিত বুদ্ধিষ্টির !

দুর্যোধন ।

হে মাতুল, দেহ পদধূলি,

তুমি আজ

উড়াইলে কোরবের গৌরব-নিশান

রাজস্বয় অপমান শোধ দিলে !

শকুনি ।

শোধ—শোধ—ঋণ শোধ—

এই বটে সূচনা তাহার !

দুর্যোধন ।

কোরব-ঈশ্বর !

শুভ অস্থি তৃপ্ত এত দিনে !

ওই দেখ—

সুখাতুর কাতর নয়নে চাহে ;

ওই শুন—

‘ঋণ শোধ’—‘ঋণ শোধ’—

ঋক-কণ্ঠে উঠে ধ্বনি অবিরাম,

চারিভিতে প্রতিধ্বনি তার

করে হাহাকার !

তুমি তৃপ্ত—আমি তৃপ্ত—তৃপ্ত পিতৃলোক !

ঋণ শোধ বুলি হয় এত দিনে ।

শকুনির প্রহান

দুর্যো। তা হ’লে যুধিষ্ঠির। আর সম আসনে কেন ? যাও, রাজমুকুট

পরিত্যাগ ক’রে পঞ্চ ভাই দাস-যোগ্য স্থানে বোসো গে ।

যুধি।

ভাই, সত্য বটে,

রাজবেশে আর নাহি অধিকার ।

ভীম, অর্জুন, নকুল, সহদেব,

অনুগামী ভাই মোর ।

অর্জুন। হে অগ্রজ, তুমি যদি আজ ভৃত্য, আমরা তা হ’লে ভৃত্যের ভৃত্য ;

এই রাজমুকুট রাজবেশ পরিত্যাগ কর্ণশ্রমে ।

ভীম। দুর্যোধন ! মায়া অক্ষের ছলনায় পরাস্ত ক’রেছ বটে, কিন্তু

জেনো—ভীমের এ গদা—এ মায়া নয় ! তোমার এ দুরাচারের

প্রতিকূল আমিই দেব ।

যুধি। ভাই, সত্যবাক আমি ।

ভীম। তোমার সত্য যাই হ’ক, আমার সত্য তুমি । তুমি যার দাস হও,

আমার রাজা তুমি । তোমার অপমান আমি প্রাণ থাকতে দেখতে

পারিব না ।

অর্জুন। হে মধ্যম !

ক্রোধ কর সম্বরণ

নাহি হও বিস্মরণ

ধর্মরাজ অনুগামী মোরা ;

হিতাহিত জ্ঞান, মান অপমান,
 সুবশ সম্মান,
 জ্যেষ্ঠ-পদে সব দিছি বিসর্জন !
 মিথ্যাবাদী হবে যুধিষ্ঠির,
 চারি ভাই মোরা রহিতে জীবিত ?
 ভবিষ্যৎ বংশধর গাহিবে কুবশ,
 সত্য-ভ্রষ্ট হবে—
 জগৎ হাসিবে—
 নির্দারুণ এ কলঙ্ক
 সহিতে কি জনম মোদের ?
 কিবা ক্ষতি ?
 হব ভূতা জ্যেষ্ঠের আদেশে,
 অমুজের এই তো আচার ।

দুঃশা । যাও যাও, ভূত্যের আসনে বসগে যাও ।

দুৰ্য্যো । হাঁ হাঁ ! আর পণে বদ্ধা দ্রৌপদী তো আজ থেকে
 কোরবের দাসী । প্রতিকামী ! যাও, দ্রৌপদীকে কোরবসভায়
 নিয়ে এস ।

প্রতিকামীর প্রস্থান

ভীম । (অর্জুনের প্রতি) ইহাও সহিতে হবে ।

অর্জুন । নিয়তি-লিখন !

ধৃত । বড় বাড়াবাড়ি হ'ল, বড় বাড়াবাড়ি হ'ল । না সঞ্জয়, আর নয়,
 আমার হাত ধর, আর এখানে নয় আর এখানে নয় ; কুললক্ষ্মীর,
 অপমান ! জন্মান্ত—দেখতে হবে না, কানেই বা শুনি কেন ? সঞ্জয়,
 আমার হাত ধর—হাত ধর । পুত্রেরা নিতান্তই অবাধ্য !

সঞ্জয়ের সহিত প্রস্থান

ভীষ্ম । দুৰ্য্যোধন, এখনো কি সভায় থাকতে হবে !

দুৰ্য্যো । হাঁ হাঁ, বনুন—আপনি, আচার্য্য দ্রোণ ; এত মমতাই বা কেন ?

দ্রোণ । হে গান্ধেয় ; এই তো প্রায়শ্চিত্তের আরম্ভ, এর শেষ কোথায় ?

ভীষ্ম । অন্ন-স্বর্ণে বদ্ধ দেহ,

হে আচার্য্য,

প্রায়শ্চিত্ত হইবে সম্পূর্ণ

জীবন আছতি দানে ।

প্রতিকারীর পুনঃ প্রবেশ

দুৰ্য্যো । এ কি ! তুমি একা কেন ?

প্রতি । দেবী বল্লেন, ধর্ম্মরাজ ভিন্ন তিনি আর কারও দাসী নন, তাঁর

অনুমতি না পেলে তিনি কখনো সভায় আসবেন না ।

দুৰ্য্যো । মুর্থ, তুমি দূর হও !—বিকর্ণ, তুমি যাও, উদ্ধতা পাঞ্চালীকে

এখনি এখানে নিয়ে এস ।

বিকর্ণ । আমি এখনো বুঝতে পারছি নি, এ সভাস্থলে অভিনয় হ'চ্ছে, না

এ সব সত্য ? কুরুরাজ ! সত্যই কি আপনার বুদ্ধিব্রংশ হ'য়েছে ?

পিতামহ ভীষ্ম, আচার্য্য দ্রোণ, মহারথী কর্ণ ! আপনারা জীবিত না

মৃত ? এত বড় অত্যাচার—যা পৃথিবীর কেউ কখনো কল্পনাও

করে নি—সকলে নীরবে অহুমোদন ক'রছেন ? আমার কুলবধুকে

অস্বার্থ্যস্পষ্টা ভরত-বংশের কুলবধুকে এই নরক-ভুল্য সভায় নিয়ে

আস্ব আমি ? আর কেউ দ্রৌপদীকে আনতে যাবার পূর্বে আমি

জানতে চাই, দ্রৌপদী পণ্যা কি না—যুধিষ্ঠির তাঁকে পণ রাখতে

পারেন কি না ।

দ্রোণ । (স্বগত) ধন্য বিকর্ণ, ধন্য ! কণ্টক-বৃক্ষেও অমৃত ফল ফলে,

তুমিই তার নিদর্শন !

দুঃশা। যুধিষ্ঠির পণ রাখতে পারবেন না কেন ?

বিকর্ণ। আমি জানতে চাই, যুধিষ্ঠির তো একা দ্রৌপদীর খামী নন—

বুদ্ধিভ্রষ্ট যুধিষ্ঠির কোন্ অধিকারে ভীমার্জুনাতির বিনা সম্মতিতে
দ্রৌপদীকে পণ রাখেন।

দুঃশ্যো। বিকর্ণ, তুমি বালক, তোমার নিকট আমি উপদেশ শুনতে চাই
না, আমার আজ্ঞা পালন করবে কি না ?

বিকর্ণ। কখনই না।

দুঃশ্যো। বিকর্ণ, ভুলে যাচ্ছ যে তুমি আমার কনিষ্ঠ ?

বিকর্ণ। আমার হৃভাগ্য যে, আমি আপনার সহোদর।

দুঃশ্যো। তুমি এখনি এই সভাস্থল হ'তে দূর হও।

বিকর্ণ। এত বড় সৌভাগ্য আমার হবে, এ আমি আশা করি নি। ভীষ্ম,
দ্রোণ, যুধিষ্ঠির, আপনাদের মহিমা আপনারাই জানেন, আমি মুর্থ—
আপনাদের চরণে নমস্কার ক'রে আমি এই পাপ-সভা ত্যাগ ক'ল্লেম।

প্রস্থান

দুঃশ্যো। উত্তম, তাই হ'ক!—দুঃশাসন, তুমি যাও, দ্রৌপদীকে কেশাকর্ষণ
ক'রে নিয়ে এস।

দুঃশা। যথা আজ্ঞা।

প্রস্থান

দুঃশ্যো। অগ্নি কাষ্ঠ হ'তে জন্মগ্রহণ ক'রে কাষ্ঠকেই দগ্ধ করে, বিকর্ণের
প্রকৃতি সেই অগ্নির মতই দেখছি।

নেপথ্যে দ্রৌপদী। ছাড়্ ছাড়্ ছরাচার!

একবজ্রা নারী পুরবধু কোরবের,

সভাস্থলে নাহি লও মোরে!

ভীম। অর্জুন! অর্জুন!

অর্জুন। জ্যেষ্ঠের আদেশ।

দ্রোণ । মাধব ! মাধব ! হে মধুসূদন !
 কহ—কোন বজ্র ভীষণ এমন,
 দাসত্ব তুলনা যার ?
 কহ, পরাধীন পর-অন্নভোজী দাস,
 পরার্থে বিক্রীত দেহ—
 নর বলি' কেন পরিচিত ?
 আমি দ্রোণ যজ্ঞসুত্রধারী,
 বীরশ্রেষ্ঠ কৌরব-আচার্য্য,
 পর-আজ্ঞাবাহী দাস—
 উপহাস এ হ'তে অধিক কিবা ?
 স্বাধীন কুকুর
 শ্রেষ্ঠ দেখি পরাধীন গুরু দ্রোণ হ'তে !

দ্রোণদ্বার কেশকর্ষণপূর্বক হঃশাসনের প্রবেশ

দ্রোণদ্বী । ওগো—এত ছিল ভাগ্যে অভাগীর ।
 কোথা দিগ্বিজয়ী স্বামিগণ মোর !
 বাঃ বাঃ—
 এই যে, ভৃত্যাসনে ব'সেছ সকলে !
 কহ ধর্ম্মরাজ !
 ভাষ্যা দাসী কিবা নহে ?
 হেঁট-মুণ্ডে ব'সে আছে ভীম,
 কান্ধনী নীরব—
 সহদেব নকুল নিস্পন্দ,
 আমি পাণ্ডব-মহিষী
 সামান্য-বনিতা সম

আজি দুঃশাসন
 কেশে ধরি' করিছে দুর্গতি—
 এ সমাজে পুরুষ কি নাহি কেহ ?
 পিতামহ, গুরু দ্রোণ,
 আর আর সভাজন যত—
 কহ, নীরব কি হেতু ?
 কহ, এই কি হে পুরুষের রীতি ?
 নীতিবিদ কহ মতিমান,
 কোন্ ধর্ম্মে কোন্ শাস্ত্রে আছে এই বিধি ?
 কুললক্ষ্মী মা আমার,
 উত্তর তোমার,
 অসিমুখে শোণিত-অক্ষরে
 চিরদিন কাললিপি-পটে রবে লেখা
 অত্যাচারী নরে
 পরিণাম তার করা'তে স্মরণ ।

ভীষ্ম ।

ছুর্য্যো ! দ্রোণদী, ওখানে দাঁড়িয়ে কেন ? এস—দাসীর উপযুক্ত স্থানে
 বসবে এস । (উরু দেখাইলেন)

ভীষ্ম ।

নভঃ বরিষ অনলধারা,
 ধরাভিত্তি হ'ক স্থানচ্যুত ।
 আরে আরে কুরু-কুলঙ্গার !
 কি কহিব, সত্যে বদ্ধ, জ্যেষ্ঠ-অহুগামী ;
 কিন্তু শোন দুরাচার,
 প্রতিজ্ঞা আমার—
 পূর্ণ হ'লে কাল,
 এই গদার আঘাতে ওই উরু তব

রেণু রেণু করি' উড়াব আকাশে !

শোন দুঃশাসন !

পশু তুই,

কুলনারী-অপমান করিলি পামর,

পশু-বক্ষ তোর

বিদারিয়া নখে,

তপ্ত বক্ত সেই দিন করিব রে পান,

সেই দিন তৃপ্ত হবে প্রাণ !

জ্যোপদী ।

শোন ভীম !

দুঃশাসন ধরিয়াছে কেশে ;

এই কেশ সেই দিন করিব বন্ধন

যেই দিন তার বক্ষের শোণিত-সিক্ত-করে

তুমি—তুমি বেগী মোর করিবে সংহার ।

কর্ণ ।

আজি মনে পড়ে লক্ষ্যাবেধ,

মনে পড়ে,

“স্বতপ্তে বরিব না কভু ।”

হে ফাস্তানি,

আজি কোথা সে বীরত্ব তব ?

অর্জুন ।

শোন্—শোন্ দুরাচার,

বীরত্ব বৈভব

সমর্পণ করিয়াছি জ্যোষ্ঠের চরণে ;

কিন্তু শোন্ দুষ্ট, প্রতিজ্ঞা আমার—

ধূলি সম উড়াইব কোরবের দলে,

নিজ হস্তে পশুবৎ বধিব রে তোরে

আরে আরে স্বতবংশাধম তুই বীরকুল-প্রাণি ।

দুৰ্য্যো। নিৰ্ব্বিব ভুজঙ্গের আশ্ফালন অসহ! দুঃশাসন, পণে বিক্রীত
এই দাসীকে বিবস্ত্রা কর

ভীষ্ম, দ্রোণ। নারায়ণ! নারায়ণ!

ভীষ্ম। কহ রাজা,

এও কি দেখিতে হবে?

যুধি। কল্পনা ভীষণ!

অত্যাচারী-কল্পনা-ভীষণ!

কিন্তু তবু—

তবু ভাই, নাহি হও বিচঞ্চল।

অক্ষ-পণে যবে সত্য করিয়াছি দান,

সত্যগ্রাহী হইয়াছি যবে—

নহে কবির কল্পনা—

নহে বাক্যে নরেন্দ্রের আদর্শ সৃজন—

এই চক্ষে হইবে দেখিতে,

এই বক্ষে হইবে সহিতে,

কল্পনার অতীত পীড়ন—

পদ্মী-পুত্র সহোদর-নির্ধ্যাতন

হ'ক্ যতই ভীষণ!

শোন ভীষ্ম, শোন ভাই,

সহ—সহ বিকার-বিহীন-চিত্তে

সহ কর এই অপমান—বনিতার এ লাহুনা;

দেখিবে অচিরে

নিজ বিবে হবে অর্জরিত,

আজি যারা ব্যাভিচারী শক্তির প্রয়োগে

উৎপীড়িত করিছে মোদের!

দুর্যো। হুঃশাসন, দাঁড়িয়ে কি শুন্চ ? দাসীকে বিবস্ত্রা কর।

হুঃশা। এস বালা,
ছিল পঞ্চ স্বামী—

ষষ্ঠে কিবা ভয় ?

দ্রোপদী। এঁরা—এঁরা !

এ যে সত্য আসে হুঃশাসন !

এ কি ! কাঁপিল কি ধরা ?

নারী আমি,

বিবসনা করিবে আমারে ?

সত্যে বদ্ধ স্বামিগণ মোর

জড় সম নিষ্পন্দ দেখিবে তাহা ?

হুঃশা। নাহি চিন্তা লো সুন্দরি,

আজি নগ্ন রূপ তব দেখিবে সকলে !

দ্রোপদী। তবে—তবে—

কে রক্ষিবে রমণীর মান,

স্বামী যদি হেন বিকার-বিহীন ?

কোথা জগতের স্বামী,

কোথায় অনাথ বন্ধু

যত্নপতি অগতির গতি

দীননাথ দীনের শরণ !

কোথা নারায়ণ,

দ্রোপদীর সখা কৃষ্ণ

অবলার লজ্জা-নিবারণ !

কোথা—কত দূরে—

কোন্ অর্গে গোকুলে বৈকুণ্ঠে,

দ্বারকায় কিংবা মথুরায়,
 কোথায় হে তুমি ?
 ক্ষীণ রোদনের ধ্বনি মোর
 পশে নি কি অন্তরে তোমার ?
 কোথা হে মধুসূদন !
 নিতান্ত দুঃখিনী আমি—
 সখা—সখা—দয়া কর মোরে !

দুঃশাসন বস্ত্র আকর্ষণ করিতে লাগিল। শূন্যে শ্রীকৃষ্ণের আবির্ভাব—বস্ত্র ফুরায়
 না ; দুঃশাসন ক্লান্ত হইয়া পড়িয়া গেল। সকলে বিশ্বয়-বিস্ফারিত
 নেত্রে স্রোপদীর দিকে চাহিয়া রহিল

চতুর্থ অঙ্ক

প্রথম দৃশ্য

হস্তিনা

বিহুরের কুটীর

শ্রীকৃষ্ণ ও কুন্তী

কুন্তী। তবু ভাল, যে এত দিন পরে এ হতভাগিনীকে মনে প'ড়েছে।

শ্রীকৃষ্ণ। না, না, আর্যো ! মনে তোমরা নিয়তই আছ ! তবে অনেক দিন দেখা হয় নি, নানা কার্যে ব্যস্ত, তাই বহুকাল পরে একবার দেখতে এসেছি।

কুন্তী। কি দেখতে এসেছ ? চির-অভাগিনী আমি, রাজ-মহিষী রাজ-মাতা হ'য়ে বনে বনেই প্রায় চির-জীবন কাটল ! কিন্তু তা'তেও দুঃখ ছিল না হরি, যদি পুত্রেরা সব কাছে থাকত ! আহা, নকুল সহদেব বালক ! মাদ্রী ম'রে গেল, আমার কোলে ছেলে দু'টাকে দিয়ে ব'লে গেল—অনাথা—ভার নিও—দেখো। খুব দেখছি—খুব ভার নিয়েছি ! রাজকন্যা—রাজবধু—একবস্ত্রা—তাকে কুরুসভায় কেশে ধ'রে অপমান ক'ল্লে ; নারী আমি—পাষাণী—সব গুনলুম। তার পর সেও বনে বনে কোথায় আছে কে জানে। কৃষ্ণ ! দুঃখ এই, মৃত্যু যার শান্তি, তা'কে মৃত্যু দাও না কেন ?

শ্রীকৃষ্ণ। দেবি, তুমি যুধিষ্ঠিরের জননী হ'য়ে এই কথা ব'লছ ? ধর্মরাজ যার পুত্র, বিপদে কি তার কাতরতা শোভা পায় ? তোমার আর সখী

দ্রৌপদার জীবন চিরকাল জগতের নারীকে শেখাবে, দুঃখের জীবনে
মৃত্যুই শান্তি নয়—সহ্য করাই শান্তি ?

বিদুরের প্রবেশ

বিদুর। ওঃ, অত্যাচার তার সীমা ছাড়িয়ে উঠল।—এই যে, এই
যে ভক্তবৎসল ! কি ভাগ্য আমার, আজ তুমি এ ভিক্ষকের কুটীরে ?
শ্রীকৃষ্ণ। বিদুর ! তোমার ক্ষুদ্রের আশ্বাদ যে আজও ভুলতে পারি নি।

কিন্তু তুমি অত্যাচারের কথা কি বলছিলে ?

বিদুর। তোমাকে আর বলব কি অন্তর্যামী, তুমি কি না জান ? দুর্নতি
দুর্যোধনের আচার ব্যবহার যে ক্রমে আমার অতিষ্ঠ ক'রে তুলছে।

শ্রীকৃষ্ণ। কেন বিদুর, আবার নূতন কি হ'ল ?

কুন্তী। কুলাদার আবার কি কল্পনা ক'রেছে ? বৎস, আমার পুত্রেরা বেঁচে
আছে তো ? পাপিষ্ঠ কি আবার তাদের হত্যার ষড়যন্ত্র ক'রছে ?

বিদুর। না, পাপিষ্ঠ কল্পনা ক'রেছে, বনবাসী পাণ্ডবদের ঐশ্বর্য দেখিয়ে
পীড়া দেবে। মাৎস্যর্ষ্যের পূর্ণমূর্ত্তি দুর্যোধন, শকুনির পরামর্শে
পুরাঙ্গনাদের নিয়ে পাণ্ডবদের উগ্ৰহাস ক'রবার জন্ত যাত্রা ক'রছে।
সর্বনাশ করেও তৃপ্তি নাই। ঐশ্বর্যের মাদকতা হীন-চিত্ত দুর্যোধনকে
এমন অভিভূত ক'রেছে, সে যে মাহুয, সে কথা সে ভুলে গেছে।

শ্রীকৃষ্ণ। কেন বিদুর, এতে বিস্মিত হ'চ্ছ ? ঐশ্বর্যের ধর্মই তো এই।
যে অভাগা ঐশ্বর্যকে পরের জন্ত উৎসর্গ করে নি, তার দশা তো
চিরদিন এমনিই হ'য়ে থাকে, এ তো নূতন নয়।

কুন্তী। ওঃ ! এত দুঃখ আমার বাছাদের ভাগ্যে ছিল ! ভাগ্যের এমন
ক্ষমতা—জগতের ঈশ্বর শ্রীকৃষ্ণ, পাণ্ডবদের আত্মীয় হ'য়ে, সখা হ'য়ে,
হিতকারী হ'য়েও এই ভাগ্যের হাত থেকে তাদের নিষ্কৃতি দিতে
পারলেন না।

শ্রীকৃষ্ণ ।

ভুঞ্জে নর নিজ কৰ্ম্ম-ফল,
 জঁধর নিষ্ক্রিয় সদা !
 কৰ্ম্ম-ফলে ভাগ্যের স্বজন,
 নহে ভাগ্য কৰ্ম্ম হ'তে স্বতন্ত্র শক্তি ।
 ইচ্ছা করে কৰ্ম্মের স্বজন,
 এই ইচ্ছা সত্য স্বাধীন !
 বাসনার খেলা, রঙ্গ প্রকৃতির ;
 তাই মহামায়া
 নেত্রীরূপে সৰ্ব্ব জীবে সৰ্ব্ব বিশ্বে
 সৰ্ব্ব ভূতে সদা বিস্তারিত ।
 মুক্ত সেই,
 এই তত্ত্ব অবগত যেই জন,
 তারি হয় বাসনার নাশ,
 সেই হয় ভাগ্যের অতীত ।
 দুৰ্য্যোধন—অত্যাচারী
 তার সহজাত প্রকৃতির গুণে
 বুদ্ধিষ্টির—সুখে দুঃখে সম নির্বিকার,
 মহা তত্ত্ব শিখাইতে নরে
 জনম তাহার ।
 তুমি মাতা, তাহার জননী ।
 শোক নহে উচিত তোমার ।

বিদুর । মায়ায় ! তুমি যাই বল, আমার বিশ্বাস এ সবই তোমার
 লীলা ! বল দেব, কত দিনে বুদ্ধিষ্টির আবার মেঘমুক্ত হৃদয়ের ত্রায়
 ভারত-সিংহাসনে বসবে ?

শ্রীকৃষ্ণ । দুৰ্য্যোধনের এই বোম্বাড্রায়, বুদ্ধিষ্টির কাথের উপর সমস্ত

ফলাফল নির্ভর করছে! জেনো বিহর, দুর্ঘোষনের এ মাৎস্যের খেলা বৃথা নয়। কৌরব-সভায় দ্রোপদীর অপমানে যুধিষ্ঠিরের নিশ্চেষ্টতায়, ভীমার্জুনের আহুগতো অজ্ঞরা মনে ক'রেছে—যুধিষ্ঠির ভয়ে, নিজ অক্ষমতায় সেই অত্যাচারের প্রতিবিধান করে নি, নিরুপায় হ'য়ে সকল পীড়ন সহ্য ক'রেছে। দুর্ঘোষনের এই ঘোষণাদ্বায় যুধিষ্ঠিরের কার্যে, ব্যবহারে প্রতিপন্ন হবে, নিরুপদ্রবে সকল উৎপীড়ন সহ্য করা সব সময়ে অক্ষমতা নয়। এ নিশ্চেষ্টতায় মৃত্যুর লক্ষণ নাই, এ মহাজীবন লাভের পূর্বলক্ষণ।

কুন্তী।

অজ্ঞ নারী

পুত্র স্নেহে অন্ধ সদা,

বুঝিতে না পারি, কস্মি—কস্মফল,

ফলাফল চরণে তোমার!

কুটীরে বসিয়ে এই,

নিত্য নয়নের নীরে

সিঁদুর করি ওই তব চরণ কমল;

তুমি বন্ধু, তুমি সখা, আত্মীয় আমার,

তুমি জান ভাগ্য পাণ্ডবের,

আমি জানি তোমারে কেবল।

বিহর। মা—মা, তুমি যা জান, তুমি যা জেনেছ, তার চেয়ে জানবার আর কিছুই নেই। মহা ভাগ্যবান আমি, তাই তোমার মত জননীকে আমার এই ভগ্ন কুটীরে পেরেছিলাম, যার জন্ত আজ শ্রীকৃষ্ণ আমার দ্বারে অতিথি!

শ্রীকৃষ্ণ। বিহর, অতিথি তো বলছ, কিন্তু আঁহারের আয়োজন ক'রছ কৈ? দেবি, ছেলের কথায় আমার খাবার কথা যে ভুলে গেলে, আমি যে এখনও অদুঃখ।

বিহ্বল

গীত

দয়াময় ! বল কোথা কিবা পাব,
কি আছে আমার কি দিব তোমায় হে ।
বিনে ভক্তি হুধা, তোমার মিটিবে কি ক্ষুধা,

(ওহে ভবের ক্ষুধাহারী)

(তুমি সর্বভূতাহারী, ভকতবৎসল হে)
আমার নিত্য অনটন অনিত্য সংসার হে ॥

(কত) পায়ে ধ'রে সাধি, নিশিদিন কাঁদি,
তুমি তো চাহ না ফিরে,
(ওহে নিষ্ঠুর !)

আমার মরুভূমি প্রাণ হয়েছে শ্মশান,
তোমারি চরণ করিয়া স্মরণ কত দিন অবসান,
(তুমি তো চাহ না তিলেক)

(আমি অভাবে অভাবে করি দিন অবসান)
(তোমার ভাবের অভাবে মরুভূমি প্রাণ)

আমি ভক্তি হুধা কোথা পাব বল,
ভিখারীর ঘরে সে নিধি কোথা পাব বল,
কি আছে আমার কি দিব তোমারে হে ॥

সকলের প্রস্থান

দ্বিতীয় দৃশ্য

প্রভাস—কাম্যবন

ভীম ও যুধিষ্ঠির

ভীম ।

মহাসৈন্য সমাবেশ দেখিলাম বনে,
আসিয়াছে ঈর্ষ্যোধন চতুরঙ্গ দলে ;
হয় হস্তী রথ অগণিত
দাস দাসী রত্নের সম্ভার,

বিচিত্র বৈভব,
 বাস্তব ভাণ্ড নানাবিধ,
 শত শত পট্টবাসে আচ্ছন্ন কানন ;
 সৈন্তগণ গরজে ভীষণ,
 মহা দস্তে করে আক্ষানন !
 দেহ আচ্ছাদন নরপতি,
 যদি ভাগ্যবশে গৃহ-পাশে মিলিয়াছে অরি,
 করি' অরাতি নিধন
 বীধি আনি' দুর্যোধনে
 স্রীচরণে দিই উপহার ।
 দ্রোণদৌর অপমানে
 যেই জালা দহে অন্তস্থলে,
 আজি করি নির্বাণ তাহার ।
 শুন ভীম, কাল পূর্ণ নহে এবে,
 দ্বাদশ বৎসর হবে অতিক্রম,
 নহে বেশী দিন আর ;
 পরে অজ্ঞাত বৎসর ;
 এইরূপে ত্রয়োদশ বর্ষ গতে
 হইব উদয় লোকালয়ে পুনঃ ।
 বহুদিন স্ব-ইচ্ছায় সহিয়াছ দুঃখ
 ভাই, চাহি মুখপানে মোর
 ধর ধৈর্য্য কিছু কাল আর !

অর্জুনের প্রবেশ

অর্জুন ।

হে নরেশ,
 মিলিল সুযোগ ।

দেখিলাম দুর্ঘ্যোধন কর্ণের সহিত,
মহোপায়ে মত্ত সবে ।
আকুল গাভীর গুনি' সৈন্ত-কোলাহল,
তুণে বান হতেছে চঞ্চল ।
অহুমানি—
পতিত জ্ঞাতিরে
আসিয়াছে দেখাতে বৈভব ।
কেশরি-আবাসে ফের,
স্ব ইচ্ছায় পশিয়াছে পতঙ্গ অনলে !
কহ নররায়,
বিনা শাস্তি ফিরে যাবে দুর্ঘ্যোধন ?
শাস্তিদাতা নারায়ণ ভাই !
কাল পূর্ণ হ'লে
ভগবান্ করিবেন শাস্তির বিধান ।

যুধি ।

দ্রৌপদীর প্রবেশ

দ্রৌপদী ।

শুন শুন হইয়াছে সর্বনাশ !
প্রতিহারী দিল সমাচার—
গন্ধর্ব্ব দৈত্যর চিত্রসেন সনে
মহারণে পরাজিত কুরু-কুলাঙ্গার ।
সঙ্গে কুলাঙ্গরা
কোরব ঘরনী যত বন্দিনী তাহার,
বাধি ল'য়ে যায় সবে গন্ধর্ব্বের দেশে ;
রণে ভঙ্গ পলায় শকুনি, শল্য,
সৈন্তদল ছত্রভঙ্গ সবে,

নারীগণ হাহাকারে গগন বিদারে ;

কোরবের রাণী ভাষ্মমতী

কাঁদিয়া আকুল,

পাঠাইলা সঙ্গোপণে দূত

উপায় করিতে অরা ।

পূর্বাপর ঘটনা যেমন

শুন প্রতিহারী মুখে,

ভয়ে ভীত অহুচর শিহরে তরাসে ।

যুধি । সে কি ! কি সর্বনাশ ! দেবি, কোথায় সে প্রতিহারী ?

দ্রৌপদী । আশ্বস্ত করিয়া তারে এসেছি হেথায়

দানিতে সংবাদ ।

ভীম ।

হ'ল ভাল, গন্ধর্বে বাঁধিল,

মুটমতি দুর্ঘ্যোধনে

উপযুক্ত শাস্তি দিল ভগবান্ ।

যুধি ।

অর্জুন, কিবা উচিত এখন ?

অর্জুন ।

তুমি জান তাহা,

মোরা শুধু আজ্ঞাবহ দাস ।

যুধি ।

ভীমসেন ?

ভীম ।

দুঃশাসন বক্ষ রক্ত পান

আছে প্রতিজ্ঞা আমার ;

ভাবিতেছি—

গন্ধর্ব্ব যতপি বধে,

সে প্রতিজ্ঞা না হবে পালন ।

যুধি ।

কহ পাঞ্চাল-নন্দিনি,

যুক্তিকিবা এ সঙ্কটে !

দ্রোপদী ।

আমি নারী,
যুক্তি তর্ক নাহি জানি ।
গুণিলাম দূত-মুখে
বন্দিনী রমণী,
রাজরাণী কোরব-ঘরণী যত ।
আকুল পরাণ কঁাদিল তখনি,
বুঝিতে না পারি
কি লাঞ্ছনা আছে লেখা ভাগ্যে সবাংকার !
ধরি পায় নররায়,
উপায় যতপি থাকে করহ বিহিত,
উদ্ধার করহ সবে
হিতাহিত যুক্তিতর্ক কিছু নাহি বুঝি !

ভীম । কিন্তু দেবি, এই দুর্ঘোষনই তো তোমার লাঞ্ছনা ক'রেছিল ।

ভগবান শ্রীয্য বিচারই ক'রেছেন ; দুর্ঘোষনের মহিষী আজ গন্ধর্ব্ব
কর্তৃক লাহিত ।

দ্রোপদী ।

আমি জানি,
আমি সহিয়াছি যে লাঞ্ছনা,
জগতের কোন নারী যেন
নাহি সহে সে যাতনা আর !
আমি জানি—কি সে ব্যথা,
পুরুষ যখন দুর্ব্বল ভাবিয়া
নিপীড়িত করে রমণীরে,
করে অপমান অত্যাচার
দুর্দশা অসীম !
তাই আশঙ্কায় শিহরে অন্তর

লাজিতার অপমান স্মরি'
 নারী কঁাদে জি হেতু,
 নারী কঁাদে, নারী যাচে,
 নারী পাঠায়েছে দূত
 নারীর সকাশে,
 ভয়ে ভীতা নারী
 নিরুপায় করে হাহাকার ।
 বীর্যবান তোমরা সকলে
 অবলার আঁখি জল
 যদি না কর বারণ
 কিবা ফল পুরুষ-জনমে ?
 কিবা ফল বীরত্ব আখ্যান ?
 হে বীর-কেশরী,
 শাস্তি দিয়ে গন্ধর্ব্ব-ঈশ্বরে
 রমণীর রাখহ সম্মান ।

অর্জুন । ঠিক ব'লেছ যাজ্ঞসেনি, জ্ঞাতির দুর্দশা দেখে যে পুরুষ নিশ্চেষ্ট
 হয়ে থাকে, তার মরণই মঙ্গল । দুর্যোগ্যের মহিষী আমাদের ভ্রাতৃবধূ,
 আমরা জীবিত থাকতে ছার গন্ধর্ব্ব তার লাজনা ক'র্বে ? জ্ঞাতি—
 জ্ঞাতি ! এক গোত্র, এক ধারা, এক শোণিত । আমরা ভাইয়ে ভাইয়ে
 বিবাদ করি, যুদ্ধ করি, সে আমাদের ঘরের কথা ; কিন্তু তাই ব'লে
 পর সেই জ্ঞাতির অপমান ক'র্বে, আর আমরা তাই দাঁড়িয়ে দেখব ?
 ধর্ম্মরাজ আদেশ করুন, এখনই গন্ধর্ব্বকে তার সমুচিত শিক্ষা দিই ।

ভীম ।

অর্জুন ! অর্জুন !

কোল দে রে—কোল দে রে মোরে ।

কোরব পাণ্ডব

এক বৃক্ষে দুই শাখা
 দুই গন্ধর্ব্ব ছেদিয়ে,
 ছিন্ন বাহু করিবে মোদের
 তাও কি সম্ভব কভু ?
 দুই জানে না নিশ্চয়
 . ভীমার্জুন রয়ে হেথা
 আর তারা কৌরবের ভাই ।

বৃষি ।

তুই আমি
 হেরি উৎসাহ সবার !
 যাও পার্থ, যাও ভীমসেন,
 ত্বর্য মুক্তিদান কর দুয়োধনে ।
 ভুলে যাও পূর্ব্বের বিবাদ,
 দেখো, শূণ্য করে অপমান কোরো না তাহার ।
 মহা সমাদরে
 বহু করি কুলাঙ্গনাগণে
 দরিদ্রের এ কুটিরে আন সযতনে ।
 হে পাঞ্চালি,
 উচ্চ বাহ্য তব পুরিবে এখনি
 নাহিক সংশয় ;
 কর আরোজন ভ্রাতৃ-বধুগণে মোর
 যথোচিত করিতে সংকার ।

দ্রৌপদী । হে কৃষ্ণ ! হে দ্রৌপদীর সখা ! সভাস্থলে তুমি দ্রৌপদীর
 লজ্জা নিবারণ ক'রেছিলে, দেখো প্রভু ! যেন কৌরবরমণীগণের লজ্জা
 নিবারণ হয় ।

তৃতীয়া দৃশ্য

অঙ্গদেশ

কর্ণের উদ্যান

বৃষকেতু ও বালকগণ

বালকগণের গীত

সকলে রাজা রাজা খেলবো নতুন খেলা

দেখি পারি কি হারি ?

১ম। আমি বসুবো সিংহাসনে

২য়। হয় ভাল, কেউ যদি কোটাল হ'য়ে চোর ধরে আসে ;

৩য়। কে বল ক'রবে চুরি

৪র্থ। কাণা মাছি চোরের ধাড়ী—

৫ম। যদি ছুঁয়ে দেয় বুড়ী

৬ষ্ঠ। আমি মন্ত্রী হ'য়ে চা'লবো মাথা,

৭ম। আমি তবে ধ'রবো ছাতা

সকলে। (আমরা) সবাই যদি রাজা হই মজা হয় ভারি ।

বৃষ। কি ভাই, দিন রাত গান গাওয়া ? আমার ও ভালো লাগে না ;

তার চেয়ে আর, আমরা ব্যূহ রচনা ক'রে যুদ্ধ করি, দেখি কে
কাকে হারায় ।

২য় বালক। কে ব্যূহ রচনা ক'রবে ? আমার এখনও লক্ষ্যই ঠিক হয় নি,
আমি রচনা ক'রতে পারব না ।

৩য় বালক। আমিও না ।

বৃষ। তোদের কিছুই ক'রতে হবে না, আমি ব্যূহ রচনা করি, তোরা

দেখ! কি ব্যূহ রচনা করিব বল? মৎস্ত-ব্যূহ, ময়ূর-ব্যূহ, না চক্র-ব্যূহ?
২য় বালক। তুই পারবি?

বৃষকেতু। পারব না? এই দেখ, এই দেখ, এই এমনি করে সব
দাঁড়া, ধনুক কাঁধের উপর রাখ, তুই এই, তুই এই—আর আমি
এই মাঝখানে।

১ম বালক। এ ভাই ভাল না—তার চেয়ে আর কিছু খেল।

বৃষ। আচ্ছা বেশ, আর এক রকম খেলি তবে।

২য় বালক। কি ভাই?

বৃষ। এক জন ছুটে একটা ফল পেড়ে নিয়ে আয় তো। তুই যা ভাই।

৪র্থ বালকের প্রস্থান

৩য় বালক। ফল কি হবে ভাই?

বৃষ। এই দেখ না কেমন মজা করি।

কল লইয়া বালকের পুনঃ প্রবেশ

৪র্থ বালক। এই নে ভাই ফল।

বৃষ। দে, দে, দেখ এই ফলটা কেউ ভাই মাথায় করে রাখ (একজনকে
লইয়া) এই তুই আয়—দাঁড়া ঠিক সোজা হয়ে নড়িস্ নি—ফলটা না
পড়ে যায়—আর আমি, দেখ, তাঁর দিয়ে বিঁধে কেলি।

৪র্থ বালক। (ভয় পাইয়া) না ভাই, আমি পারবো না। যদি ভাগ
ফলকে মাথায় লাগে, যদি মরে যাই?

বৃষ। দূর, তুই বড় কাপুরুষ। মর্মেতে ভয় করিস্? আচ্ছা! তোদের
মধ্যে কে পারবে আয়, আমি এই মাথায় ফল রাখলুম। নে, তাঁর
ছোড়। লাগে আমার লাগবে।

৩য় বালক। ওরে, ওই তোর মা আসছে, আর খেলা নয়!

বৃষ। তাই তো!

পদ্মাবতীর প্রবেশ

পদ্মা। তোমরা এখনও খেলা করছ? যাও, অনেক বেলা হ'য়েছে,

স্নানাহার করগে আবার রদূর পড়লে ওবেলা খেলতে আসবে।

২য় বালক। ওরে কেতু, আমরা তবে চল্লুম ভাই।

বালকগণের প্রস্থান

বুধ। হাঁ মা, বাবা রাজা যুধিষ্ঠিরের রাজসূয় যজ্ঞের গল্প বল্লেন; আমাদের কবে যজ্ঞ হবে মা?

পদ্মা। সকলের ত রাজসূয় যজ্ঞ করতে নেই; বড় হও, বুঝতে পারবে কোন্ যজ্ঞের কে অধিকারী।

বুধ। আচার্য্য বল্লেন, মা-বাপের পা পূজোর চেয়ে বড় যজ্ঞ আর নেই; এতে অধিকারী অনধিকারী নেই, সকল ছেলেই এ যজ্ঞ করতে পারে—না মা?

পদ্মা। হাঁ বাবা।

বুধ। আচ্ছা মা, যাদের মা-বাপ নেই, তারা কি ক'রবে?

পদ্মা। বাবা, সকলের মা-বাপ ভগবান শ্রীকৃষ্ণ, তাঁর চরণ পূজা ক'রলেই মা-বাপের চরণ পূজা করা হয়। সর্ব-যজ্ঞেশ্বর শ্রীহরি—তাঁর চরণ পূজা ক'লে সকল যজ্ঞই করা হয়।

বুধ। তা হ'লে তো মা এ খুব সোজা। আর কোন যজ্ঞ না ক'রে এক শ্রীকৃষ্ণকেই পূজা ক'রলেই তো হয়? আমি বড় হ'য়ে অস্ত্র যজ্ঞ করব না। এখন রোজ তোমার আর বাবার পা পূজো ক'রবো, আর শ্রীকৃষ্ণের পা পূজো ক'রবো, তা হ'লে আর কোন যজ্ঞ ক'রতে হবে না, কেমন মা?

পদ্মা। বেঁচে থাক বাবা; এই সৎবুদ্ধি নিয়ে দীর্ঘজীবী হও।

বুধকেতুর প্রস্থান

(স্বগত) এমন ভক্তিমান পুত্র দীর্ঘজীবী হয়, তবেই না।

কর্ণের প্রবেশ

কর্ণ। অন্তরাল হ'তে বৃষকেতুর কথা শুনেছিলেম! মাতার শিক্ষায় পুত্রের ভবিষ্যৎ নিশ্চিত হয়। তোমার শিক্ষায় তোমার আদর্শ বৃষকেতু আমার বংশগৌরবকে উজ্জ্বল ক'রবে—এ ভরসা আমার আছে। আশীর্বাদ করি—বয়সের সঙ্গে সে যেন তোমার ভাগ্য লাভ করে—আমার মত দুর্ভাগ্য না হয়।

পদ্মা। কেন এ কথা বলছ নাথ?

কর্ণ। চিরদিন দুর্ভাগ্যই আমার সহচর। আমার জীবনের কথা সবই তো জান। ভাগ্য কেবল একস্থানে পরাজিত হ'য়েছে—তোমার কাছে! নইলে দেখ, শিক্ষা নিষ্ফল হ'ল, জীবন নিষ্ফল হ'ল, অপবন সঙ্গের সাথী। যুধিষ্ঠিরের রাজসূয় যজ্ঞে দানের ভার দিলে আমায়, লোকে বলে “পরধনে মুক্তহস্ত কর্ণ।”

পদ্মা। তুমি নীতিবিদ, তোমাকে আর কি ব'লব? ভাগ্যদেবী চিরদিনই ছলনাময়ী।

প্রতিহারীর প্রবেশ

প্রতি। মহারাজ ক্ষুধার্ত্ত ব্রাহ্মণ পুরে,

পারণ-প্রয়াসী তিনি।

কর্ণ। শুভ এ সংবাদ।

রাগি, পাণ্ড-অর্থ্য কর আয়োজন।

অতিথি ব্রাহ্মণ

সমাগত কৃতার্থ করিতে মোরে।

চল প্রতিহারী,

দেখি কোথায় সে দ্বিজ।

চতুর্থ দৃশ্য

প্রাসাদ-কক্ষ

মন্ত্রী ও ব্রাহ্মণ

মন্ত্রী। ব্রাহ্মণ, আপনি সিংহাসনে উপবেশন করুন। মহারাজকে সংবাদ দেওয়া হয়েছে, তিনি এখনি এসে আপনার চরণ-বন্দনা করবেন।

ব্রাহ্মণ। ক্ষুধার কাতর,
অন্ধকার নেহারি সংসার ;
ঘূর্ণ্যমান কালচক্র সম্মুখে আমার,
বুঝি আশ্বশেষ করে মোর !
উপবাসী আমি,
বিশ্বগ্রাসী ক্ষুধার প্রহার,
সহিতে না পারি আর !
কোথা গৃহস্থামী,
অপেক্ষার কতক্ষণ র'ব ?

মন্ত্রী। দেব, আর অপেক্ষা করিতে হবে না ; ঐ মহারাজ আসছেন,
এইবার আসন পরিগ্রহ করুন।

কর্ণের প্রবেশ

কর্ণ। আশুন ব্রাহ্মণ, আশুন দ্বিজশ্রেষ্ঠ, অন্তঃপুরে প্রবেশ করে অর্ঘ্য গ্রহণ করুন। আপনি কি অবগত নন, ব্রাহ্মণের পক্ষে আমার দ্বার সदा অব্যাহত ?

ব্রাহ্মণ। কথার সময় নাই,
শুষ্ক-কণ্ঠ, শুষ্ক-তাঁলু উদরে অনল,

একাদশী ব্রতধারী আমি,
 পারণের আশে
 ফিরি দ্বারে দ্বারে ;
 হেরি' মোরে
 দ্বার রুদ্ধ করে পৌরজন,
 শুধাইলে কেহ কথা নাহি কহে,
 পথশ্রমে শ্রান্তপদ ।
 হে রাজন্ !
 যদি ব্রহ্মবধে নাহি থাকে সাধ,
 কর ত্বরা সৎকারের আয়োজন !
 পাণ্ডা অর্ঘ্য ল'ব,
 করিব বিজ্ঞাম,
 অগ্রে কর অঙ্গীকার,
 বিমুখ না করিবে আমারে !'
 বিমুখ করিব তোমা ?
 ক্ষুধা-ক্লিষ্ট তুমি দ্বিজ অতিথি আমার
 সমাগত পুরে
 কৃতার্থ করিতে মোরে
 কৃপা করি' অন্নপানি করিয়া গ্রহণ
 আমি বিমুখ করিব তোমা ?
 নাহিক সঙ্কোচ,
 করহ আদেশ,
 কিবা আয়োজন করিবে এ দাস
 তব তৃপ্তি হেতু ।
 কোন্ ভোজ্যে আসক্তি তোমার ?

কর্ণ ।

- করি অঙ্গীকার
বাঞ্ছা তব এখনি পূরাব ।
- ব্রাহ্মণ । বহুদিন করি নাই আমিষ ভোজন,
বৃদ্ধ আমি,
কোমল নধর মাংসে আসক্তি আমার ।
- কর্ণ । উত্তম ।
হে দ্বিজ,
কহ কোন্ মাংসে প্রীত হবে তুমি ?
ছাগ, মৃগ কিংবা মেঘ—
- ব্রাহ্মণ । না না—অথাগ্ন সকলি ।
বহুদিন আছি হে বঞ্চিত নর-মাংস হ’তে—
স্বাস্থ্যহু নধর—
- মন্ত্রী । নর-মাংস !
- ব্রাহ্মণ । হাঁ হাঁ !
কে রে মূর্থ, বাধা দেয় মোরে ?
নর-মাংস অতি উপাদেয় !
- কর্ণ । নর-মাংস প্রিয় তব ?
- ব্রাহ্মণ । হাঁ হাঁ ।
ধরামাঝে শ্রেষ্ঠ জীব নর,
মাংস তার শ্রেষ্ঠ খাদ্য নাহিক সন্দেহ ।
নর-মাংস অভিলাষী আমি ;
হে রাজন্ !
যদি সাধ্যায়ত্ত,
কহ, রহি অপেক্ষায়—
নহে চ’লে যাই

অভুক্ত ক্ষুধার্ত আমি বিমুখ তিক্তক
মৃত্যু-ক্রোড়ে লইতে আশ্রয় ।

কর্ণ ।

না—না—

কেন যাবে বিমুখ হইয়ে,

মধ্যাহ্নে অতিথি তুমি

ক্ষুধার্ত ব্রাহ্মণ,

নদ্রমাংস স্ফুর্লভ যদি—

আমি নর

অতি ক্ষুদ্র—অতি তুচ্ছ, অনস্ত এ নরসিদ্ধ-মাঝে

বিন্দু বিধপ্রায় ;

কিবা ক্ষতি

যদি তাহা হয় লয় তোমার সৎকারে !

যদি কৃপা করি' আসিয়াছ পুরে,

তিষ্ঠ ক্ষণকাল,

বলি দিই এ জীবন সম্মুখে তোমার,

স্বপকার করুক রক্ষন

স্বখে তুমি করহ পারণ

নারায়ণ অতি পূজ্য অতিথি আমার ।

ব্রাহ্মণ ।

ভাল ভাল,

গতিরোধ করিলে আমার !

মাংসানী ব্রাহ্মণ আমি,

লবণাক্ত মাংসের আশ্বাদ

প্রলুপ্ত করিছে মোরে ;

শ্রীত আমি বাক্যে তব ;

কিন্তু—

বয়ঃপক মাংস তব নহে তো কোমল ;
কহ কিবা ফল বুধা বিনাশি' তাহারে ?

আমি চাই

নধর কোমল মাংস শিশুদেহ হ'তে ।

আহা উপাদেয়—অতি উপাদেয় ।

স্বতিমাঝে লালা ঝরে রসনায় ।

কহ, হবে কি উপায় ?

মন্ত্রী ।

মহারাজ !

কর্ণ ।

স্থির হও ;

মুখে ব্যক্ত তব অন্তরের ভাব ;

স্থির হও,

রুদ্ধ কর বাক্যের দুয়ার ।

(ব্রাহ্মণের প্রতি) দেব !

ব্রাহ্মণ ।

স্তুতিবান নাহি সাধ ;

কহ শীঘ্র, ফিরে যাব, কিম্বা রব অপেক্ষায় ?

কর্ণ ।

নর-শিশু !

ব্রাহ্মণ ।

হাঁ—হাঁ—

অষ্টম বর্ষীয় শিশু রাজ-বংশধর—

বিলাসে পালিত অঙ্গ কোমল-মসৃণ !

কর্ণ ।

এ কি প্রহেলিকা সম্মুখে আমার !

এ কি শুনি বাণী !

শিশু-মাংস-লোলুপ ব্রাহ্মণ,

কহে সত্য,

কিম্বা উপহাস করে মোরে !

কহ দেব,

সত্য তুমি দ্বিজ, কহ ক্ষুধায় কাতর,
কিছা বেশধারী, মূঢ়জনে ছলিতে এসেছ—
দেবতা গন্ধর্ব্ব কিছা মায়াধর কেহ !

ব্রাহ্মণ ।
ছলনায় নহি পটু,
ক্ষুধার্তের কোথায় ছলনা ?
চাতুরী কি সাজে তারে,
যেই জন ক্ষুধার ব্যথায়
অক্লকার নেহারে ভুবন,
মৃত্যু যার সম্মুখে দাঁড়ায় ?

কর্ণ ।
কিন্তু ক্ষমা কর দেব,
কোথা পাব অষ্টম-বর্ষীয় শিশু রাজ-বংশধর ?

ব্রাহ্মণ ।
গুনিয়াছি পুত্রবান্ তুমি ।

মন্ত্রী ।
মহারাজ ! মহারাজ !
নহে দ্বিজ, রাক্ষস নিশ্চয় !

কর্ণ ।
নির্বোধ অজ্ঞান,
রসনা সংযত কর !
ভেবেছ কি
হেন মায়াধর আছে কেহ তিন পুরে,
কর্ণের সম্মুখে ঘাচে বংশধর তার,
ক্ষুধার নিবৃত্তি হেতু ?
সত্য দ্বিজ তুমি নাহিক সন্দেহ ;
বিশ্বনাশী এই ক্ষুধা
একমাত্র তোমাতে সম্ভব ।
বুঝিয়াছি ইদ্রিত তোমার
পুত্রবান্ বটে আমি !

হে ব্রাহ্মণ, করাব পারণ,
 আশীর্বাদে তব
 জ্ঞানহারা কোরো না আমারে
 যতক্ষণ অভীষ্ট তোমার না হয় পূরণ ।

ব্রাহ্মণ । সাধু ! সাধু !
 আশ্রয় হইল আমি গুনি' সঙ্কল্প তোমার ।
 কিন্তু হে রাজন,
 আছে পারণের সামান্য নিয়ম ।

কর্ণ । অসামান্য করুণা তোমার,
 সামান্তে কি আসে যায় ?
 কহ কি নিয়ম ?

ব্রাহ্মণ । তুমি আর মহিষী তোমার
 করাতে কাটিবে তনয়ের শির,
 হস্তমুখ,
 বিন্দু অশ্রু ঝরিবে না নয়নে কাহারো
 তবে সিদ্ধ হবে সেই বলি ;
 পরে স্পর্শ করিবে রন্ধন,
 আনন্দে পারণ করিব ক্ষুধার্ত আমি ।

কর্ণ । (স্বগত) প্রার্থী যেরূপ করিবে প্রার্থনা,
 বিমুখ না করিব তাহারে !
 হৃদি-বৃত্তি, স্নেহ মায়া মমতা করুণা,
 অশ্রুধারা হৃদয় কম্পন,
 কিছু আর নহে তো আমার—
 বিসর্জন দিয়াছি সকলি
 কোন্ দূর অতীত সায়াহ্নে

সাক্ষী করি' তোমারে ব্রাহ্মণ !
 আজ দেখি, সে প্রতিজ্ঞা
 ধরি' দ্বিজের আকার
 আসিয়াছে পরীক্ষিতে মোরে ।
 একদিকে, আত্ম হ'তে উদ্ধৃতসন্তান
 আত্মজ আমার
 এই হৃদয়ের শোণিত-আধার ;
 অতৃদিকে—
 জীবনের সার মহাসত্য,
 অক্ষরে প্রত্যক্ষ ব্রহ্ম অক্ষয় অব্যয় !
 কারে রাখি,
 কারে করি বিসর্জন ?
 (প্রকাণ্ডে) হে ব্রাহ্মণ !
 এস, কর বিশ্রাম গ্রহণ,
 মহাভাগ্যবান আমি—
 আজি তোমা করাব পাষণ !

কর্ণ ও ব্রাহ্মণের প্রস্থান

মন্ত্রী ।

নাহি জানি কে মায়াবী দ্বিজ-বেশধারী
 আসিয়াছে অনর্থ বাধাতে আজি !
 পিতা মাতা স্বহস্তে বধিবে
 তনয়ে আপন—
 শুনি নি ক'খনো !
 মহাপাপ বুঝি আজ ঘেরিল মেদিনী !
 আচ্ছন্ন ভূপতি,

জ্ঞানহীন উন্নতের প্রায়
পুত্রবধে হইল সম্মত
দেখি পুত্রঘাতী স্পর্শে মহাপাপ ।

এহান

শত্রু মদুশ্য

কর্ণের অন্তঃপুর

কর্ণ ও পদ্মা

পদ্মা । পুত্র বলি ! নিজ হস্তে ?
কর্ণ । নিজ হস্তে :
তুমি—আমি—জনক-জননী ।
পদ্মা । সত্য দ্বিজ ?
কর্ণ । দ্বিজ কিম্বা নহে দ্বিজ কিবা আসে যায়,
সত্য বাক্য—
সত্য প্রতিজ্ঞা মোদের ।
পদ্মা । কিন্তু আমি—
কর্ণ । নাহি কিন্তু,
নাহি বিচার বিতর্ক ।
পদ্মা । বুঝকেতু !

বুঝকেতুর প্রবেশ

বুঝ । কেন মা ?
পদ্মা । না—না,
ডাকি নাই তোরে ।
পালাও পালাও দূরে,

- ধরণীর সীমান্ত-প্রদেশে,
যেথা সত্যে বন্ধ নহে পিতা,
মাতা নহে পুত্রহস্তা-স্বামী-অহুগামী !
কর্ণ । রানি, বিন্দু-অশ্রু না ঝরিবে
নয়নে কাহারো ।
- পদ্মা । ভগবান !
কেন পুত্রবতী ক'রেছিলে মোরে ?
কর্ণ । ও কি ?
কাঁপিবে না মাংসপেশী অন্তর চরণ,
শুদ্ধ চক্ষু—কঠোর করাল,
অবিকৃত নয়ন বদন ।
- বৃষ । কেন মা, কেন বাবা, আপনারা অমন ক'চ্ছেন ?
পদ্মা । জগতের আদি দিন হ'তে
ভূ-ভারতে শোনে নাই কেহ
হেন অসঙ্গত কার্য্য বিপরীত !
পশু শুনি' আতঙ্কে কাঁপিবে,
ব্যাত্তী শিহরিবে,
নিবিড় গহনে সিংহিনী লুকাবে ডবে,
রক্ত-তৃষা ভুলিবে রাক্ষসী,
উন্মাদ কাঁদিবে,
স্রষ্টি মুছে যাবে,
বক্ষ্যা হবে স্তম্ভিতা যেদিনী—
জননী যতপি হয় সন্তান-বাতিনী !
না—না—অসম্ভব ।
কোথা পুত্র ?

কোথা বৃষকেতু ?

আয় বাপ বক্ষমাঝে—

মাতৃ-বক্ষ সন্তানের চির-নিরাপদ

আনন্দ আশ্রয়।

বৃষকেতুকে বক্ষে ধারণ

বৃষ।

মা মা !

পদ্মা।

বল্ বল্, জুড়াক জীবন !

পুত্রমুখে এ কি সম্বোধন !

মা—মা—একাঙ্কর বাণী—

স্বধার নিবারণ,

মা—মা

ভাঙ্গা ভাঙ্গা আধ আধ স্বরে,

একেবারে পুঞ্জিভূত জগতের সমস্ত সঙ্গীত !

মা—মা

এই স্ফুরিত অধরে

মা—মা—

কৈশোরে যৌবনে—

পরিণত বার্কাক্য বয়সে

সমস্তরে বাঁধা স্তর মধুর—মধুর—

বল্ বল্ আরবার ;

শুনিতে শুনিতে

হই লয় সমাধির কোলে,

চেতনা বিলুপ্ত হ'ক মহা সন্ধিক্ষণে।

কর্ণ।

রাণি !

নাহি হও সংজ্ঞাহীন,

জেনো—সত্যাধীন মোরা
পদ্মা । কিন্তু মহারাজ,
জ্ঞান নহে অধীন আমার—
পুত্রস্নেহে বন্দি নী অধীনা ।

(নেপথ্যে ব্রাহ্মণ) কহ রাজা,
কতক্ষণ র'ব অপেক্ষায় ?
পারনের বেলা ব'য়ে যায় ।

কর্ণ । দেব !
রহ ক্ষণ, আমিও প্রস্তুত—
বৎস !

বৃষ । কেন বাবা !
পদ্মা । হ'ক জিহ্বা পাষাণে গঠিত,
পক্ষাঘাতে জড়পিণ্ডে পরিণত হ'ক
উভয়ের দেহ,

মৃত্যু যদি কৃপা নাহি করে ।
কর্ণ । রাগি, শোন নি নিষেধ ।
স্ব-ইচ্ছায় আত্ম-সমর্পণ ক'রেছিলে তুমি
প'রেছিলে সত্যের শৃঙ্খল,
নহে সে কথার কথা ।
সেই দিন হ'তে
মৃত্যু সম এ সংসারে করিতেছ বাস—
অতিথিনী পরগৃহ-মাঝে,
সত্যে বদ্ধ পাষণ্ড বিগ্রহ—
পরপুত্রে আদরে হ্রয়ে ধরি' !
আজি পরীক্ষার দিনে

কেন ভোল সেই কথা !

আমিই বলিব—

আমি বলি দিব—

তুমি সহমৃত্যু সঙ্গিনী আমার,

বাঁধ বুক, হও দৃঢ়,

জেনো সত্য ভগবান—

যদি রাখি সত্য, রাখি সব,

নহে এ সংসার ধ্বংসের আগার,

প্রয়োজন নাহি কিছু তার ।

শুন বৎস, শুন বৃষকেতু !

সত্যে বদ্ধ ব্রাহ্মণের ঠাই,

বলি দিব তোমা ক্ষুধার্তের তৃপ্তি হেতু ।

পুত্র, ঋণে মুক্ত কর আমাদের ।

বৃষ । মা, এই ভব তুমি কাতর হ'য়েছ ? ক্ষুধার্ত ব্রাহ্মণের তৃপ্তির জন্ত

আমি বলি হ'ব, এ তো আনন্দের কথা ।

ব্রাহ্মণের প্রবেশ

ব্রাহ্মণ । কৈ মহারাজ, আর বিলম্ব কত ? আমি অপেক্ষা করিতে পারব

না, ক্ষুধার তাড়নায় অস্থির হ'য়ে উঠেছি । আমার সামনেই বলি

দাও । কৈ ? এই ছেলেটা ? বাঃ বাঃ ! দিব্য কাস্তি !

বৃষ । ব্রাহ্মণ, প্রণাম ! আপনিই ক্ষুধার্ত ? একটু অপেক্ষা করুন ।

আমুন পিতা, আমায় বলি দিন ।

ব্রাহ্মণ । শুধু পিতা না, মা বাপে দু'ভনে কাটাব—আমার সামনে—

আমি দেখে—চোখে যেন এতটুকু জল না পড়ে । সত্যপ্রিয়ীর পণ,

আমিই তার সাক্ষী ।

পদ্মা । হে ব্রাহ্মণ !
 ধরি পায়,
 আগে বলি দেহ মোরে,
 পরে কোরো যেবা অভিকৃতি তব ।

ব্রাহ্মণ । তাও কি হয় ? তোমার স্বামী যে সত্য ক'রেছেন—তাও কি হয় ?

পদ্মা । হে দেবদেব মহাদেব !
 হে নারায়ণ ! হে ব্রাহ্মণ !
 সত্য যে গো নিশ্চয় এমন
 আগে তো বুঝি নি,
 দীনা জ্ঞানহীনা,
 কর পার মহা পরীক্ষায় ।
 না জানি উপায়
 আঁধি নীর করিতে নিরোধ !
 কহ স্বামি, কিবা আজ্ঞা তব ?

কর্ণ । আজ্ঞা মম লেখা অসি ধারে ।
 দৌবারিক দেহ অস্ত্র ।
 পুত্র !

বৃষ । পিতা, আমি তো প্রস্তুত ।
 দৌবারিক কর্তৃক অস্ত্র প্রদান

ব্রাহ্মণ । বৃষকেতু, এই আসনে বসো । রাজা, রাণী, আর বিলম্ব কেন ?
 অস্ত্র ধর ।

বৃষ । মা, কিছু দুঃখ করো না, আমার এতটুকু লাগবে না ; আমি মনে
 মনে তোমার আর বাবার চরণ ধ্যান করি, আর তোমরা আমার
 কাটো । শ্রীকৃষ্ণের চরণ তো ধ্যান করিতে পারবো না, কখনও তো
 শ্রীকৃষ্ণের চরণ দেখি নি ।

কর্ণ। রাগি !

পদ্মা। জ্ঞানহীনা হইনি এথনো—

প্রভু, আমিও প্রস্তুত !

কর্ণ। নারায়ণ !

পদ্মা। স্বামী !

উভয়ে কাটিতে লাগিলেন, সহসা ব্রাহ্মণ অন্তর্হিত হইলেন

দৈববাণী। সত্য মাত্র আহার আমার !

বহুদিন ছিছু উপবাসী

আজি পরিতৃপ্ত ক্ষুধা,

ক্ষুধাপানে আনন্দ বিস্তার,

ধন্য কর্ণ, ধন্য পদ্মাবতী !

সার্থক জীবন—এ সংসারে সত্যপ্রিয়ী আদর্শ দম্পতি,

সত্য-পাশে বেঁধেছ আমারে।

বৎস বুঝকেতু ! দেখ নাই শ্রীকৃষ্ণ চরণ,

দেখ কৃষ্ণমूर्তি সম্মুখে তোমার।

কর্ণ। এ কি !

শ্রীকৃষ্ণের হাত ধরিয়া বুঝকেতুর প্রবেশ

বুঝ। মা ! মা ! কে এসেছে দেখ।

পদ্মা। বাবা ! বাবা ! (বক্ষে ধারণ)

শ্রীকৃষ্ণ। ইন্দ্রপ্রস্থ হ'তে মথুরায় ফেরবার পথে একবার তোমার এখানে

অতিথি হ'তে এলেম।

উভয়ে। দয়াময়, তোমার এত করুণা !

শ্রীকৃষ্ণ। তোমরা যে সত্যে আমার বদ্ধ ক'রেছ, আমি যে দাতা-কর্ণের

সখা। আহারের উদ্যোগ ক'রবে চল, সত্যই আমি ক্ষুধার্ত।

সকলের প্রস্থান

পঞ্চম অঙ্ক

প্রথম দৃশ্য

শবাচ্ছন্ন রণস্থল

ভৈরব ও ভৈরবী

গীত

রবি শশী ডোবে শোণিত সাগরে, রুধিরে ভাসিছে ধরা

প্রলয় ধুম ছেয়েছে গগন, গরজে পবন আগহারা ॥

কেরে অট্ট অট্ট হাসে ?

কাপে নিখিল ভুবন ত্রাসে,

নাচে মহাকাল—ফেরে ক্ষেপণাল

ভৈরবী ভীমা হৃদয়ে ঘন রুধির তৃষা মাতোয়ারা ॥

উভয়ের প্রস্থান

দ্বিতীয় দৃশ্য

হস্তিনা

ধৃতরাষ্ট্র ও সঞ্জয়

ধৃত। সঞ্জয়! দিক্‌হন্তী গর্জ্জন ক'রছে কেন? কুলবধুরা হঠাৎ কেঁদে
উঠলো কেন? আমার সিংহাসন কাঁপছে কেন? অকালে বজ্রপাত
হ'ল কেন? দুর্যোধন ভূমিষ্ঠ হ'য়ে রানভের ত্রায় চাঁৎকার ক'রেছিল,
আজ আবার সেই চাঁৎকার-ধ্বনি হ'চ্ছে কেন? পৃথিবীর সমস্ত
অমঙ্গল একসঙ্গে দেখা দিয়েছে? আজ কি তার ধ্বংস আসন্ন?

সঞ্জয়। হে অর্থা! পৃথিবীর ধ্বংস আসন্ন নয়। জড়িত রসনা—কি ব'লব—আজ আচার্য্য দ্রোণ, অর্জুনের শরে ভূমিশয্যা গ্রহণ ক'রেছেন।

ধৃত। আচার্য্য দ্রোণও আমাদের ত্যাগ ক'রে গেলেন? জ্যেষ্ঠতাত ভীষ্ম ষাঁর সমকক্ষ বীর তিনলোকে কেউ ছিল না—তিনি শরশয্যায় ইচ্ছায় মৃত্যুকে বরণ ক'রে নিলেন। আচার্য্য দ্রোণ—মহামুনি জামদগ্ন্যার শিষ্য—তিনিও হত? সঞ্জয়! সঞ্জয়! আমায় একবার রণক্ষেত্রে নিয়ে যেতে পার? অন্ধ—দেখতে পাব না—একবার স্পর্শ ক'রে অনুভব ক'রে আসি, মৈনাক কেমন ক'রে শোণিত সাগরে আত্ম-গোপন ক'রেছে!

সঞ্জয়। হে মহাভাগ! স্থির হ'ন। যুদ্ধে জয়-পরাজয়ে ক্ষত্রিয়ের তো সম উল্লাস, তবে আপনি বিচলিত হ'চ্ছেন কেন?

ধৃত। সঞ্জয়! সব জানি, সব বুঝি—কিন্তু তবু—শত পুত্রের পিতা আমি—আমাকে কি বড়ই বিচলিত দেখছ?

সঞ্জয়। হাঁ দেব!

ধৃত। আবরণ দিয়ে রেখেছিলেম। ক্ষুদ্র সাগর বিচলিত আজ হয় নি, বহু—বহুপূর্বে এ সাগরে তরঙ্গ উঠেছে। কাউকে জানতে দিই নি বুঝতে দিই নি! কুলক্ষয়ের দুর্কিসহ দৃশ্য আমার অন্ধ চক্ষুকে প্রভাবিত ক'রতে পারে নি।

সঞ্জয়। মতিমান! কেন বৃথা কুলক্ষয়ের আশঙ্কা ক'রছেন? এই তো যুদ্ধের প্রারম্ভ; এখনও ত কৌরবেরা হীনবল নয়।

ধৃত। সঞ্জয়! আশঙ্কা বৃথা নয়, তোমার সাঙ্ঘনা বৃথা। আর কেউ জানে কি না ব'লতে পারি না, কিন্তু আমি জানি—শত পুত্রের শোক নিয়ে আমাকে আর গাফরাঁকে বেঁচে থাকতে হবে। যে দিন দুর্ঘোষন জয়গ্রহণ ক'রেছে, সেই দিন আমি জানি—পুত্র আমার

কুলনাশন! যে দিন থেকে দুৰ্য্যোধন পঞ্চ-পাণ্ডবের উপর ঈর্ষা পোষণ ক'রেছে, সেই দিন থেকেই জানি আমার বংশনাশ নিশ্চিত। দুৰ্য্যোধন বুঝতে পারে নি, আমি বুঝতে পেরেছিলেম—যে দিন সে জতুগৃহে আগুন দিয়েছে, সেই দিনই কুরু-বৃক্ষের মূলে অগ্নি প্রবেশ ক'রেছে। অস্ত্র-পরীক্ষায় যে দিন আমার পুত্রের সহিত কর্ণের মিলন হ'য়েছে, আমি সেই দিন থেকে জানি—কোরবের ধ্বংস অনিবার্য।

সঞ্জয়। সবই বিধিলিপি।

ধৃত। বিধিলিপি? কখনও নয়। বিধিলিপি ত অজ্ঞেয়; কিন্তু আমি দিব্য চক্ষে সেই দিনই দেখেছিলেম, আমার শতপুত্র মৃত্যুর ক্রোড়ে সেই দিনই আশ্রয় নিয়েছে, যেদিন শকুনি কপট অক্ষকৌড়ায় ধর্ম্মাত্মা যুধিষ্ঠিরের সর্বস্ব অপহরণ ক'রেছে। যেদিন কোরব-সভায় আমার কুলবধু দ্রৌপদীকে আমারি পুত্র দুঃশাসন কেশাকর্ষণ ক'রে বিবস্ত্রা ক'রতে গিয়েছিল, আমি সেইদিনই বুঝেছিলেম, সমস্ত দেবতার রোষবহি আমার মহাবংশকে ধ্বংস ক'রবার জন্ত প্রজ্জ্বলিত হ'য়ে উঠেছে। যদুপতি ত্রীকৃষ্ণ পাণ্ডবদের দূত হ'য়ে যেদিন আমার পুত্রের নিকট পঞ্চ পাণ্ডবের জন্ত পাঁচখানি মাত্র গ্রাম ভিক্ষা ক'রতে এসেছিলেন, আর তার উত্তরে, দুই মস্তুর পরামর্শে দুৰ্য্যোধন দূতের অপমান ক'রে ভগবানকে বাধতে গিয়েছিল—আমি সেইদিনই জানি ভীষ্ম, দ্রোণ, কৃপ, কর্ণ, দুৰ্য্যোধন, দুঃশাসন সকলে মৃতের জায় অবস্থান ক'রছে!

বিদ্রূপ ও দুৰ্য্যোধনের প্রবেশ

দুৰ্য্যো।

হে পিতৃব্য! বুঝা অমরোদ্য,

দুর্বার প্রতিজ্ঞা মোর,

যতক্ষণ দেহে রবে প্রাণ—

মৃত্যুগ্র মেদিনী নাহি দিব পাণ্ডবেরে কভু ।

হ'ন শ্রীকৃষ্ণ সহায়,

কিবা ক্ষতি তায় ?

ক্ষত্র-ক্ষেত্রে জন্ম মোর,

মহামানী আমি দুৰ্য্যোধন,

পিতা মোর কৌরব-ঈশ্বর,

মৃত্যুভয়ে সন্ধি করিব হে আমি—

বাতুলের এ কল্পনা !

ছিল প্রাণ, নহে রণক্ষেত্রে করিব শয়ন—

জন্ম মৃত্যু সমান আমার !

ধৃত । কে ? দুৰ্য্যোধন ? সঙ্গে কে ? বিহর ? আর কে ?

বিহর । হে জ্যেষ্ঠ, আপনি এখনো দুৰ্য্যোধনকে নিবৃত্ত করুন । আজ

আচার্য্য দ্রোণের পতনে সৈন্তেরা সকলেই নিরুৎসাহ হ'য়েছে । এ

কাল যুদ্ধে আর প্রয়োজন নাই ।

ধৃত । বিহর ! কালের গতি পরিবর্তন ক'রতে মহাকালও পারেন না—

তুমি আমি কোন ছার !

দুৰ্য্যো । পিতা, নিরুৎসাহ হবেন না । কপট-সময়ে পিতামহ ভীষ্মকে বধ

ক'রে পাণ্ডবদের এত উল্লাস ! ধর্ম্মাত্মা যুধিষ্ঠির মিথ্যার আশ্রয় নিয়ে

আচার্য্য দ্রোণকে বধ ক'রেছে, তাই পাণ্ডবদের এত উল্লাস । কিন্তু

এবার কপটতা আর মিথ্যার আবরণ পাণ্ডবদের রক্ষা ক'রতে পারবে

না ! আমি কর্ণকে কুরুসৈন্তের সেনাপতি ক'রেছি । আর মমতা

নেই, স্নেহের বন্ধন নেই, এবার দেখ'ব, কি কৌশলে শ্রীকৃষ্ণ পাণ্ডবদের

রক্ষা করেন । আমি মহারাজ শল্যের শিবিরে যাই, তাঁকেই কর্ণের

সারথি হ'তে হ'বে ।

দুৰ্য্যোধনের প্রস্থান

ধৃত । হৃষ্যোধন চ'লে গেল ? বিহুর কি এখনো অপেক্ষা ক'রছে ?

বিহুর । অনুমতি করুন ।

ধৃত । আর কত দিন ?

বিহুর । আমায় আর জিজ্ঞাসা করছেন কেন ? আপনার অগোচর
কি আছে ?

ধৃত । বলতে পার, কত জনের কর্মফলে এই শান্তি ? এই পুত্র হৃষ্যোধন
আর তার উনশত ভাই, কেউ থাকবে না, তবু আমাকে বেঁচে
থাকতে হবে ।

বিহুর । হে জ্যেষ্ঠ ! আজ আমি আপনার নিকট বিদায় নিতে এসেছি ।

ধৃত । বুঝেছি বিহুর কুলনাশ স্বচক্ষে দেখবে না ব'লে বিদায় চাচ্ছে । কিন্তু
ভাই, বিদায় ত তোমায় সেই দিনই দিয়েছি, যে দিন দ্যুত-সভায়
হৃষ্যোধন তোমায় তাড়িয়ে দিয়েছিল, আর আমি তা নিবারণ করি নি ।
কোথায় যাবে ?

বিহুর । মহর্ষি ব্যাসের আশ্রমে, আর সংসারে নয় ।

ধৃত । বেশ তাই যাও ; তোমার কুটীরাত্মে একটু স্থান রেখো—আমি
আর গান্ধারী সত্বরই তোমার অতিথি হ'ব । ভাই, ভাই, শত্রুপুরীতে
আমার একমাত্র আত্মীয় ভাই ! অভিমানে কখনো আমার অন্নগ্রহণ
কর নি, কিন্তু চিরদিনই আমার মঙ্গল কামনা ক'রেছ, তোমায় বিদায়
দেব—পুত্র-শোকেরই মত এ বিদায়ে আমার বুক ভেঙ্গে যাচ্ছে ! ভাই,
যাবার পূর্বে একবার আমার বুক এস ।

বিহুর । দাদা, আমার স্থান আপনার চরণ তলে !

তৃতীয় দৃশ্য

পাণ্ডব-শিবির

শ্রীকৃষ্ণ ও অর্জুন

অর্জুন ।

ধিক্ ধিক্ জীবনে আমার
ছার রাজ্য, ছার সিংহাসন
করিলাম গুরু-বধ শেষে !
ছিল যার পুত্রাধিক স্নেহ মম প্রতি,
পুত্রশোকে দরবিগলিত ধারা
জ্ঞানহারা সেই গুরু মোর
অজ্ঞেয় ভুবনে,
হিমাদ্রির সম
অচল অটল স্থির রণসিদ্ধ মাঝে,
মাৎস্য-তাড়নে
হানিলাম পুনঃ পুনঃ বাণ
দেব-অঙ্গে তাঁর ।
ষট্‌পতি !
কহ,
কত দিনে হবে এই যুদ্ধ অবসান ?
মহাপাপে মুক্ত হ'ব আমি ?
হে কৌন্তেয় !
পুনঃ কেন অজ্ঞানের সম এই শোক ?
কেন অহঙ্কারে ভাব

শ্রীকৃষ্ণ ।

তুমি বধিয়াছ দ্রোণে ?
 মহাকাল করে মহামার,
 তুমি নিমিত্ত কারণ তার ।
 ধর্মক্ষেত্রে কুরুক্ষেত্রে কহিয়াছি তোমা
 ধর্মের নিগূঢ় তত্ত্ব ।
 তবু শোকমগ্ন কেন,
 কেন বীর অধার এমন ?

অর্জুন ।

দুর্বল হৃদয়,
 বিচিত্র গঠন তার,
 বিবেক বিহ্বল দেখি হৃদয়ের কাছে ।
 স্তন হৃদ্যাকেশ,
 হৃৎ স্তন যতই কঠোর,
 পদে পদে পরাজিত তাহা
 অন্তরের সামান্য আঘাতে ।
 শোক বল কেমনে নিবারি ?

ভীমের প্রবেশ

ভীম ।

হে মাধব !
 মহোল্লাস শুনিলাম বিপক্ষ-শিবিরে,
 মহা আশ্চর্য্য করে কৌরবীয় চম্—
 কর্ণ হ'ল সেনাপতি রণে !
 দামামা-নির্বোধে
 স্মৃত-বংশাধম-
 সৈন্ত-মাঝে করিছে প্রচার—
 কালি রণে বধিবে পাণ্ডবে !

হ'ল ভাল—

পিতামহ ভীষ্মদেব, গুরু দ্রোণ,
আছিলেন নায়ক যখন,
মমতায় করিয়াছি রণ ;
এবে কর্ণ সেনাপতি,
প্রাণ ভরি' মিটাইব রণতৃষ্ণা মম ।

রে অৰ্জুন !

কেন গ্লান ?

কেন হেরি নিরুৎসাহ তোমা ?

শ্রীকৃষ্ণ । আচার্য্যের মৃত্যুতে অৰ্জুন শোকে কাতর হ'য়েছেন ।

ভীম । এ তো শোকের সময় নয় । বৈরী আশ্ফালন ক'রছে, আর আমরা
শোক ক'রব ? শোক ক'রব—যখন কুরুপক্ষের কেউ থাকবে না ।
তখন শতভাই দুৰ্য্যোধন, ভীষ্ম, দ্রোণ সকলেরই জন্ত শোক ক'রব—
এখন নয় । আশ্চর্য্য ! অৰ্জুন দ্যুত-সভার প্রতিজ্ঞা কি এর মধ্যে
ভুলে গেলে ?

অৰ্জুন ।

ভুলি নাই,

আছে হৃদয়ের স্তরে স্তরে লেখা—

জ্যেষ্ঠের লাঞ্ছনা,

পাঞ্চালীর অপমান

অগ্নির অক্ষরে

তবু ভাই বিকল অন্তর,

গুরু-হস্তা আমি !

ভীম ।

গুরুশোক করিব হে রণ-অবসানে ।

শ্রীকৃষ্ণ ।

এই তো বীরের কথা !

যুদ্ধ অস্ত্রে ক্ষত্র করে শোক,

হাসিমুখে পুত্রে দেব বলি,
হৃদয়ে পামণ বারি' ।
কত্রিয়ের শোক ফুটে অসিমুখে !
হত অভিমত্যা—
তবু আছি স্থির অশ্ব-রজ্জু ধরি' !
আধি নীর শুষ্ক সব সমর উত্তাপে ।
সপ্তরথী মারিয়াছে অভিমতে মোর—
হে মাধব, ভাল কথা করা'লে স্মরণ ।

অর্জুন ।

ব্যহমুখে ছিল জয়দ্রথ,
আজি পরপারে করিছে বিশ্রাম !
সপ্তরথী মাঝে কর্ণ একজন—
ভাল কথা করা'লে স্মরণ ।
হে মধ্যম !

কোথা রাজা ? কোথা যুধিষ্ঠির ?
দামামা নির্ধোষে
ছুষ্ট দুৰ্য্যোধন প্রকাশে উল্লাস,
শত বজ্রে কর আবাহন—
উঠুক গজিয়া সপ্ত সমুদ্রের বারি—
মহারোলে হুকারি' পবন করুক প্রচার—
কালি রণে কর্ণবধ প্রতিজ্ঞা আমার !

শ্রীকৃষ্ণ ।

যাও দুই ভাই,
দেখ কোথা জ্যেষ্ঠ যুধিষ্ঠির ।
অতি গ্লান গুরু-বধে তিনি,
অহুমানি, নির্জনে করেন খেদ ।
শোক-অগ্নি তাঁর করিব নির্বাণ

ভীর ।

দুঃশাসন বন্ধ-রক্ত ঢালি'—

এস ভাই।

ভীম ও অর্জুনের প্রস্থান

শ্রীকৃষ্ণ। ভারত-যুদ্ধে অস্ত্র ধারণ ক'রব না ; কিন্তু সমস্ত অস্ত্রের ধার-মুখে আমি। অর্জুন প্রতিজ্ঞা ক'রলে, কর্ণ বধ ক'রব ; কিন্তু কর্ণ তো সামান্য বীর নন। সহজাত কবচ-কুণ্ডলধারী জামদগ্ন্য-শিষ্য কর্ণকে বধ ক'রতে দেবতারাও পারেন কিনা সন্দেহ। অর্জুনের পক্ষে একা কর্ণ বধ অসম্ভব। আর যদিও অর্জুন কোনরূপে কর্ণের শৌর্য্য সহ্য ক'রতে পারে—যুধিষ্ঠির, ভীম, নকুল, সহদেব অগ্নিমুখে তুণের মত কর্ণের শরানলে দগ্ধ হবে। যদি তাই হয়, তা হ'লে আমার এই ভারত-যুদ্ধের আয়োজন, সবই তো পণ্ড !

কুন্তীর প্রবেশ

শ্রীকৃষ্ণ। কহ মাতা,
কিবা প্রয়োজনে আগমন হেথা তব ?
গুহু মুখ, ভয়ে ভীত সঙ্কুচিত গতি,
মহারণে পড়িয়াছে দ্রোণ,
পুত্রগণ বিজয়ী তোমার,
তবে কেন নিরানন্দ হেরি ?

কুন্তী। শুনি অন্তর্যামী তুমি।
যদি সত্য অন্তর্যামী,
অস্ত্রের ভাষা মোর বুঝহ আত্মাষে।
বুঝ কি বেদনা তার
যেই নারী পুত্রের জননী !

শ্রীকৃষ্ণ। কিন্তু মাতা,

কুন্তী ।

পুত্রগণ নহেক সামান্য তব,
তবে কি হেতু কাতর ?
যদি বুঝিয়া না থাক,
হ'তে পারে তুমি ভগবান,
কিন্তু অনিশ্চয়—নহ অন্তর্ধামী কতু ।
পুত্রগণ বিজয়ী আমার
নাহিক সন্দেহ ;
কিন্তু কৃষ্ণ !

কালি রণে ভ্রাতৃবৃন্দে মাতিবে মেদিনী,
সহোদর, সহোদর-বধে তুলিবে কৃপাণ,
আমি কুন্তী জননী পুত্রের—
নিরুদ্বেগে দেখিব সে রাক্ষসীয় লীলা ?
কহ, নারী ব'লে
সহেরও কি নাহি সীমা মোর ?

শ্রীকৃষ্ণ ।

মাতা,
এতদিন কথা কর নি প্রকাশ
আজি যদি কহ ধর্মরাজে,
যুধিষ্ঠির—সদাধর্ম-অনুগামী
সিংহাসন ডালি দিবে জ্যেষ্ঠের চরণে ;
অভীষ্ট আমার—
ধর্মরাজ্য স্থাপনের মহা আয়োজন,
সকলি হইবে শুণ্ড !
বুঝ দেবি,
মহাকাব্য হবে নাশ,
তুমি হবে নিমিত্ত তাহার ।

কুন্তী । তবে পুত্রবধ হেরিতে হইবে মোরে ?
 তুমি জ্ঞান, কর্ণ মহাবীর,
 তিন লোকে সমকক্ষ নাহি তার কেহ,
 পঞ্চ-পাণ্ডব-জননী আমি
 পুত্রহারা হ'ব তার রণে ?
 যাহাদের তরে সহিয়াছি এত দুঃখ,
 বনে বনে ভিখারিণী বেশে,
 কতু নির্জন কুটীরে,
 আঁখি-নীরে ভাসায় মেদিনী
 যাপিয়াছি অন্ধকার দিবস যামিনী ?

শ্রীকৃষ্ণ । মাতা, বৃথা এ আশঙ্কা তব !
 তিনলোকে নাহি কেহ
 অর্জুনে বধিতে পারে ।

কুন্তী । আর চারি পুত্র মোর ?

শ্রীকৃষ্ণ । ধর্মরাজ রক্ষিত সকলে
 যম-জয়ী হবে ।

কুন্তী । কিন্তু কর্ণ ?

শ্রীকৃষ্ণ । মাতা ! এইবার চিন্তিত করিলে মোরে
 কিন্তু দেবি, বুঝিতে না পারি
 কিবা খেদ
 কর্ণ যদি পড়ে রণাঙ্গনে—
 চির পুত্র-বৈরী তব সেই । .
 আর তুমিও তো মাতা,
 জননীর স্নেহে তারে কর নি পালন,
 তবে আজি কেন এই মায়া ?

কুন্তী ।

শুনি ভগবান,
 তুমি জগতের জনক-জননী,
 তবে কেন নাহি বুঝ মা'র মনোব্যথা ?
 পালন করি নি তারে !
 কত দিন—কত মাস—কত বর্ষ হয়েছে বিগত,
 মুখ তার করি নি দর্শন—
 কিন্তু নারায়ণ,
 মাতৃবক্ষ-মাঝে
 নিমিষের স্মৃতি দিয়ে গড়া,
 সেই পরিত্যক্ত সন্তান আমার
 পলে পলে হয়েছে বর্দ্ধিত !
 কল্পনায় মাতৃসুত্ত করিয়াছে পান,
 কল্পনায় ক্ষুদ্র বাছ বেড়ি'
 ধরিয়াছে গলদেশ মোর,
 কল্পনায় কেঁদেছে কখনো,
 থলথল হেসেছে মধুর,
 শত চুষনের সোহাগ মাখান
 সেই ফুল কুসুমের মত ক্ষুদ্র মুখখানি
 কতবার গণ্ডে মোর করেছে স্থাপন !
 সেই অভাগা নন্দন—
 যদি কালি রণে হয় তার নাশ—
 শ্রীনিবাস !
 কহ, কেমনে ধরিব প্রাণ ?
 মাতা,
 এর একমাত্র আছে গো উপায়,

শ্রীকৃষ্ণ ।

কিস্ত তাহা অতীব কঠিন ;

পারিবে কি তুমি ?

কুন্তী । পুত্রশোক হ'তে আছে কি কঠিন কিছু ?

শ্রীকৃষ্ণ । কর্ণে তুমি পার কি করিতে নিবারণ

এই মহারণ হ'তে ?

কুন্তী । কোথা দেখা পাব তার ?

শ্রীকৃষ্ণ । মধ্যাহ্নে সমর ত্যজি'

নিত্য যায় সূর্য্য-অর্ঘ্য দিতে

যমুনা-সলিলে ;

কালি নিভুতে তাহার সনে কর দেখা,

কহ তারে আত্ম-পরিচয় তার,

কর অহুরোধ মিলিবারে যুধিষ্ঠির সনে ।

অহুমানি,

যদি শোনে তুমি জননী তাহার,

অহুরোধ তব এড়াতে নারিবে ।

কুন্তী । ভাল, তব আজ্ঞা করিব পালন,

যতপতি !

যাব আমি কর্ণের নিকটে ।

সঙ্কটে সঙ্কটহারী,

তুমি মাত্র সহায় আমার ।

কুন্তীর প্রস্থান

শ্রীকৃষ্ণ । কুন্তী ! তোমার এই মমতাই তোমার পুত্রনাশের কারণ হবে ।

একা অর্জুনের সাধ্য কি কর্ণকে বধ করে ! সহজাত কবচ-কুণ্ডল-

ধারী কর্ণের নিধন অসম্ভব । দেখি, ইন্দ্রকে দিয়ে যদি কবচ-কুণ্ডল

ভিক্ষা করাতে পারি । কুন্তী ! তুমি, আমি, ইন্দ্র, মেদিনী, রামের

অভিশাপ এবং অর্জুন এই ছয়জনের দ্বারাই কর্ণ বধ হবে ।

প্রস্থান

চতুর্থ দৃশ্য

নদীতীর

কর্ণ ও কুন্তী

কর্ণ ।

কহ কেবা তুমি

শুভ্রবাসে বর-অঙ্গ করি' আচ্ছাদন,

প্রতীক্ষায় রয়েছ এখানে ?

কহ, কিবা প্রয়োজন তব ?

কুন্তী ।

বৎস, ভিখারিণী আমি ।

কর্ণ ।

বৎস বলি' সম্বোধন করিলে আমারে !

নমস্কার লহ দেবি !

কহ মাতা, কেবা তুমি,

কিবা প্রয়োজন তব ?

কুন্তী ।

কেবা আমি ?

পরিচয় মোর

অজ্ঞাতে তোমার কণ্ঠে উঠিছে ফুটিয়া ।

সুপ্ত ছিল এতদিন যাহা

শোণিতের অন্তরালে তব,

কাল যাহা পারে নি নাশিতে ।

বৎস,

আমি কুন্তী—

কর্ণ ।

পার্শ্বের জননী ?

কহ মাতা,

এ কি অবটন আজি ?

পঞ্চকেশরী-জননী তুমি,
 পাণ্ডব-ঈশ্বরী দীনা ভিখারিণী বেশে
 আসিয়াছ মোর কাছে
 চির পুত্র-বৈরী তব !
 কহ কিবা প্রয়োজন ?

কুন্তী ।

আসিয়াছি ষষ্ঠের নিকটে !

কর্ণ ।

আসিয়াছ ষষ্ঠের নিকটে !

কহ, কি সম্বন্ধ তোমার আমার ?
 এ কি !

জ্ঞান কেন বদন তোমার ?
 অশ্রু কেন নয়নের কোণে ?

জ্ঞান কেন মধ্যাহ্ন-ভাস্কর,
 জ্ঞান হেরি দিক্-চক্রে রেখা ?

মলিনতা যমুনার নীরে !

কহ, সত্য কেবা তুমি ?

কুন্তী ।

আমি রে জননী তোমার !

কর্ণ ।

সুত-পুত্র আমি রাখার নন্দন,

চিরদিন এই ধ্যাতি—

পরিচয়-পতাকা আমার

পুরোভাগে করেছে গমন—

আজি তুমি এসেছ হেথায়

শতচ্ছিন্ন করিবারে তারে ?

তুমি যদি না হইতে ধর্মরাজ মাতা,

যদি আর কেহ বলিত এ কথা,

মিথ্যাবাদী বলিতাম তারে !

কুন্তী ।

নহে মিথ্যা, ,
 সত্য, নহে তুমি রাখার নন্দন,
 অভাগিনী কুন্তীর তনয়,
 বুদ্ধি দোষে মোর আজি স্মৃত আখ্যাধারী,
 ভ্রাতৃ-বৈরী—মিত্র কোরবের ।
 বৎস,
 তুমি মোর প্রথম তনয় ।

কর্ণ ।

সূর্য্য-তেজে জনম তোমার !
 বিচিত্র নাটক—কাব্য কথা হেন—
 ইতিপূর্বে আর কেহ করে নি রচনা !
 পাটেশ্বরী ভারত-ঈশ্বরী জননী আমার—
 পিতা ওই তমোহর দেব দিবাকর
 আলোক আকর,
 আর, আমি ফিরি শৃগালের প্রায়
 অন্ধকার সংসার অরণ্যে,
 পরিচয়হীন—ব্যঙ্গ জগতের !
 যাও—যাও দেবি,
 উদ্ভাদ কোরো না মোরে ।
 তুমি মোর মাতা,
 মরণ শিয়রে করি’
 এই পরিচয়ে নাহি প্রয়োজন ।

কুন্তী ।

বিধি নির্বন্ধ বৎস,
 সত্য আমি তোমার মাতা ।

(দৈববাণী—সূর্য্য ।) বৎস,

সন্দেহে না মনে দেহ স্থান ।

তুমি কর্ণ সন্তান আমার,
 জননী তোমার সম্মুখে দাঁড়ায়ে ওই ।
 কর্ণ । দিবালোক গ্রাস করিল রজনী,
 হান কাল হারাইল নিজ ব্যবধান,
 অতীত উদয় হেরি বর্ত্তমান মাঝে !
 আমি কর্ণ কুন্তী-পুত্র রবির তনয়,
 মাতৃহারা আজি মাতার সম্মুখে,
 অদ্ভুত বিধির বিধি !

হে জননি,
 হও যত অপরাধী—
 তবু তুমি আরাধ্যা আমার !
 নহে ভিক্ষা,
 কহ কিবা আজ্ঞা তব ?

কুন্তী । ভীষ্ম, দ্রোণ, গত,
 শুনিলাম এ সমরে তুমি সেনাপতি ;
 আকুল আমার প্রাণ—
 ব্রাতৃবধে ভাই !
 পুত্রহারা হবে কুন্তী তুমি কিয়া পাণ্ডব উচ্ছেদে,
 তাই লোকলজ্জা নিয়া বিসর্জন—
 যে কলঙ্ক গোপনের তরে
 বক্ষ ক্ষীরে বঞ্চিত করিয়া তোমা,
 নয়নের নীরে তাসি'
 নদীজলে দিয়াছিহু ডালি—
 আজি স্ব-ইচ্ছায় সে কলঙ্ক ধরি' শিরোপরে,
 —সেই নদীতটে

ভিখারিণী বেশে এসেছি তোমার কাছে ।

পুত্র !

ভিক্ষা—এ সমরে দেহ ক্ষমা,

মিল' যুধিষ্ঠির সনে,

ছয় পুত্র মোর রহক জীবিত ।

কর্ণ ।

এত মায়া, এত স্নেহ, এতই করুণা—

ওই বক্ষে তব !

তবে কহ গো জননি,

কোন প্রাণে বিসর্জন ক'রেছিলে মোরে,

—অসহায় অবোধ অজ্ঞান শিশু,

দশ মাস দশ দিন গর্তে দ্বিগে স্থান ?

মৃত্যুমুখে দিয়েছিলে স'পি'

প্রথম তনয়ে তব ?

কহ মাতা,

তখন কি কঁাদে নি মায়ের প্রাণ ?

বিন্দু বারি ঝরে নি কি নয়নে তোমার ?

কুন্তী ।

পুত্র !

আর লজ্জা নাহি দেহ মোরে !

কর্ণ ।

কোথা লজ্জা ?

চির লজ্জাহীন! তুমি—

যাক্—

বুঝিয়াছি মাতা,

বুঝিয়াছি আগমন কারণ তোমার—

পুত্রনেহে অন্ধ তুমি !

কিন্তু আস নাই মোর তরে,

আমি সেই বিসজ্জিত অভাগা তনয় তব !

আসিয়াছ

পঞ্চ-পাণ্ডবের কল্যাণ কামনা করি’

আর—কলঙ্কের ডালি তুলে দিতে শিরে মোর !

হ’ক—তা’তে না ছিল আক্ষেপ

কিন্তু সত্যে বদ্ধ আমি দুর্ঘ্যোধন পাশে,

আমরণ আজ্ঞা তার করিব পালন ।

তাজিতে তাহারে না পারিব কভু,

যদি জগতের সমস্ত মাতৃহ

আজি দীন-কণ্ঠে ভিক্ষা করে কর্ণের নিকটে ।

কুন্তী ।

তবে নিষ্ফল হইবে ভিক্ষা ?

কর্ণ ।

এ জীবন করেছ নিষ্ফল,

ব্যর্থ করিয়াছ সব সাধনা আমার,

ক্ষত্র হয়ে নহি ক্ষত্র আমি,

রবিদ্যাতি ধূলিসাৎ ক’রেছ হেলায়—

দুর্ঘ্যোধন বক্ষে স্থান দিয়েছে সাদরে,

কি আশ্চর্য্য, ভিক্ষা তব হইবে নিষ্ফল !

মাতা,

নাহি জান কি করেছ তুমি !

নাহি জান,

কি উত্তাপ—কি যন্ত্রণা ভীষণ

এই হৃদয়ের স্তরে স্তরে

আছে সঞ্চিত আমার !

তুমি যদি স্থান দিতে কোলে,

আজ ভারতের ইতিহাস হ’ত অন্তরঙ্গ

কি করিব, বাক্য-বদ্ধ,

নাহিক উপায়—

আমি রব চির-বৈরী পাণ্ডবের !

কুন্তী ।

আজ আমি যদি বলি,

যুধিষ্ঠির সগৌরবে সিংহাসনে বসাবে তোমাতে

জ্যেষ্ঠ বলি' পূজিবে চরণ ।

কর্ণ ।

ভাগ্যবান যুধিষ্ঠির,

ভাগ্যবান চারি ভ্রাতা তার—

এই মাতৃস্নেহে বদ্ধিত হয়েছে তারা !

চিরদিন ভাগ্যহীন আমি,

এই স্নেহে হ'য়েছি বদ্ধিত !

আসিয়াছ পঞ্চ তনয়ের কল্যাণ কামনা করি'

পঞ্চ পাণ্ডব-জননী,

এসেছ যখন,

সাধ্যায়ত্ত যাহা তাহা করিব গো দান—

নহে সিংহাসন লোভে ;

সিংহাসন অতি তুচ্ছ কর্ণের নিকটে !

গুধু রাখিতে সম্মান তব,

করি পণ—

এই যুদ্ধে হয় পার্থ নয় কর্ণ

ধরা হতে লইবে বিদায়—

তুমি রবে চিরদিন পঞ্চ-পুত্রের জননী ।

কুন্তী ।

বৎস,

বুঝিয়াছি অভিমান তব ।

আমি নারী দুর্বলা অভাগী,

মনোব্যথা মোর,
জানেন সে অন্তর্যামী যিনি !
কি বলিব—কমা করে মোরে,
কমা কোরো জ্ঞান-হীনা জননী বলিয়ে,
জেনো—
শুধু করি নাই ব্যর্থ তোমার জীবন,
জীবন-সঙ্গিনী ব্যর্থতা আমার—
আমি মাতা অভাগা কর্ণের ।

প্রস্থান

কর্ণ ।

রে অর্জুন !
এত দিন করিয়াছি হিংসার পোষণ,
আজি দেখি ব্যর্থ সব ।
তুমি বটে কুন্তী-পুত্র,
আমি চিরদিন রাধার নন্দন ;
অদ্ভুত অদৃষ্ট লিপি !
মাতা, নহে পরিচয়—
নিজ হস্তে মৃত্যু দিয়ে গেলে মোরে !

প্রস্থান

শঙ্কর দৃশ্য

কর্ণের প্রাসাদ-কক্ষ

পদ্মাবতী ও হৃদয়েশী সূর্য্য

পদ্মা। আপনি কে ?

সূর্য্য। মা, সে পরিচয় দেবার তো সময় নেই, পরে জানবে আমি কে।
স্নেহাক্ষ, নিশ্চিত থাকতে পারি নি, ছুটে এসেছি। কাল রাত্রে স্বপ্নে
তোমার স্বামীকে সাবধান করেছিলাম, কিন্তু তাতে কোন ফল হবে
কি না কে জানে !

পদ্মা। আপনি তাঁকে দেখা দিয়ে সাবধান কল্পলেন না কেন ?

সূর্য্য। কোন বিশেষ কারণে—যতক্ষণ তোমার স্বামী জীবিত থাকবেন—
আমি দেখা দিতে পারব না, নচেৎ তোমার সাহায্য গ্রহণ কল্প
কেন ?

পদ্মা। তিনি তো বুদ্ধসজ্জা করছেন, এখনি তো রণক্ষেত্রে যাত্রা
কল্পবেন।

সূর্য্য। এখনো সময় আছে। তুমি আর বিলম্ব কোরো না, যাও—দেখো
রথে উঠবার পূর্বে যেন কোনো ব্রাহ্মণের সঙ্গে কিছা কোন ব্যক্তির
সঙ্গে তার দেখা না হয় ! তোমার স্বামী সত্যে বদ্ধ, যে বা চাইবে
তাকে তাই দেবে। জেনো মা, আজ যে আসবে, সে তোমার
স্বামীর প্রাণ ভিক্ষা চাইবে, তার সহজাত কবচ-কুণ্ডল চাইবে।
যদি স্বামীকে রক্ষা করতে চাও, আজ পুরদ্বার সব বদ্ধ করে দাও,
ভিক্ষার্থীকে আজ তোমার স্বামীর সম্মুখীন হ'তে দিও না। যাও—
নিজহস্তে তাকে রণসাজে সাজিয়ে রণক্ষেত্রে পাঠাও। এ যদি

পার মা, তা হ'লে জেনো—তোমার স্বামীর মৃত্যু নাই, তোমার স্বামীর জয় অবশ্যস্তাবী !

পদ্মা । কে আপনি মহাভাগ, করুণায় আমার স্বামীকে রক্ষা করতে এসেছেন ? যদি পরিচয় না দিলেন, পদধূলি দিন, অশীর্বাদ করুন যেন স্বামীর জীবন রক্ষা কল্পতে পারি ।

স্বর্ঘ্য । খুব সাবধান, কোন প্রার্থী যেন তোমার স্বামীর সম্মুখীন না হয় । মন্ত্রীদেয় ব'লে নাও, রাজকর্মচারীদের ব'লে নাও—ভিক্ষুক যেন পুরীতে প্রবেশ না করে । (স্বগত) ইহু ! দেখি তুমি কিরূপে কৃতকার্য হও ।

প্রস্থান

পদ্মা । কে ইনি কিছুই তো বুঝতে পারলেম না, নিশ্চয়ই আমার স্বামীর মঙ্গলাকাজ্জী কেউ দেবতা ছদ্মবেশে আমায় সাবধান ক'রে দিয়ে গেলেন । মা সতী-কুলরাণি ! দেখো মা, তনয়ার মুখ রেখো, যেন দেবতার আদেশ পালন করতে পারি ।

নিয়তির প্রবেশ

নিয়তি । আমার চিন্তে পার ?

পদ্মা । চেনবার সময় নেই, মহাকার্য্য সম্মুখে ! বোধ হয় তোমায় কোথায় দেখেছি, বোধ হয় তোমায় চিনি—কিন্তু এখন নয়, এখন নয় । যদি দিন পাই, তখন তোমায় চিনব—এখন নয় ।

প্রস্থান

নিয়তি । পদ্মাবতি ! তুমি ভিক্ষুককে পুরপ্রবেশ করতে দেবে না—আজ নগরীর দ্বার বন্ধ ক'রবার জন্ত ছুটে চলেছ—কিন্তু তুমি জান না যে, মহাকালের পথ সদা উন্মুক্ত, কেউ তার প্রবেশের পথ অর্গলবদ্ধ ক'রতে পারে না ; লোক-লোচনের অন্তরালে সে পথ চির-অন্ধ-

কারে ঢাকা, কিন্তু সে আলো ধরে নিয়ে যাই আমি—তাই
যম সর্বজয়ী ! ব্রাহ্মণবেশী ইন্দ্রকে তোমার স্বামীর নিকটে আমিই
নিয়ে যাব ।

এহান

পদ্মাবতীর পুনঃ প্রবেশ

পদ্মা । মন্ত্রী রাজ-কর্মচারীদের প্রতি আদেশ দিয়ে এসেছি—নগরীর দ্বার
রুদ্ধ—যাই—স্বামীকে নিজ-হস্তে রণ-সাজে সাজিয়ে রণ-ক্ষেত্রে পাঠাই ।
হে অপরিচিত, দ্বিজ ! আপনার চরণে কোটি কোটি প্রণাম, আপনি
পিতার দ্বায় আমার মহৎ উপকার করে গেলেন ।

এহান

ষষ্ঠ দৃশ্য

কর্ণের প্রাসাদ-কক্ষ

কর্ণ ও ব্রাহ্মণবেশী ইন্দ্র

কর্ণ । চাহ কবচ-কুণ্ডল ?
ইন্দ্র । হাঁ কবচ-কুণ্ডল—অজ হ'তে তব
কর্ণ । কিবা প্রয়োজন তাহে দেব ?
ইন্দ্র । প্রয়োজন জানিবার নাহি অধিকার ।
শুনি সত্যবাদী তুমি,
দান তব বিখ্যাত ভুবনে,
প্রার্থীজনে নিরাশ না কর কভু ;
যদি অজ হ'তে তব

ছিন্ন করি সহজাত কবচ-কুণ্ডল

ভিক্ষা দিতে পার মোরে ।

কর্ণ । (স্বগত) অভূত স্বপন দেখেছিহু নিশি শেষে

পূর্বাশার দ্বার মুক্ত করি’

জ্যোতির্ময় পুরুষ-প্রবর

স্নেহ গদ্যাদকণ্ঠে কহিছেন মোরে,

“বৎস !

কালি প্রাতে প্রার্থী যদি কেহ

ভিক্ষা চাহে কিছু,

নিঃসংশয়ে বিমুক্ত করিও তারে ।”

স্বপ্ন-মর্ম্ম পারি নি বুঝিতে,

আজি দেখি অর্থ তার

দ্বিবালোক সম সুষ্পষ্ট আমার আছে ।

(প্রকাশ্যে) দেব !

জান কি হে তুমি,

কোন বস্তু করিছ প্রার্থনা ?

ইন্দ্র ।

জানি—কবচ-কুণ্ডল ।

কর্ণ ।

না, না, জান নাক কিছু ;

কিছা জান সমুদয়,

জেনে শুনে প্রাণ মোর এসেছ লইতে ।

আজ যদি

কবচ-কুণ্ডল দান করি তোমা—

জেনো, রণক্ষেত্রে নিশ্চয় মরণ মম ।

এখনো বুঝিয়া দেখ,

যদি পার,

বাক্য কর সংযত, এখনো—

চাহ আর যেবা অভিরুচি তব,

শুধু কুরুক্ষেত্র মহ রণ

যতদিন নাহি হয় অবসান,

নাহি হয় পার্থের বিনাশ,

ততদিন আর সব লহ—

যাহা ইচ্ছা তব—

শুধু চেও নাক কবচ-কুণ্ডল ।

ইন্দ্র ।

কিন্তু প্রয়োজন কবচ-কুণ্ডল মোয় ।

কর্ণ ।

বুঝিয়াছি,

প্রয়োজন কর্ণের নিধন,

তাই যাত্রাকালে তুমি দ্বিজ সম্মুখে আমার,

ভিখারীর বেশে !

কিন্তু বাক্য যবে করিয়াছি দান,

তুচ্ছ কবচ-কুণ্ডল—

অকাতরে দিব উপহার চরণে তোমার ।

কিন্তু কহ,

চক্ষুছেদে জীবিত কেমন রব ?

দুর্যোধন পাশে

করিয়াছি প্রতিজ্ঞা ভীষণ,

নিম্পাণ্ডবা করিব ধরণী

কিন্ধা রণস্থলে দিব আছতি জীবন—

সেই বাক্য—

সেই প্রতিজ্ঞা কর্ণের—

হইবে নিখল ।

কহ এ সমস্তার উপায় কি করি ?

ইন্দ্র ।

মম বরে

অঙ্গচ্ছেদে প্রাণনাশ না হবে তোমার,

অক্ষত রহিবে দেহ ।

পদ্মাবতীর প্রবেশ

পদ্মা ।

এ কি ! কে তুমি ?

কেমনে আসিলে হেথা ভিক্ষুক ব্রাহ্মণ,

রুদ্ধ যবে পুষ্করার সব ?

কর্ণ ।

পদ্মা, চেন কি ব্রাহ্মণে ?

পদ্মা ।

নাহি জানি নাথ,

সর্বনাশ সম্মুখে উদয় !

নহে দ্বিজ,

মহাকাল এসেছেন ব্রাহ্মণের বেশে ।

কর্ণ ।

নাহি ক্ষতি,

হ'ন মহাকাল—

প্রতিজ্ঞা আমার নিশ্চয় পালিব আমি ।

এস দ্বিজ

লহ অস্ত্র

সহজাত কবচ-কুণ্ডল-ধারী কর্ণ হ'ক কবচ-বিহীন ।

কর্ণ ও ইন্দ্রের প্রস্থান

পদ্মা । কেমন ক'রে ব্রাহ্মণ এখানে প্রবেশ করলে ? কোন্ পথ দিয়ে

প্রবেশ করলে ? কে ওকে এখানে আনলে ?

নিরতি প্রবেশ

নিরতি । আমি—আমার সঙ্গে ভাব, না আড়ি ?

পদ্মা । তুমি ! তুমি !

নিয়তি । হাঁ, চিন্তে পেরেছ ?

পদ্মা । চিনিছি, চিনিছি, স্বামীর প্রাণ মূল্য দিয়ে তোমায় চিনিছি ।

তবে ব্রাহ্মসি, তুমিই ব্রাহ্মণকে পথ দেখিয়ে এখানে এনেছ ?

নিয়তি । আমিই তো পথ দেখিয়ে পাঞ্চালে নিয়ে গিয়েছিলেম, আমিই

তো তোমার স্বামীকে চিনিয়ে দিয়েছিলেম ; তাই তো তোমার স্বামী

তখন মৃত্যু হ'তে রক্ষা পেয়েছিলেন, তবে ব্রাহ্মসী বলছ কেন ?

পদ্মা । কেবা তুমি প্রহেলিকাময়ী

ছায়া সম ক্ষের সাথে সাথে ?

কভু মমতার বিগলিত প্রাণ,

কভু পিশাচী সমান,

করি' ভেদ দুর্ভেদ্য প্রাচীর

মৃত্যু ডেকে আন ঘরে !

কভু সঙ্গীত-বন্ধার,

কভু হাহাকার,

সমস্তরে কণ্ঠে তব বাজে,

কভু ফণিমালা মাঝে,

কভু কুসুমের সাজে,

প্রাণের দোসর অতি ইষ্ট আরাধ্য কখনো,

ভীমা ভয়ঙ্করী কভু ।

ধরি পায়, कह

কেবা তুমি মায়াবিনী, ভ্রম ধরামাঝে ?

কর্ণের প্রবেশ

কর্ণ ।

সব শেষ—

আজি দান সার্থক আমার !

পদ্মাবতি—

এ কি !

সেই তাপস-তনয়া

গোধূলি আচ্ছন্ন বনে

তুমি তবে মায়া-মৃগ ধরেছিলে সম্মুখে আমার ?

আজি পুনঃ আসিয়াছ

মায়া-কায়া করিতে বিনাশ ?

কহ কেবা তুমি—দেহ পরিচয়,

সংশয়ে না রাখ আর ।

নিয়তি । নিয়তি ।

পদ্মা । (সভয়ে) নিয়তি !

কর্ণ । নাহি ভয়,
রণক্ষেত্রে অসিমুখে
নিয়তির ছেদিব বন্ধন ।

সকলের প্রস্থান

সপ্তম দৃশ্য

রণস্থল

শকুনি

শকুনি । মহাবীড়ে বৃক্ষ হ'তে ফল পড়ছে—একটীর পর একটা ; আজ
কর্ণের সঙ্গে যুদ্ধের তৃতীয় দিন ! আমি কবে যাব ? শত ভাইয়ের
বাকী দুঃশাসন আর দুৰ্য্যোধন । আমারও উনশত ভাই অপেক্ষা
কমছে । বহু বর্ষের ক্ষুধা—মিটেছে কি ? মিটেছে কি ? বাকী—
শুধু দুৰ্য্যোধন আর দুঃশাসন ।

দ্রুপ্যোথনের প্রবেশ

দ্রুপ্যো । হে মাতুল,
অদ্ভুত সমর হেন দেখি নাই কভু !
কর্ণ আজ করে মহামার ;
বিচ্ছিন্ন পাণ্ডব সেনা,
যুধিষ্ঠির পলায় সভয়ে,
অৰ্জুনের নাহিক সন্ধান ।
দেখ কোথা সহদেব,
হও আশ্চর্যান,
প্রতিজ্ঞা ক'রেছে সেই বধিবে তোমায়ে ।

শকুনি । চারিদিকে শুনি
ক্ষুধার্তের চীৎকার ভীষণ ।
চল দ্রুপ্যোথন,
দেখি কোথা সহদেব—
আজি আনন্দ ধরে না মোর !

উভয়ের প্রস্থান

শল্যের প্রবেশ

শল্য । কর্ণ রথ পরিত্যাগ ক'রে ভূমিতে অবতীর্ণ হ'য়ে যুদ্ধ করছে ।
ছি ছি । কি লজ্জা, কি ঘৃণা ! রথীশ্রেষ্ঠ শল্য আমি, আমি স্তম্ভপুত্র
কর্ণের সারথি ! কর্ণের মৃত্যু না হ'লে আমার বীরত্ব দেখাবার
অবসর কৈ

নেপথ্যে কর্ণ । ধন্য পার্থ, ধন্য সারথি তোমার,
পলায়ন-পটু হেন দেখি নি কখনো !
কোথা ভীমসেন,
যদি পার, রক্ষা কর ধর্মরাজে তব !

শল্য। যুধিষ্ঠিরও দেখছি রথ পরিত্যাগ ক'রে কর্ণের সম্মুখীন হয়েছে।
যাই, আমি রথ প্রস্তুত রাখি গে যদি প্রয়োজন হয়।

প্রহান

নেপথ্যে যুধিষ্ঠির। কোথায় অর্জুন! কোথা ভীমসেন!

অষ্টম দৃশ্য

রণস্থলের অপরাংশ

শকুনি ও দুঃশাসন

শকুনি। তুমি ভীমসেনকে খুঁজছিলে? সারথিকে ঐ দেখ! রথ
আনতে বলব কি?

দুঃশা। না, রথে নাহি প্রয়োজন,
গদাযুদ্ধে ভীমসেনে পাড়িব এখনি।

উভয়ের প্রহান

সহদেবের প্রবেশ

সহ। হে সৌবল!
আজি নাহি নিস্তার তোমার!
যেই করে অক্ষপাটি করেছ চালন,
সেই কর কাটি' শরমুখে
কুঙ্কুরে করিব দান।

প্রহান

ভীম ও দুঃশাসনের প্রবেশ

ভীম। আরে আরে কৌরব কলঙ্ক
আরে দুঃশাসন,
তিনপুরে নাহি কেহ আজি রক্ষা করে তোরে।

দুঃশা । ভাল, ভাল,
দেখিব বীরত্ব তোর !

উভয়ের প্রস্থান

শকুনির পুনঃ প্রবেশ

শকুনি । রণ-সিদ্ধ উথলে ভীষণ,
ঐ ঐ দুঃশাসন যুঝে ভীমসেন সনে ।
ভীম, মনে রেখো—
দুঃশাসন বক্ষরক্ত পান
প্রতিজ্ঞা তোমার !

প্রস্থান

রণস্থলের অপরাংশ

দুঃশাসন শায়িত—বক্ষোপরি ভীমসেন

ভীম । আরে হীন পশুর অধম !
আজি পড়ে কিরে মনে
পাঞ্চালীর কেশ-আকর্ষণ ?
ওহো ! আর নহে উষ্ণ
হিম দেখি বক্ষ রক্ত তোর ।
কৃষ্ণ ! কৃষ্ণ !
এইবার বেণী তব করিব সংহার !

নবম দৃশ্য

দুর্যোধনের প্রবেশ

দুর্যোধ্য । কোথা দুর্যোধ্যসন ?
 বহুক্ষণ নাহি হেরি তারে !
 কেন য়োর অন্তর ব্যাকুল ?

শকুনির প্রবেশ

শকুনি । দুর্যোধ্যন ! দুর্যোধ্যন !
দুর্যোধ্যন । এ কি মাতুল ! তোমার ললাটে রক্তের তিলক কেন ?
শকুনি । শুধু ললাট নয়, এই দেখ, হাতেও রক্ত মেখেছি ! দেখ—
 চিনতে পার কার রক্ত ?
দুর্যোধ্য । কোন্ শত্রুর রক্তে হস্ত রঞ্জিত করেছ মাতুল ? সহদেব
 কি মৃত ?
শকুনি । সহদেব নয়—দুর্যোধ্যন—চিনতে পারছ না ? সহোদরের রক্ত !
 তোমার সহোদর দুর্যোধ্যসন নেই, ভীমসেন তাকে বধ ক'রেছে !
দুর্যোধ্যন । অ্যা ! দুর্যোধ্যসন ! ভাই—ভাই ! (মূর্ছা)
শকুনি । এ মূর্ছাও ভাদ্বে, এখনো উরুভঙ্গ বাকী । আর আক্ষেপ
 নেই—আর আক্ষেপ নেই । পিতা আশ্বস্ত হও ! তোমরা অনাহারে
 মরেছিলে, দেহে এতটুকু রক্ত ছিল না—এ রক্তের চেউ বয়ে যাচ্ছে ।
 এইবার আমিও যাচ্ছি—যাচ্ছি—আর বিলম্ব নেই ! দুর্যোধ্যন !
 দুর্যোধ্যন !
দুর্যোধ্য । হত দুর্যোধ্যসন ?
শকুনি । কিন্তু ভীমসেন এখনো জীবিত রয়েছে ।

দুর্যো।

হে মাতুল !

সত্য বটে ভীমসেন এখনো জীবিত।

কোথায় সারথি ?

লহ রথ ভীমের সম্মুখে,

দেখি কত বল ধরে সে পামর !

শকুনি।

হাঁ, হাঁ, চল—চল, আর বিলম্ব সহিছে না—আর বিলম্ব

সহিছে না।

ধমুহলে যুধিষ্ঠিরের গলদেশ বেষ্টন করিয়া কর্ণের প্রবেশ

কর্ণ।

কোথা পার্থ, কোথা ভীমসেন—

ডাক ডাক উচ্চৈঃস্বরে ;

কোথা যদুপতি সারথি তোমার ?

তুনি অগতির গতি তিনি,

গতি মুক্তি করুন বিধান।

যুধি।

আরে হেয় রাধেয় !

কর্ণ।

জান এক কথা—

হীন আমি রাধার নন্দন,

ক্ষত্র হ'য়ে আর নাহি জান কিছু ?

বংশ-পরিচয়ে প্রতিষ্ঠা স্থাপন

আমি চাহি নাই কভু !

বীর্যবলে ব্রাহ্মণ ক্ষত্রিয় জাতি ভেদ,

ধরা হতে করিব নিশ্চল।

বালা হ'তে আছিল প্রতিজ্ঞা মোর

আজি সে প্রতিজ্ঞা অংশে পূর্ণ—

পরাজিত তুমি যুধিষ্ঠির।

যদি ইচ্ছা করি,
 এখনি নাশিতে পারি
 কিন্তু তুমি নাহি জান কি রহস্য সেই,
 যাহে অকাতরে প্রাণ দান করি আমি তব ।
 যাও—যাও ধর্ম্মের নন্দন ।
 কহ ভুবনবিজয়ী পার্থে আসিতে সম্মুখে ।
 কোথা শল্য,
 দেহ রথ,
 দেখি ভীমসেন কোথা ।

যুধি । অর্জুন কি সত্যই প্রাণভয়ে পালিয়েছে ? এ অপমান অপেক্ষা
 বৃত্ত্যই শ্রেয়ঃ । কিন্তু এ কি ! কর্ণের সহিত যুদ্ধে আমার মনে
 হিংসার উদয় হয় না কেন ? কেন কর্ণের চরণের দিকে চাইলে মাতা
 কুন্তী দেবীর চরণ যুগল আমার মনে পড়ে ! এ কি দুর্বলতা ! কেন
 এ সাদৃশ্য ? দেখি কোথায় অর্জুন ।

দশম দৃশ্য

রথারূঢ় কর্ণ ও শল্য

কর্ণ
 শর-জালে আচ্ছন্ন গগন !
 শুন শল্য অধিপতি !
 দেখ কোথা কপিধ্বজ রথ,
 আজি যুদ্ধে
 হয় পার্থ নয় কর্ণ
 ধরা হ'তে লইবে বিদায় ।

শল্য। কর্ণ। ঐ দেখ দূরে যত্নপতি চালিত রথ। চল, এখন তোমার
রথ অর্জুনের নিকটে নিয়ে যুটছি।

(নেপথ্যে অর্জুন। হে মাধব,
বিলম্ব না সহে আর।
কোথা কর্ণ?
সহ রথ সম্মুখে তাহার,
আজি রণে দিব বলি রাখার নন্দনে।

রথারোহণে শ্রীকৃষ্ণার্জুনের প্রবেশ

শ্রীকৃষ্ণ। ভাল ভাল, ওহে শল্য চালিয়াছ রথ,
বহুকষ্টে পেয়েছি সন্ধান।

অর্জুন। হও স্থির আকুল গাণ্ডীব,
ষোগ্য অরি নেহারি অদূরে,
এতদিনে মিটিবে তোমার তৃষা।

কর্ণ। হেলায় জীবন দান
করিয়াছি চারি সহোদয়ে তব,
কিন্তু আর নাহি ক্ষমা।

শল্য অধিপতি!
কেন অশ্ববল্লা করেছ সংযত?
চা'ল, চা'ল, রথ ক্ষতগতি
বধি পার্থে
জীবনের সমস্ত আশ্রয়
দিই জলাঞ্জলি!

শল্য। কর্ণ। তুমি অর্জুনকে বধ করবে কখনো স্বপ্নেও ভেব না;
অর্জুনকে বধ করবে আমি! তবে আশ্রয় এই, তুমি নিহত হ'লে
আমার রথের সারথি হবে কে?

কর্ণ । নাহি চিন্তা বীর-শ্রেষ্ঠ,
 শমন সারথি হবে তব ।
 এবে নিজ কার্য কর সমাধান,
 চা'ল অশ্বগণে
 হে পার্থ-সারথি !
 যদি পার রক্ষা কর রথীরে তোমার ।

শল্য । রথ-চক্র অকস্মাৎ হেরি গতি-হীন,
 বুঝিতে না পারি
 কেবা রোধে গতি তার !

কর্ণ । আমি জানি, আমি দেখিয়াছি তারে ;
 কিন্তু নাহি চিন্তা,
 ধরাবক্ষ করি থান, থান,
 আমি চিরদিন তরে
 গতিরোধ করিব তাহার ।

শল্য । কর্ণ ! মেদিনী যে ক্রমশঃ রথ-চক্র গ্রাস করছে ! এ কি অদ্ভুত
 ব্যাপার ! এ তো কখন দেখি নি !

কর্ণ । সকলি অদ্ভুত অদৃষ্টে আমার !
 কিন্তু তাহে নাহি ক্ষোভ ।
 হে অর্জুন !
 তিষ্ঠ ক্ষণকাল,
 দেখি, কত শক্তি ধরে সে মেদিনী !
 রাহুমুক্ত চক্রে সম
 ধরামুক্ত রথচক্র করিব এখন ।

রথ হইতে অবতরণ

শ্রীকৃষ্ণ । অর্জুন ! এইবার যুধিষ্ঠিরের অপমানের প্রতিশোধ নাও ।

কর্ণ । (রথচক্র ধারণ করিয়া)
 কোথা শক্তি,
 কোথা গুরুভক্ত সিন্ধু মস্ত্র মোর !
 এস এস, স্বত্বপটে হও হে উদয়,
 প্রাণপণে করি আহ্বান,
 আজি বিমুখ না কর মোরে ।
 বিন্ধুতির মেঘে ঢাকা মস্তিষ্ক আমার,
 ধূমাচ্ছন্ন নেহারি সংসার !

শ্রীকৃষ্ণ । দাবানল জালিয়াছ
 সপ্তরথী মিলি' বধেছিলে অভিমত্রে,
 আজি দেখি সেই চিত্র সম্মুখে আমার ।
 হে ফাস্তুনি,
 পুত্রঘাতী তব, জীবিত এখনও ।

কর্ণ । রে অৰ্জুন,
 পুনঃ কহি, তিষ্ঠ ক্ষণকাল,
 এ কি পাপ !
 ক্ষত্রকূলে দিয়ে কালি—
 হান শর বিরথী অরাতি প্রতি ?

অৰ্জুন । নীচ হৃদের নন্দন,
 প্রতিজ্ঞা আমার করহ স্বরণ,
 পশুসম সংহারিব তোরে,
 করেছিহু পণ—
 মিথ্যা নহে সে প্রতিজ্ঞা মোর ?

কর্ণ । বটে ! আরে ক্ষত্রকুলপানি,
 পশু আমি,

আর তুমি ক্ষত্রিয়-পুঙ্গব ?

ধাক্ ধাক্ ঘুচাই বীরত্ব তোর ?

রথ—রথ—

হো হো শল্য !

যদি পার দেহ মোরে রথ একখান !

কিছা নাহি প্রয়োজন—

শূত্র্য নহে তুণ,

দেখিবে অর্জুন,

রথোপরি কেমনে রহিস্ স্থির !

শ্রীকৃষ্ণ । মতিমান্ !

শরবিদ্ধ অঙ্গ তব কবচ-বিহীন,

আর কেন, রণে দেহ ক্ষমা !

কর্ণ । দিব ক্ষমা, এ জীবন দিব পুষ্পাঞ্জলি

যবে চরণে তোমার ।

শল্য । কর্ণ ! তুমি আহত, চল তোমায় শিবিরে ল'য়ে যাই ।

কর্ণ । ভেবেছ কি সত্য এত হীন আমি,

রণক্ষেত্র ত্যজি'

শিবিরে করিব পলায়ন ?

এখনো এ দেহে আছে প্রাণ,

কর মোর নহেক অবশ,

দৃষ্টিহীন হই নাই আমি !

কে আছ সুহৃদ,

হয় দেহ রণ-মৃত্যু মোরে,

নহে—পুনঃ কহি,

দেহ রথ একখান !

অৰ্জুন ।

রণ-মৃত্যু আমি দিই তোমা ।

বাণ ত্যাগ করিলেন

কর্ণ ।

পূর্ণ বিধিলিপি ।

পড়িয়া গেলেন

রে নিয়তি,

বাঞ্ছা তব পূর্ণ এত দিনে ।

আমি কর্ণ রাধার নন্দন,

জন্মদিন হ'তে

মহারণ করেছি তোমার সনে,

সহিয়াছি বহু ক্লেশ ;

কিন্তু দেবী, সাক্ষী তুমি—

হই নাই সত্য-দ্রষ্ট কভু !

স্বহস্তে জীবন দান করিয়াছি আমি,

তাই আজ বিজয়িনী তুমি !

শ্রীকৃষ্ণ ।

বীর ! নহ তুমি রাধার নন্দন,

কুন্তীপুত্র তুমি,

আমি জানি জন্ম-কথা তব ।

কর্ণ ।

কিবা নাহি জান তুমি,

নিখিলের জ্ঞানের নিদান,

কিন্তু দেব, আমি কভু না কহিব

কুন্তীপুত্র আমি ।

অৰ্জুন ।

(রথ হইতে নামিয়া) এ কি শুনি ?

কহ যত্নপতি,

কুন্তীপুত্র কর্ণ মহাবীর ?

শ্রীকৃষ্ণ ।

অৰ্জুন ।

হাঁ, সহোদর তব ।

তবে করিয়াছি ভ্রাতৃবধ ।

ভাই, ভাই !

কেন দাও নাই পরিচয় ?

এ কি মহাপাপে লিপ্ত করিলে আমারে ?

এ কি অভূত রহস্য !

তুমি সহোদর মম,

চিরদিন শত্রু বলি’

পরিচয় করেছ প্রদান ?

হায় হায়,

আত্মীয় বিনাশ হেতু জনম আমার ?

কর্ণ ।

নাহি খেদ

ঈদ্রিয়ের পরম আত্মীয় সেই,

যেই করে রণ-মৃত্যু দান,

রে অৰ্জুন ! আমি জ্যেষ্ঠ তব,

করি আশীর্বাদ, হও রণজয়ী তুমি ।

হে মাধব !

দেখিলাম ভাগ্য বলবান ।

কহ আছে কি উপায়,

ধরি’ দেহ

নিয়তির হাত হ’তে লভিতে নিষ্কৃতি ?

শ্রীকৃষ্ণ ।

একমাত্র সেই জন পারে রোধিবারে

নিয়তি শাসন,

যেই জন

নারায়ণে কর্মফল করে সমর্পণ !

কর্ণ।

নারায়ণ
 আজি মোর কৰ্ম অবসান !
 ঐ হেরি সায়াহ্ন তপন
 জনক আমার,
 বক্ষমাঝে পাঙ্গপদ্ম তব,
 আর কিবা ভয়—
 নিয়তির গতিরুদ্ধ আজি।

মৃত্যু

সূর্য্যমণ্ডল হইতে দিব্যজ্যোতিঃ প্রকাশ

স্ববনিকা

• গুরুদাস চট্টোপাধ্যায় এণ্ড সন্দের পব্লিশার্স
 মুদ্রাকর ও প্রকাশক—শ্রীগোবিন্দপদ ভট্টাচার্য্য, ভারতবর্ষ প্রিন্টিং ওয়ার্কস
 ২০৩/১১, কর্ণওয়ালিস্ স্ট্রীট, কলিকাতা।

প্রথম আভিনয় রাত্রির কুশালবগণ

১৫ই আষাঢ় ১৩৩০ সাল

শ্রীকৃষ্ণ	শ্রীহিন্দুভূষণ মুখোপাধ্যায়
বলরাম	শ্রীপঞ্চানন রায়
মহাদেব	শ্রীনরেন্দ্রনাথ সেন
ইন্দ্র (ছদ্মবেশী)	শ্রীআশুতোষ ভট্টাচার্য
সূর্য্য (ঐ)	শ্রীবিজয়কৃষ্ণ মুখোপাধ্যায়
শ্রীকৃষ্ণ (ব্রাহ্মণবেশী)	শ্রীনরেশচন্দ্র মিত্র
পরশুরাম	শ্রীঅপরেশচন্দ্র মুখোপাধ্যায়
ভীষ্ম	শ্রীসন্তোষকুমার দাস
ধৃতরাষ্ট্র	শ্রীভূজেন্দ্রনাথ দে
দ্রোণাচার্য্য	৮ কালীপ্রসন্ন পাইন (পরে শ্রীব্রজেন্দ্রনাথ সরকার)
কৃপাচার্য্য	শ্রীতুলসীচরণ চক্রবর্তী
বিহর	শ্রীশরৎচন্দ্র সূর
যুধিষ্ঠির	শ্রীহেমেন্দ্রকুমার রায়চৌধুরী (এমেচার)
ভীম	শ্রীননীর্গোপাল মল্লিক

অৰ্জুন	শ্রীঅহীন্দ্র চৌধুরী
নকুল	শ্রীআণ্ডতোষ চক্রবর্তী
সহদেব	শ্রীসতীশচন্দ্র দত্ত
দুর্যোধন	শ্রীপ্রফুল্লকুমার সেনগুপ্ত
দুঃশাসন	শ্রীতুলসীচরণ বন্দ্যোপাধ্যায়
বিকর্ণ	শ্রীদুর্গাদাস বন্দ্যোপাধ্যায়
শকুনি	শ্রীনরেশচন্দ্র মিত্র
কর্ণ	শ্রীতিনকড়ি চক্রবর্তী
শল্য	শ্রীনরেন্দ্রনাথ সেন
ধৃষ্টদ্যুম্ন	শ্রীঅমল্যচরণ নাগচৌধুরী (এমেচার)
অগ্নিহোত্র	শ্রীবিজয়কৃষ্ণ মুখোপাধ্যায়
অধিরথ	শ্রীবিশ্বনাথ চক্রবর্তী
বৃষকেতু	শ্রীমতী তারকবালা
শূদ্র	শ্রীতারকনাথ ঘোষ
কর্ণের মন্ত্রী	শ্রীসুরেশচন্দ্র বন্দ্যোপাধ্যায়
বিচিত্রসেন	শ্রীরমেশচন্দ্র বিদ্যানিধি (এমেচার)
জর্নৈক ঋষি	শ্রীবিশ্বনাথ চক্রবর্তী
ভৈরব	শ্রীনীলাল দাস
সঞ্জয়, প্রতiharী	}	...	শ্রীবিনোদবিহারী ঘোষ
ও দূত			
গৌরী	শ্রীমতী আঙ্গুরবালা
নিয়তি	শ্রীমতী নীহারবালা
কুন্তী	শ্রীমতী মনোরমা
দ্রৌপদী	শ্রীমতী নিভাননী

স্বকৈতু	শ্রীমতী গোলাপসুন্দরী
পদ্মাবতী	শ্রীমতী কৃষ্ণভামিনী
ভৈরবী	শ্রীমতী ফিরোজাবালা

সখীগণ—শ্রীমতী ফিরোজাবালা, রাণীসুন্দরী, আঙ্গুরবালা, সন্তোষকুমারী,
মতিবালা, রেণুবালা, শ্বেতাজিনী, ননীবালা, রাধারাণী,
খুদীবালা, নীলিমা, ভবানী

